

# OTTONIS TACHENII

ANTIQUISSIMÆ

HIPPOCRATICÆ MEDICINÆ

CLAVIS,

Manuali experientia in Naturæ  
fontibus elaborata,

*Quæ per IGNE M, & AQUA M.  
inauditâ Methodo, occulta naturæ,  
& artis, compendiosâ operandi ra-  
tione manifesta fiunt, & dilucidè  
aperiuntur.*

Seneca in Epist.

*Nunquam melius torquebis invidos;  
quàm virtuti, & gloriæ inserviando.*



LUTETIÆ PARISIORUM,

Apud JOANNEM D'HOURY. ad insigne  
D. Joannis, sub extremo Pontis-novi,  
propè supremum Cœnobium R. R.  
P. P. Augustinianorum.

---

M. DC. LXXIV.

*Cum Approbatione & Permissu.*





A D  
LECTOREM  
CANDIDUM,  
E T

Antiquissimæ Hippocraticæ  
Medicinæ Studiosum.

PRÆFATIO.



*Q*UAM proclive sit labi,  
& errare absque veris  
experimentis, dum abdi-  
tæ rerum causæ inquirun-  
tur, facile apparet ex  
communi hoc sæculo, & nemini inau-  
dita quærela, de novorum librorum in-  
considerata editione, & copia, quam  
â ij



## PRÆFATIO.

nec ego iniquam prorsus judico. Partim enim quia per se odiosa est sciolorum, & vanorum hominum temeraria scriptorum divulgatio, partim quia studiis etiam communibus nocet hujusmodi librorum multitudo, quæ à veterum monumentis accurata sapientia, & eruditione refertis complures abstrahit. Vndè haud scio, an illud nobis usu venire dixerim, ut veterum de veritate studium minori incipiat esse curæ. Si quis verò quærat, cur meum quoque hoc præsens extare velim scriptum nulla maturitate judicij, sed maxima cum celeritate, nec non alacritate elaboratum, & per consequens nulla ubertate usus cum veteribus conferendum, huic ita respondeo. Dux sunt causæ, quæ me, ut denuò hanc antiquissimæ medicinæ particulam ederem, impulerunt: prima, anno 1666. emisi in lucem veterum Philosophorum necessaria dogmata, sub Hippocratis Chimenici nomine, & claris ibidem argumentis ab experientia desumptis ostendi, **IGNEM & AQUAM** in essentia, radice, & proprietate, omnium rerum primordialia principia sta-

## PRÆFATIO.

tui debere ( cum divinus senex libro primo de dieta, eadem Pythagoricorum more tractet argute satis, tamen obscurissime, ridiculam fortassis improbationem timens, & ineptam confutationem ab Austriacis & Nericis Medicinæ decanis eorumque turpiloquis sociis, circa rerum cortices agresti musa astutè admodum versantibus ) eò quod in arcanis inveniendis, & abditis rerum causis perquirendis, hæc validiora existant omnibus probabilibus conjecturis, & vulgo philosophantium placitis; idque non alio consilio, aut scopo, quam veritatis agnoscendæ studio, quod unumquemque virum probum totis viribus amplecti oporteret, docente sic Aristotele prim. Ethic. cap. 4. præstare, imò oportere inquit, ut veritas sit salva, vel nostra ipsorummet decreta mutare, & tollere. Quicumque igitur veterum codices legerit, & recte intelligerit, me tam in Hippocr. Chym. quàm in hoc libello veritatem dixisse, & principia naturalia atque mysteria rara sub clara sermonis serie manifestasse, inficias non ibit.

In demonstrandis autem rebus obser-

# PRÆFATIO.

*vavi Geometricorum ordinem, qui à minimo puncto, & à facillimis fundamentis ad maxima difficillimaque gradatim assurgit, quibus mens ingeniosa super æthera scandit: Sic quoque antiquissima Hippocratica medicina & nostra scientia ordine convenienti primum ostendit minus rara, imò vulgatissima, & ab illis gradatim ascendendo præclariora educit; sic Hermes ab ovo: Hippocrates ab artibus: Morienus à veste: Basilus à cerevisia: Cosmopolita à coloribus &c. & tandem admirabili modo, tam in macro, quam microcosmo (eandem enim ratio) naturæ arcana, & abdita reaserunt, ut eorum principia, rationes, & causæ, quasi in speculo agnoscerentur. Ab hac nostra privata, explanata, atque tutissima via plurimi viri literati (quos decanorum sociorumque ridiculæ censuræ exponere ratio dissuadet) antiquissimæ hujus philosophiæ studiis dediti, non parum fructus & emolumentum exinde se esse affecturos, confessi sunt: deprehenderunt enim hæc nostra traditâ viâ Pythagoricam illud: naturam in omni re similem: non simulatam, &*

## PRÆFATIO.

*fucatam, sed sinceram, & infallibilem veritatem præ se ferre.*

*Cum verò antiqua sit inter homines calamitas, ut semper virtus vim pati-  
tendo prematur, vitium autem, &  
mendacium instar spumæ, in hac im-  
munda olla bulliendo semper summa  
petant. Sic quoque Hippocratem meum  
antiquâ auctoritate, experientia, &  
ratione suffultum, virtute & verita-  
te spoliare tentarunt, verba mutilan-  
do, & sententias pervertendo, ita ut  
non solum antiquissimæ medicinae ma-  
culam inurere voluerint, sed etiam in  
jure crimen falsi committere.*

*Vt autem huic malo dolo, & cal-  
lidæ machinationi, præsens aliquod  
remedium invenerim, operandum mihi  
omninò fuit de nova antiquæ veritatis  
editione: Cæpi ergò cogitare, multò  
plus ex eadem doctrina adolescentum  
studiis commodi proventurum, si quæ  
ex malitia mutarunt, perverterunt,  
& castrarunt, aliquantò correctiora,  
& integriora efficerentur. Quare hæc  
altera causa est, cur denuò ediderim  
hanc antiquissimæ medicinae partem,  
quam tot egregiis experimentis, atque*

## PRÆFATIO.

*rationibus ex antiquissimis naturæ fontibus deductis nobilitabimus, confirmabimus, atque causas rerum tam clare demonstrabimus, ut nullus imposteriorum rationis & mentis compos, præcipua nostra veritatis fundamenta meritò contemnere, aut improbare possit: ita ut studiosi, qui veritatem optant (quorum quam plurimi) hactanquam isagoge, seu manuductione adjuventur.*

*Verùm enim verò dubium non est, quin vitio mihi sit imputatura virtutis comes virulenta invidia (sicut olim primò quod ostenderim sincerum Mercurii sublimandi modum, quæ calumnia sine risu audita non fuit; Sed jejunis naturæ interpretibus hoc peccatum est condonandum, primò quia resipiscencia optanda: Secundò quod auri & ferri conglutinandi modum docuerit Hippocr. Chym. cap. 28.) quòd quæ hactenus arcana, & celata fuere, in lucem nunc produxerim. Sed nolite ob id præcipiti iudicio, & causâ non satis excusâ insontem damnare, oportet enim iudicem ex æquo rationum utrimque, inter quas judicare debet, esse compotem. Nam si crimen videatur,*

## PRÆFATIO.

*me nudam Hippocraticæ Medicinæ veritatem vobis omnibus hætenus ignotam detexisse, nolite insanire, & contra me statim contumeliosè vestra maledicta evomere; sed expendite prius, an non ipsa jam falsis receptis & imposturis fœdata, nunc sit vobis exhibitæ nitide veritati propinquior, quàm remotior? An non magis auctus ipsius decor, quàm imminutus? Vndè forsàn ob id, & ipsa tempore opportuniori suis cultoribus, atque alumniis gratiam sit repensura: neque patrocinium suum adversus impostorum versutias, & fraudes, neque præsidium adversus ignorantiae ferocitatem inficiatura, nè illa prior instar belluarum latrantium alieno bono tabescens, nequè hæc posterior propriâ cæcitate insaniens, amplius in cultiora antiquissimæ Hippocraticæ medicinæ viridaria, & amœniora sata contumeliosè, ac petulanter irrumpant, & laudandos prægressorum ingeniorum labores vastent: incassum illa mihi sua terriculamenta objicient; despecti mihi erunt illorum conatus, siquidem veritatem pro fidissima, potentissimaque tutrice elegeri, quæ*

## PRÆFATIO.

*jam jam prodibit, & in lucem compa-  
rens non quidem licentiâ ultionis, stul-  
torum more, (ut dicitur) vim vi repel-  
let; sed baculo rationis & modestiæ,  
percutiet fatuos detractores, ut à stul-  
titiâ, & fatuitate resipiscant, itâ ut  
imposterum lividis suis, & impuris  
dentibus antiquissimam Hippocr. Me-  
dicinam mordere erubescant. Ad te ve-  
rò candide Lector attinet istorum viti-  
litigatorum in me oblatrantium furiosos  
impetus coercere eorumque mendacem  
linguam ad maledicendum promptissi-  
mam refrænare: nè in propria mali-  
tia glorientur, totoque die cor eorum in-  
justitiam cogitet, lingua quoque eorum  
tanquam acuta novacula necessest dolos,  
diligitque malitiam supra æquitatem,  
& alios præcipitanter inquinat, tes-  
tante Psalmographo.*

*Quanta autem cum facilitate incredi-  
bili illorum stupiditati & ignorantia,  
per antiquissimam Hippocraticam me-  
dicinam succurrerim, nulli veriores sunt  
testes, quam nobilissimi, & clarissimi  
viri, quos inter quotidie versor & au-  
ram vitæ spiro; & sicut scopulus assi-  
lientes undas sine ullo sui motu frangit,*

## PRÆFATIO.

*Et disicit : Sic æquum erat, Et me sine ullo acerbitatis aut iræ motu imperitorum convitia, ineptias, Et deliramenta æquo animo audire, eodemque momento contemnendo negligere. Cum enim vigesimo octavo die mensis Augusti 1668. ridiculum, stultiloquio plenum subscriptum Et approbatum volumen accepi, paucos post dies inopinatò Mediolanum ad Illustrissimum virum dominum Marchionem Fiorenza, Senatorem præstantissimum urbis, propriæ sanitatis causâ me contuli, in lectica, atque itinere concepi Hippocraticam hanc Doctrinam, quam ante ultimas Calendas Novembris ejusdem anni maturam ( quantum argumenti ratio postulat ) edidissem, nisi inquisitorum censura propositum procrastinasset, quod te candide Lector scire volui. Fave, si rectè sentis, Et ea, quæ plebeis nota sunt, Hippocratis decreto solum ebuccinare memento. Vale.*





---

## APPROBATIO.

**E**X ordinis Saluberrimi mandato  
legimus libellum qui inscribitur  
*Ottonis Tachenii Antiquissima Hip-  
pocraticæ Medicinæ Clavis, &c.* hunc  
verò dignum censuimus, qui in om-  
nium Physicæ, Medicinæ, Chymicæ  
studioforum manus veniat. Datum  
Lutetiæ Parisiorum 10. Kal. Ianv.  
Anni 1671.

A. PUYLON, Decanus.

FONTAINE.

DODART.

---

**V**EU l'Approbation ; Permis  
d'imprimer. Fait le 13. de Fé-  
vrier 1671.

DE LA REYNIE.



# OTTONIS TACHENII ANTIQUISSIMÆ

Hippocraticæ Medicinæ.

CLAVIS.

*Acidum, & Alkali antiquis-  
sima rerum principia,  
quid sint.*

CAPUT I.



Cire, est res per cau-  
sas cognoscere, do-  
cet *Aristoteles primo  
Physicorum*: Causæ  
autem sunt Materia, Forma, &  
Efficiens. Materia est, ex qua  
aliquid fit, in natura enim nihil

A

2 *Hippoc. Medicinæ*

nisi ex præjacente materia, aut  
 subjecto fit. Forma, quæ dat  
 esse rei, & per quam res nomen  
 habet, invisibilis est. Efficiens  
 est causa, quæ movet materiam  
 ad finem proprium. Omnes tres  
 causas Hippocrates compre-  
 hendit in duo principia necessa-  
 ria, & sufficientia, vocatque il-  
 la, I G N E M, & A Q U A M:


*Ignis &  
 aqua.*

*Raimondus*, Entia Realia: *Ba-  
 silius*, pugiles, & alio loco gla-  
 diatores: alii litem, & concor-  
 diam; attractum, & repulsum;  
 rarefactionem, & condensationem;  
 masculum, & fœminam  
 &c. Nos verò pro majori cogni-  
 tione & lumine, duo illa Hip-  
 pocratica principia A C I D U M,  
 & A L C A L I appellamus: quia  
 ex duobus illis principiis uni-  
 versalibus fiunt res omnes in  
 universo, ut paulatim experien-  
 tiâ ostendam, ut & ipsâ unicâ  
 antiquissimâ veterum medici-  
 nâ, quibus tamen tertium inse-  
 parabiliter adhæret: hinc sal,  
 sulphur, & mercurius, tria ni-

*Hippoc.  
 princi-  
 pia aci-  
 dum &  
 alcali.*

mirum, quorundam Philosophorum principia exorta sunt, & rectè, vt in progressu clariùs apparebit. Hæc duo semper inter se aut amore exardescunt, aut digladiantur litigio, aut multiplicantur, vel alterum alteri contrariatur, ita vt mors vnius sit vita alterius, & quod vnum producit, alterum destruat, vt rursus ex hoc nobilius quoddam oriatur. Hinc optimè Hippocrates hæc duo elementa ignem, & aquam, vel acidum & alcali, omnia posse, omnia illis inesse affirmavit; ab acido siquidem duæ qualitates masculinæ, calidum scilicet & siccum; ab alcali totidem fœminæ, frigidum scil. & humidum effluentes in mixtorum generationem, concurrunt & commiscentur. Duobus illis tanquam præcipuis elementis, duo maiora lumina præfunt: S O L, ignis naturæ auctor, & L U N A, humorum domina. Hyle omnium rerum principium ideo dictum fuit, *Hyle*

4 *Hippoc. Medicinæ*  
quod res omnes invisibili modo  
ex igne, & aqua generentur: ex  
his duobus fit calidum innatum  
omnium rerum, quod in cre-  
scentibus plurimum esse pro-  
nunciavit Hippocrates. Res erit  
clarissima, ubi non auribus tan-  
tum, sed & oculis loquemur.



*Acidum, antiquissimum prin-  
cipium ut spirituale, sen-  
suum censuræ non submit-  
titur.*

## CAPUT II.

**I**gnem Hippocratis formale  
rerum principium, nullâ a-  
nalyticâ destructione, nullo ar-  
tis ingenio separari posse osten-  
dit Hippocrates Chymicus de  
vino, & tartaro. *Cap. 10. & 18.*  
Hunc Academia Princeps for-  
mam: Antiquissimi (ut & facer  
Philosophus) lucem, & sul-  
phur, à similitudine appella-

runt, eò quòd (sicut sulphur,) occultè acidum & pinguem simul se manifestat. Hunc primo loco posuerunt, & spiritum vitalem, atque masculum dixerunt, quia in illo imperceptibiliter tamen nostris sensibus continentur omnia rerum semina (ex insensibilibus namque omnia confiteare principiis constare, canit *Lucretius lib. 2.*) & omnes res ex illo habent originem, nec quicquam in toto mundo nascitur nisi per hunc. Sedem suam habet in aëre, quia ventus illum portat in ventre suo, cuius pater, inquit Hermes in parva scedula, est sol. Undè excelsi ingenii Lullius in Testamento. Cap. 67. Nos, & multi alii, inquit, vocamus illum *Filius solis.* filium solis: nam primò per solis influentiam fuit generatus per naturam sine adjutorio scientiæ; vel artis: & ideò Aristoteles vocavit solem patrem, & terram matrem omnium vegetabilium, quia sol imprægnat terram ca-

6 *Hippoc. Medicinæ*

*Filius  
ignis.*

lore vivificativo, qui postea in naturalem convertitur calorem, hicque multiplicatur adjutorio caloris ignis, &c. Undè postea per ipsos Philosophos vocatus fuit filius ignis: vt apparet ex Bernardo de Trefne tertiâ parte, qui vocat Aurum, ignem purissimum. Aurum itaque si est ignis, & ignis filius solis, & hic spiritus vitalis quem ventus portat in ventre, Hermete teste hæc tria procul dubio erunt fratres, & solis filii.

Et quem admodum sol cælestis incorruptibilis, constans, & perennis à sapientibus fuit iudicatus, & ab ipso ejusdem Auctore tantis dotibus decoratus, vt in eo tabernaculum suum posuisse dicatur, qui ob id forma formarum dicitur, vel acidum acidorum ( licet talis à vulgo non advertatur, sicuti nequè aurum ) aut forma vniversalis, quæ in opere generationis omnes formas naturales, omniumque rerum semina in materiam

dispositam infundit, quodlibet enim individuum hujus naturæ lucis, vel acidi scintillam in se recondit, cujus radii virtutem activam, & motricem semini occultè suggerunt.

Sic quoque Aurum solis cælestis filius, incorruptibile, constans, & perenne, forma integra, vel acidum perfectum, fixum, & constans est, licet ut antè dictum ab ignaris, & vulgi plebe ut tale non cognoscatur. Nisi enim acidum fixum esset, quomodo adimpleretur Philosophorum dictum? Perpetuum facit tres perpetuas, & fixum res fixas; ideoque est univèrsalium lumen in principio creatum, & in hoc corpus contractum, virtute vivificâ, & secretâ fecunditate dotatum. Acidum dixi integrum, fixum, & constans, quod tibi ( *Ut ait Raimondus* ) qui in Philosophia nihil vidisti, neque visurus es, vacuum, & inane cerebrum planè bardum, atque stupidum faciet.

*Aurum  
acidum  
fixum.*



8 *Hippoc Medicina*

Aciditatem Auri duobus vulgaribus tamen exemplis ostendit Hippocrates Chymicus, quæ nunc iterum in veritatis solidam fidem ex Novello Hippocrate in Zoilorum despectum producimus. Auro enim liquefacto, vel fuso si extremitatem baccilli ferrei immiseris, ferrum in momento vertitur in scoriam non aliter quàm si cum sulphure accenso concrematum esset, & nisi aurum, sicut sulphur commune, occultè acidum esset, atque pingue, ferrum ab ipso non corroderetur. Acidum hoc fixum capere non possunt superficiales, & vanitatum scriptores: Hippocraticæ doctrinæ destructores, qui malunt videri, quam esse, talem ego gloriolam illis lubens relinquo; aliud enim acidum non vident, nisi quod ex cupro distillare somniant, & falso titulo spiritum veneris vocant; quia fixum acidum in natura ex ignavia negant, quasi in cupro volatile esset.

*Clavis. Cap. II. 9*

Secundo aurum purissimum soluitur in aqua regia, soluto instilla alcali tartari, quod sorbet acidus spiritus etiam ipsius auri (causam docet Hippocr. Chym. Cap. 7. quod nimirum alcali tartari etiam metallorum naturam amplectatur) & aurum sic absorptum cadit in pulverem flavi coloris. Hanc præparationem docet *Crotlius* in Cordiali, ut *Beguinus* sub proprio titulo *Aurum fulminans.* Ceraunocryfon: in levissima hac præparatione acquisivit aurum vim fulminantem, vel detonantem eo quod ejus sulphur ex sua propria natura acetosum, ut Sendivogii verbis utar, cum artificiali nitro associetur, quæ associatio fit in alcali tartari in ipso puncto, quo hoc in aquam regiam, quæ aurum solutum continet, infunditur: modum, quo hoc fieri debeat, docet Hippocr. Chymicus cap. 7: (nam quæ alibi, & ab aliis rectè dicta sunt, ea hic otiosè non repeto) Aurum itaque, nisi sicut *Aurum est sulphur.*

sulphur commune, acidum, & pingue esset, sulphureas non ederet actiones cum nitro, quemadmodum sulphur commune cum eodem nitro propulvere pyrio.

Si ergo Hermete teste Sol est pater spiritus vitalis, qui in aëre habitat; & aurum, & ignis, huius fratres, necesse est, ut filii participent de qualitate, dispositione, & proprietate parentis: adeoque spiritum illum nostrum vitalem solis filium, sicut etiam aurum, ut ignem acidum, & pingue esse debere, ratione, & auctoritate liquet, & adstipulatur experientiâ. Acidum itaque est, & pingue antiquissimum principium, & omnium rerum vita, & fons; quod variis nominibus nominarunt scriptores, ut ignem, solem, aurum, spiritum, sulphur, formam, humidum, calidum, siccum, & sexcentis aliis nominibus, quæ omnia synonyma sunt, estque eadem res, cui tamen di-

*Ignis  
acidus.*

verso respectu diversa nomina imponuntur, nobis tamen eam hic, & ubique commodiore opportunitate ACIDUM vocare libet.

Hoc in omnibus feminibus occultè latitat, quia per se quietissimum est, quandoquidem natura cuilibet composito inseruit plus de alcali, quam de acido (sulphuribus exceptis) & ideo non movetur, nisi excitatum, ut in pasta panis luculenter apparet, quæ tantillo acido fermento, & calore excitata movetur, & ab illo calore, & motu acidum illud multiplicatur, & nisi rursus calore internum cedente, ut verbi gratiâ igne artificiali compesceretur, ad vitalitatem pergeret, atque in vermes transiret. Hinc liquet, ignem naturalem longè alium esse ab igne artificiali, atque plurimum inter se differre. Naturalis enim, vel mollis per Hippocr. (ut in pasta panis ostendi) imprægnat, ac fovet, vi-

*Ignis  
mollis  
acidus.*

res infundit, ac suaviter movet,  
 & omnia, quæ pater ejus sol  
 in macrocosmo, eadem prorsus  
 in suo microcosmo similiter  
 operatur. Hinc notandum venit,  
 non homini tantum illud  
 superbum Microcosmi nomen  
 convenire, nam quodlibet semen,  
 quemlibet vermem, quodlibet  
 membrum inquit Hippoc.  
 suum ventriculum habere, &  
 microcosmum ideò appellari  
 posse. Artificialis autem omni  
 generationi adversatur, non nisi  
 ex præda vivit, ex aliena ruina  
 subsistit, vitæ destructor, & naturæ  
 hostis.

*Micro-  
 cosmus  
 quid.*

A Sole itaque, ut à fonte defluunt acidum naturale, & lumen vitale, quæ reipsa idem sunt, sed officio distinguuntur: Acidi enim munus est ad interiora naturæ penetrare: luminis verò exteriora rei patefacere, ut cumque solis radij operentur: adeoque sol est primum naturale organum, cujus accessu, & recessu omnes naturæ operationes

nes variè reguntur, intendunt,  
ac remittuntur. Hinc Cosmopo-  
lita ingeniosissimus: si non esset  
vis vegetabilis sulphuris (id est  
acidum pingue, & filius solis)  
non coagularetur aqua in her-  
bas. Si itaque acidum à Sole  
fluens infunditur in materiam  
ex. gr. mineralem, statim reci-  
pit determinationem naturæ, &  
virtutis mineralis, & sic de cæ-  
teris animalibus, & de vegeta-  
bilibus rebus dixit *Luilius*: &  
propterea quòd hæc aciditas na-  
turalis omnibus mundi materiis  
copulatur, Mercurij nomen à  
sapientibus adepta est, Et licet  
oculus vulgi quotidie videat aci-  
di naturalis multiplicationem,  
nec non incorporationem, attamen  
illud non cognoscit: Exempli loco  
sit minera salis petrae Patavij  
jam evacuata, quæ quin-  
que vel septem annorum decur-  
su rursus repletur, est enim ter-  
ra ejus nutrix Hermete teste,  
vnde hic spiritus in illa corpus  
assumit, atque fit inflammabile  
nitrum.

*Nitri  
mater.*

14 *Hippoc. Medicinæ*

*Elba  
mater  
ferri.*

Grandius est, quod in anima  
voluitur: est insula vulgo Elba  
parva in Tusco mari circuitu  
suo 20. millaria italica comple-  
ctens, ferro dives, ex qua per  
plurima sæcula ferrum fuit eru-  
tum, & hodiè quoque eruitur,  
ita vt non solùm montes ibi-  
dem, sed ambæ duæ insulæ ef-  
fosæ esse debuissent, nihilomi-  
nus ferrum semel eductum à vi-  
ginti annis denuo renascitur, &  
nunc meliùs, quàm olim; eò  
quòd alcali, vel mater minera-  
lis ibidem rursus ex satiatur à  
fonte vitali, & accipit metalli  
determinationem, fitque fer-  
rum,

*Vitrioli  
mater.*


Vitrioli quoque minera eva-  
cuata in Carinthia, primò libero  
aëri exposita, postea cooperta  
ab aliquot annis rursus repletur;  
adeoque radices rerum in aëre  
esse, admodum peritè dixit  
*Calid.*

Si hæc ita sunt, vt revera sunt  
experientiâ teste, quarè acidum  
à sole defluens in materiam sili-

cis , in illa non multiplicabitur,  
 durefcetque in filicis conftan-  
 tiam , & fixitatem? Cum quod- *Silicis*  
 libet individuum naturæ lucis *mater*  
 fcintillam in fe recondat , cujus *fixa &*  
 radiis corpus multiplicatur , vt *cōftans*  
 oftendit Hippocr. Chym. cap. *in igne.*  
 3. Et deinde cum filex per ar-  
 tificialem ignem in calcem ver-  
 titur , propterea non perit ejus  
 acidum , quod cum in vegeta-  
 bilibus fixatur ab igne externo,  
 vt paulò poft oftendam , quid  
 ni etiam in filice ? pinguis ita-  
 que & craffa Minerva eft aci- *Acidũ*  
 dum in calce negare. Sed hæc *in calce*  
 vana funt argumenta , & in *fixum.*  
 vanis & vacuis cerebellis ex-  
 cocta. Miſſis ergò falſis ha-  
 riolis , ad veritatis ſtudioſos me  
 converto.







*Alcali quid sit, & quomodo  
fiat tam à natura, quàm  
ab arte, & unde ejus  
nomen.*

### CAPUT III.

**S**icut in præcedenri cap. ex Hermete, & experientia ostendi, Solem esse patrem ACIDI, nunc in hoc cap. ex eodem Hermere, & experientia, Lunam esse matrem ALALI docebo. Et quemadmodum acidum se non manifestat, nisi Philosopho naturali; sic quoquè alcali non prodit in lucem, nisi detineatur ab acido, quod amat; & primò adducam naturæ operationes, postea quomodo ars eas imitetur, mechanicè demonstrabo.

Thales, Heraclitus, Hesiodus, & Hermes cum Hippocrate dixerunt A Q U A M esse omnium rerum materiam primam,

mam, eisdem etiam assentiri videtur sacrae Geneseos scriptor: tota enim aqua est naturae femineae, quoniam rerum semina in se continet, ac fovet, & multiplicem induit figuram: in macrocosmo modo fit vinum, modo acetum, aqua ardens, caustica, oleum &c. in microcosmo fit modo bilis, modo lac, sudor, sanguis, vrina &c. horum omnium radix aqua est, & frigida, quae ab initio tenui acido, vel luce imbuta fuit, ut aptior fieret formae mixtorum suscipiendae; sic enim ignis igni, lux luci, aqua aquae facillimè commiscentur: nisi enim ab initio hac tenui luce imbuta fuisset, spiritus vitalis in illa corpus assumere non potuisset; illud corpusculum pro maiore intelligentia **A L C A L I** nunc voco, experientia sic docente vide Hippocr. Chym. cap. 19. Modum autem; quo utitur natura, istud alcali præparandi, docet Nobilis Polonus ille ingeniosissimus

*Alcali  
aqua.*

Cosmopolita clarissimis, & ex-  
 „ pressis his verbis. Quando plu-  
 „ via fit, accipit ex aëre illam vim  
 vitæ (quam pæcedenti Capitu-  
 lo acidum esse spiritum ostendi)  
 „ & conjungit illam cum sale ni-  
 „ tri terræ, quia sal nitri tertæ est  
 „ instar calcinati tartari sua sic-  
 „ citate aërem ad se trahentis, qui  
 „ aër in eo resoluitur in aquam: ta-  
 „ lem vim attrahendi habet illud  
 „ sal nitri terræ, quod etiam aër  
 „ fuit, est conjunctum pinguedi-  
 „ ni terræ, & quò radii solares co-  
 „ piosius tunc feriunt, eò major  
 „ salis nitri quantitas fit, & per  
 „ consequens major frumenti co-  
 „ pia crescit, & hoc de die in diem  
 „ fit. Hactenus ille, qui mihi vni-  
 cus inter plurimos sufficit pro  
 auctoritate, quod scil. acidus  
 vitalis spiritus in pinguedine  
 terræ à radiis solaribus fixetur  
 in Alkali, qui rursus ex satiati  
 optat ab acido vitali spiritu ex  
 aëre in falsum, quod tunc ni-  
 trum terræ vocatur, cujus ratio  
 in progressu clariùs apparebit.

*Solis  
 filius  
 fit al-  
 cali.*

Unde rursus alio loco, *inquit*, " quod hic spiritus habeat foro- " rem (alcali) quam amat, & ab " illa amatur vicissim, nam illi est " sicut mater. Quid clariùs dici " potest pro alcali præparatione ex acido vitali spiritu naturali operatione? Addo, si spiritus hic per pluviam ex aëre in terram decutiatur, etiam in aquas decidere necesse est, & iidem radii solares, qui illum in terra reverberando fixant in sal nitri terræ, pariter illum fixant in aqua si non in sal nitri, saltem in alcali naturale, quo aquæ omnes scatent exceptis distillatis ex cephalicis, cujus rationem docet Hippocr. Chymicus cap. 19. & alibi in sal marinum, alibi in Vitriolum, in minerale alibi secundum matris dispositionem, ut præcedenti capite ex Lullio quoque ostendi.

Hoc ex fundamento procedit etiam spiritualis plantarum re- præsentatio, de qua Hippocr. Chym. cap. 20. si quis quærat,

*Solis  
filius  
amat  
sorore  
alcali.*

*Alcali  
in aqua.*

*Planta-  
rum re-  
genera-  
tio ex  
Hippo-*

*cratica*  
*Doctri-*  
*na pro-*  
*cedit.* vel dubitet de earum invento-  
re, consulat atque perpendat  
hanc antiquissimam veritatis  
Philosophiam, & arcanorum  
naturæ studiosus immediatè ci-  
tra vetularum rixas inveniet,  
quid quærit.

De ignaris approbatoribus;  
atque detractoribus qui absque  
stabili fundamento scribunt, nil  
curamus: cum scimus, calum-  
niam (quæ nostra, in potestate  
non est) eum, qui infert, flagi-  
tium committere, & eum, qui  
accipit, culpa carere; pati au-  
tem illam virtutis amore nihil  
fælicius, nihil honesto viro ju-  
cundius, vnde incredibili cum  
voluptate, & lætitia accipitur,  
cum verò diuturna non est, rur-  
sus suapte naturâ sine ullo labo-  
re ad ortum revertitur. Sed re-  
deamus.

*Alkali*  
*in terra.*

In terra autem alcali esse, do-  
cet experientia per ejus extra-  
ctionem, quia ex terra sublima-  
tur alcali volatile, quod non-  
dum constantiam acquisivit, vnde

de cum solum esse negligat, in auras avolare contendit.

Sic ex aqua fieri alcali natura *Alcali*  
trians, docuit *Paracelsus* per ac- *in aqua*  
cretionem filicis in phiola; li-  
quor enim omnium rerum radix  
aqua est, teste Hippocr. de diæ-  
ta: ignis *inquit* omnia movet,  
aqua vero omnia nutrit; hinc  
Lactantius, aqua sunt omnia;  
Democritus quoque non igno-  
rabat virtutes aquarum, ideò *Aqua*  
veritatem dixit immersam esse *nutrit.*  
in puteum. Sic Hermes, aqua  
susceptibilis nutrimenti in ho-  
minibus, & aliis, & sine aqua  
non operatur natura: vide Hip-  
pocr. Chymic. cap 19. Pro con-  
firmatione meæ assertionis au-  
diamus Nobilem Cosmopoli-  
tam. Natura, inquit, novit ex  
aqua in terra fructus producere,  
& ex aëre illis suppeditare vi-  
tam: id sonat, nisi in aqua esset  
foror, id est alcali, quod amat  
hic spiritus, per se non subsi-  
steret, quia solus esse non potest,  
vt docet Hippocr. & per conse-

quens nihil produceret, sed rediret in patriam; vndè rursus Hippocr. de Natura pueri; ex paucis *inquit* multa contingunt, quia vniversa terræ nascentia copiosiore virtute ex terra attrahunt, quam secum à parentibus attulerunt: idem est, quod dixit suprà Cosmopolita pro alcali generatione, cui addit, aqua coagulatur vi sulphuris vegetabilis in herbas; vbi notandum; nisi hic spiritus vel sulphur (voca vt lubet) in aqua reperiret, quod amaret: certè non ingrederetur, & nihil coagularet: nam si aqua vi sulphuris vegetabilis coagulatur in herbas, eadem aqua vi sulphuris mineralis coagulari debet in mineralia, & eadem aqua vi sulphuris animalis in animalia, vndè debere esse nutritivam necesse est, si alias coagulationem subire debeat.

*Vinum  
catolicum.*

Aqua itaque communis est vinum catolicum, & vniversale quod bibunt animalia, vege-

tabilia, & mineralia, quodlibet, suo modo: Adeoque negare alcali aquæ inesse, est contra gravissimos auctores, contra rationem, imò contra experientiam; & qui nutrire aquam pariter negant, ij ex hac negatione nil nisi vniuersale ludibrium obtinere possunt. Sed audiamus Hippocratem 1. lib. de diæta, contra negantes aquam nutrire, atque coagulari vi sulphuris in mineralia, vegetabilia, & animalia, sic quoquè in corpus humanum: cum natura vbique similis sit: quibus superatur, *inquit*, ignis à præsentia aquæ, hos jam alij desipientes, alij attonitos, sive stupidos appellant. Et hæc insanix quædam species tardior existit; hi plorant; nemine molestante, aut verberante: formidant non formidanda, & tristantur in rebus nihil ad se pertinentibus, & sentiunt ea, quæ non conveniunt sapientibus. Confert itaque his cerebrum jam turbatum, & stu-



24 *Hippoc. Medicinæ*

pidum veratris expurgare, cui addo: dummodò Anticyra ad sufficientiam produceret. Hæc habet Hippoc. contra negantes aquam nutrire.

Haæteus ostendi ex sapientis naturæ officina, quomodo filius solis per radios solares reverberatus in alcali fixetur, & quomodo illud alcali rursus indefinenter attrahat filium solis, & ita simul condensentur. Huic naturali operationi superstruam nunc artificialem, ut appareat, quomodo veneranda antiquitas conata fuit imitari naturam, quanto viciniùs fuit possibile.

*Ars  
imita-  
tur na-  
turam.*

Ars itaque accipit vegetabilia omnis generis, ligna, frutices, ramenta, arbuta, folia, &c. viridia omnia atque recentia (quorum humiditas est hic instar pluviae) si ligna, frutices vel arbuta, ea possunt accendi in aprico, vel sub camino, & sine flamma in cinerem reduci, nè illud, quod quærimus, à motu in aërem, vel patriam redeat; si

si succulentæ sunt herbæ, in furno ignito (ignis hic est loco radiorum solis, qui reverberat acidum vegetabilium in alcali) in cineres comburi possunt, qui deinde acri flamma, in reverberii furno huic rei apto agitantur, donec fusionem minari incipiant, certo argumento, acidum in alcali esse conclusum, & tunc vocantur cineres clavellati, vel alcalizati.

His ex cineribus aqua communi elicitur sal per lixiviationem, deinde exhalatur aqua, donec remaneat siccitas: quæ appellatur sal alcali fixum artificiale; hoc sal cum formam ferè perdiderit, remanet pro majore parte vacuum, ideòque impatiens inanitatis rursus acido ex satiari in falsum optat, ut naturæ cursum adimpleat; sicut supra ex Cosmopolita ostendi. Et quemadmodum natura in elaboratum suum alcali quotidie, & sine cessatione infundit occultum acidum vitale ex aëre,

*Alcali  
artificiale.*

26 *Hippoc. Medicinæ*

quæ postea ambo, solis calore coquente, paulatim assurgunt in segetes, & fructus; sic quoque ars naturam imitando præparatum suum alcali, ne sterilecat, imprægat occulto acido, ut v. gr. oleo, pinguedine, &c. & calore continuo paulatim coquit, donec assurgat in saponem salis saporis: vel illud commiscet fixioribus rebus, vel arena alba, vel silicum pulvere, quæ mixtura fortiori calore fusionis scil. agitata assurgit in vitrum, quod saporis salis esse debet, quia ex acido silicis, & alcali fixo compositum est; imò alcali tanto acido saturatum, ut sibi sufficiat, vertitur in falsum, & si alcali sufficienti acido silicis coquendo non saturetur, alcali superat acidum, & vitrum ex aëre ratione alcali vacui, & sitientis trahit humidum, fatiscit in rimas & diffringitur. Hinc Zoar: quod ex omni herba fieri possit vitrum quando nimirum alcalixatur, ut ostendit Hippocr. Chym. cap. 4. & 5.

*Alcali  
cum o-  
leo fit  
sapo.*

*Alcali  
cum si-  
lice fit  
vitru.*

His intellectis, rursus instrui-  
mini contra negantes, acidum *Acidū  
fixum.*  
fixum esse in natura : & sicut al-  
cali superante acidum, vitrum  
fatiscit, rimas contrahit, fitque  
inutile ; sic quoque ( vt suprà ex  
Hippocr. ostendi ) quibus aqua  
superat ignem in cerebro, fiunt  
adeo stupidi hebetesque, vt præ  
tenebrosa humiditate acidum  
fixum in natura percipere non  
possint.

Destruitur autem vitrum per *Vitri  
destru-  
ctio.*  
idem alcali fixum per quod  
componitur, contra negantes  
& non intelligentes principia  
( non dari scil. vitro simile al-  
cali ) nescio ; an quid absur-  
dus audiri possit. Sed levis ar-  
maturæ doctores levitates pro-  
ferant, mirum non est, plures  
itaque partes alcali, quàm vitri  
vnam in massam colliquantur, *Ignis Violento*  
quæ aëri exposita tota resolu-  
tur in liquorem, ex quo enim *Vitrum  
fit li-  
quor.*  
vitrum constat, in illud & per  
illud debet rursus resolvi, vt  
Aristoteles rectè docuit : huic

28 *Hippoc. Medicinæ.*

liquori affunde acidum minerale guttatim, donec strepitus cesset; & alcali saturatur in falsum saporem, silicumque pulvis perit fundum. Hunc pulverem lac mox generare per os assumptum; & mox quoque eodem modo assumptum perniciosum esse, somniat Endymion, qui nusquam tutus est.

Hujus pulveris conficiendi modum docent veteres nostri, ut nimirum ignitum vitrum in cineribus stipitum fabarum extinguatur, & quanquam non ineptè locuti sunt, cachinno nihilominus excipiuntur à Mancipata turba, eo quod lixivium prius parandum non docuerint pro vitri extinctione, quasi Rasis non expressè docuisset, Philosophorum dicta, & scripta semper intelligenda esse secundum naturæ possibilitatem, & non secundum simplicem verborum sonum, nam minima quæque peritis in arte adnotare, nimis longum, tædiosum.

que foret; verbum enim extinguere necessario præsupponit liquorem, vt ex Rasi liquidò constat: sed nos Rasi respondemus: quod Philosophorum dicta ægrè ab illis intelliguntur, qui in criticis glossulis gloriosam vanorum more quæritant; neque vnquam naturæ operationibus fuerunt informati, sed solum in receptulis hinc inde colligendis, maleque intellectis vitam consumpserunt; & hæc esse potest causa, quare plebeis distinguendi gratia data non sit, vt in progressu clariùs patebit.

Postquam ars naturam imitando ex vegetabilibus alcali extraxit; illud quoque in minerali familia delitescere necesse iudicavit, præsertim cum natura in omnibus similis existat. Incepit igitur coquere, & calcinare silices nudo igne donec alimenti, pars abscederet, sicut fecit in vegetabilium familia; cum verò per simplicem aquam ex illis calcinatis al-

*si lex  
fit calt,*

30 *Hippoc. Medicinæ*

cali extrahere non posset (eò quòd acidum fixum in calcinatione non periisset, sed rursus apprehendisset sororem, alcali scil. fixum, atque simul ambo in petream indolem concrevis-  
sent) incepit ideò commiscere calcem cum tribus alcali vegetabilium partibus, ut nimirum acidum silicis cum duabus alcali partibus neutram naturam indueret, sicque tertiæ partis vegetabilis alcali auxilio eliceretur alcali pars vna silicei; simile enim in simile facilem habet ingressum, docuit Hippocr. de locis in homine: & sic extractum fuit alcali potentissimum pro sapone conficiendo ex minerali familia, ut fusiùs docet Hippocr. Chym. cap. 3. & 4.

*Alcali  
silicis  
calci-  
nati.*

*Alcali  
pro sa-  
pone.*

*Alcali  
quid  
sit.*

Porro alcali nomen non est vocabulum novum, aut vanæ opinionis à me noviter introdu-  
ctum, sed à Philosophis, & ar-  
canorum mystis non solum ad  
rerum, sed etiam ad salium di-  
stinctionem; acidi autem con-

trario modo agentium inven-  
tum. Alphidius enim antiquis-  
simus Philosophus in libro, cu-  
jus titulus, *Aurora consurgens*  
cap. 12. de rebus mineralibus.  
Quemadmodum, inquit, ex-  
trahitur sal alcali è calce viva,  
vel cinere clavellato, vel ab ip-  
so tartaro calcinato, per humo-  
rem convenientem, donec ni-  
hil remaneat acuitatis: sic sal  
nostrum &c. Idem docet Senior  
gravissimus Philosophus hujus  
antiquissimæ scientiæ de tribus  
Lunæ Imaginibus. Sufficiant  
igitur hæc, & quæ supra ex in-  
geniosissimo Sendivogio addu-  
xi, quod scilicet sal tartari, cal-  
cis vivæ, & cinerum clavellato-  
rum, eorumque naturam redo-  
lentia alcalia ( & non merè sal-  
sa, vt insulsi doctores insipide  
scribillant ) à peritis vocentur,  
& sint: quod sicut Sendivogii  
alcali naturale spiritum nostris  
sensibus occultè acidum ( semel  
pro semper dictum sufficiat ) ex  
aëre ad se trahit, imprægnatur



ab eo, amboque surgunt in segetes & fructus; ita etiam alcalia hæc artificialia vacua, & inania imprægnantur ad nutum artificis acidis quibuscunque & quando saturata sunt, sumunt ab acido determinationem juxta calidi innati proprietatem, & naturam, ut paulatim mechanice dilucidius ostendam. Adeoque non sufficit somniare alcali tartari pure falsum, sed oportet hujus doctrinæ clara, & demonstrabilia fundamenta adducere, alias hæc fidem in veritatis schola non acquirit, sed pro malitiosa illusione, ut ex hara rediens, proscribitur & exhibilatur.

Nunc clausulam ex Potanicis addam de herba Kali, qui hujus herbæ sal vocant alcali, & pro vitrificatione commendant: neque unquam legere contigit, sal marinum, vel fossile pro vitro, aut pro sapone conficiendo ullo modo adhibita fuisse, eò quod acido saturata, & prægnantia,

minimèque vacua experientia fuerint reperta, & vltra proprium acidum nil aliud combibere posse: imò proprium acidum cum difficultate dimittere, & nisi alcali acidam silicis partem fixam in se absumeret, vitrum nunquam fieri posset: quod confirmat supernatans *Fel* pinguedo, quæ alcali amplius *vitri.* non est, illamque fel vitri vocant, pro vitrificatione impostum inutile: hoc enim, cum sit saturatum acido fixo ex silice, salis cibati faciem ratione falsedinis repræsentat, ob idque pecoribus, atque jumentis, quæ sale maximè ad pastum sollicitantur (vbi carius venditur) relinquitur. Adeòque salia acidum absorbentia à Philosophis antiquissimus vocantur alcalia (sicut sunt) ad distinctionem salis falsi, & cibarij, quod comedimus. Sic & nos pariter illa vocabimus alcalia, ab auctoritate, ratione, & experientia sic edocti, ut vt crepent ilia momo. In

### 34 Hippoc. Medicinæ

filice igitur constanti in igne & fixo habitat alcali, & acidum, fixum, quod Decani cum socijs nondum didicerunt; nos autem demonstravimus, acidum in filice fieri vitrum, & rursus ex ejusdem filicis alcali fieri saponem, amboque illa principia per unicum alcali in duas diversas substantias fuisse divisa, humanis vsibus per quàm necessaria, & nisi Als & Cheo, id est, salis fusio (vnde Alchimix nomen (in natura fuisset, sapone, & vitro carere nos debuisset. Videatur præfatio Hippocr. Chym.

*Silex*  
*& Calca-*  
*ls fer-*  
*men-*  
*tant in*  
*vitrum.* Acidum itaque filicis per se difficilis fusionis animat alcali vacuum facilis fusionis (hoc enim nisi vacuum esset, acidum filicis combibere non posset) & ambo hæc colliquando abeunt in massam opacam, quæ fermentationis ratione suapte naturà ejicit spumam falsam, quæ separata fel vitri à peritis appellatur; massa paulatim clarescit

in pellucidum vitrum, ita ut  
quod heri vegetabile fuit, ho-  
diè ab anima filicis in minera-  
lem, & petream indolem, vi-  
trum nimirum transierit; quæ  
consideratio parvi momenti  
non est. Anima enim filicis exit,  
& intrat in alcali ( ut habent  
Pythagorici ) vel vegetabilis  
anima exiit, & mineralem re-  
induit naturam, animaturque  
vegetabile petreâ indole, ut im-  
posterum nullus ignis, vel aci-  
dus liquor illud vincere, aut læ-  
dere possit. Vndè Raimundus  
*suavi loquela* ad suos: Aufer ei  
animam, & redde ei animam:  
& licet non propriè de vitrifica-  
tione, non tamen minoris pre-  
tiii est operatio, de qua locutus  
est, cum Natura in omni re si-  
milis existat, ut in hoc libello  
prudentibus, & veritatem quæ-  
rentibus ostendam; vulgum au-  
tem non curo prophanum, quia  
hujus antiquissimæ medicinæ  
studij capax non est, nec erit;  
quare paucis placere studeo,

cum suspectum habeatur, quod pluribus arridet; & sequi paucissimos, sed recto tramite incedentes, Pythagoræ monitum sit.

*Alcali  
femi-  
nea,*

Sal alcali itaque se habet instar fœminæ respectu acidum Solis filij, & est soror, quam amat, & à qua vicissim amatur, ut loquitur Cosmopolita, & est sicut luna, quæ luce, & virtute imprægnatur à Solis filio. Vnde Luna est mater, ut Hermes, & reliqui post eum abditioris Naturæ interpretes loquuntur, qui suum alcali lunam vocant: hinc rectè innominatus arcanorum Mystes; fœmellæ, *inquit*, calor terrestri calori respondet, dum semen putrefacit, fovet, ac præparat: ignis verò semini insitus, Solis filius, materiam disponit, dispositam informat.

Si ergo alcali acidum Solis filium recipit, putrefacit, fovet, ut hoc rursus in novum, & clarificatum corpus (ut in vitro ostendi) resurgat, necesse est, ut ma-

tris fungatur officio, adeòque vacuum sit, si aliàs à Solis filio imprægnari debeat, vt docui Hermes, & experientia. Vnde Hippocr. suspirando ignorantiam eorum, qui apud ignorantes scire se jactant: homines inquit, ex manifestis obscuri considerare non noverunt, 1 lib. de diætâ. Igitur ad distinctionem acidi salis communis vocatur alcali non solum à Philosophis, sed etiam à mechanicis vitrariis, & saponum magistris. Si ergò alcali est vacuum, & acidum bibens (vt ostendi) quomodo, & qua ratione alcali tartari purè falsum declamari, & vt tale, appobrarî potest?

*Alcali  
tartari.*

Anilis itaque, monstruosæ, & turpissimæ ignorantie fabula hæc est, in vanis cerebellis inventa, & approbata, sed à viris doctis, & intelligentibus prorsus deridenda, & exhibilanda. Cavete ergò vobis veritatis amantes à fuminendulorum turba, cum longè aliter se res

38 *Hippoc. Medicinæ*  
habeat, ut gloriosi illi milites  
vobis propinant: mihi quidem  
damnum nullum inferunt, sed  
in tyronum gratiam, nè falsis  
doctrinis se credant quæ incau-  
tos plerumque abducunt in præ-  
ceps, illa scribo, ut à quibus in  
posterum sibi cavere debeant,  
optimè noscant.


Cum Hippocrate ergò con-  
cludimus, quæcunque mundus  
habet, ex igne & aqua vel ex  
acido & alcali constitui: his duo-  
bus instrumentis fiunt res in  
universo, ut & ipsa antiquissima  
veterum medicina ( quibus ter-  
tium tamen inseparabiliter in-  
cluditur ) quam ideò sal Philo-  
sophorum indigitarunt; unde  
omnia corpora ex acido & alca-  
li completè mixta ( cum scilicet  
ignis aquam non superat, & vi-  
cissim ) sal dixerunt. Hinc na-  
tum est illud, in Sole & sale na-  
turæ sunt omnia: imò omnis  
gratia, ornamentum, deliciae,  
& vitæ humanæ delectamen-  
tum, convenientiori vocabulo

*Sal Philo-  
sopho-  
rum.*

explicari non potuit : hinc delectabiles facetiæ , quæ neminem offendunt , sales vocantur : pariter gratiarum vox ei tribuitur : Vndè *S. Paulus Colos. 4.* Sermo vester sit semper cum sale gratiæ conditus. Et non frustra scriptura sæpius accipit sal pro symbolo sapientiæ ( *accipe sal sapientiæ* ) indicare volens , quod fundamentalis cognitio salis , ejusque compositionis ex duobus naturæ instrumentis parvi non sit momenti ; si igitur determinata communis salina materia alcali scilicet acido solis filio informata tam in scriptura quam in morali Philosophia sal vocetur , illique vni salis vox tribuatur quare summum masculum , qui soli æquiparatur , vultis innocentem defraudare , & detrahare de ejus nomine proprio ? Accipite ergò à me sal sapientiæ , & rogate Dominum , ut vobis omnibus spiritum discretionis largiatur ; nulla enim ætas ad bonos mores , & ad ve-



40 *Hippoc. Medicinæ*  
ritatem perdiscendam tarda est.  
Erubescat senectus, quæ emen-  
dare se non potest, sed ( ecce  
quam placidus sum Cæsaris ad  
exemplum ) vt adhuc melius  
concupere possitis, arrigite at-  
tentius aures, & audite diffe-  
rentiam inter sal alcali vacuum  
& sal commune, quod sapien-  
tes ob sui perfectam mitionem  
soli comparaverunt.



*Sal cibarium, quantum distet  
ab alcali vitrificante, &  
saponario.*

#### CAPUT IV.

*Sal no-  
tissimū.* **I**Am per vniversum terra-  
rum ambitum est peragrata  
popularis, & conspicua salis ci-  
barij inclita fama, cujus propu-  
gnationem aduersus muscas in  
illud solis lumen conspirantes  
nunc suscipio: sal qui adeo ne-  
cessarium est mortalibus ele-  
mentum,

mentum, vt vita humana sine eo degerere nequeat, ideo naturā jam ad perfectionem deductum porrigit, neque à nobis requirit (vt in cæteris acquirendis) vstionem aliquam, sed vt solum sive marinum; sive puteale ab aqueo humido deficemus; ad eius mixtionem in naturæ officina elaboratam æquo confluxu librata principia concurrunt, vnde in sole & sale naturæ esse omnia perfecta, statuit veneranda antiquitas, & ab Helmonte non imperite salium summum vocatur, & est inter omnia armoniacum tamen natione laudatur, vt habet Dioscorides. Vide Hippocr. Chym. cap. 2.

Verum enim verò Alkali fama ad vniversos populos nondum penetravit, eo quod in natura non profest essentialiter vel corporaliter, nisi arte, & vstione conficiatur tam in animali, quàm vegetabili, & minerali regno; hac tamen differentia,

*Alkali  
ignotis  
plurimis.*

42 *Hippoc. Medicinæ.*

*In sole  
& sale  
naturæ  
perfectæ.*

*Alcali  
artifi-  
ciali  
nunquã  
purum  
ab om-  
ni for-  
ma  
privũ  
haberi  
potest.*

quod quædam mineralia non æqualiter mixta plus de alcali, quam de acido adepta sint sulphure, auro, & sale cibario exceptis, quibus plus acidi inest, ut ostendi. Hinc tres patres habere hanc virginem, antiqui scripserunt, naturam scilicet ignem & Philosophum; ubi notandum, quod nemo per ustionis artem in aliquo naturæ regno quidquam alcali absolutè puri, quacumque sc. acidi mixture privi, præparare possit; nam qui illud quærit, vano torquetur labore. Vndè Cosmopolita: comburite, inquit, sulphura sulphure incombustibili, & ab ejus anima, cujus granum & fermentum quidem mercurius in se habet, quantum sibi sufficit, sed fac ut etiam aliis sufficiat. Nunc satis dictum sit ad confusionem negantium antiquissimæ artis principia, quod nimirum mercurius sulphur non habeat separabile. vanum est, quod vanitatum magistri,

vanique, scriptores cogitarunt (inquit Geber) vidimus enim ab illo emanere &c. Cui adstipulatur experientia.

Sal commune est fals-acidi saporis, id est, acidum in illo prævalet, propterea incorruptibile (quod si sal in sulsum fuerit, in quo illud condietis?) hinc cibus modicè mixtum, gratum illis conciliat saporem, & appetitum excitat.

Sal alcali est fals-acido saporis contrarium, cibus licet modicè mixtum ingratum dat saporem, & appetitum pessundat.

Sal commune ratione aciditatis præservat carnes, & pisces longum tempus à putredine, attrahitque, ex illis alcali volatile, quod per retortam rursus facillimè separatur, ut docet Hippocr. Chym. cap. 14.

Sal alcali huic contrarium acida absumens putredinem promovet.

Sal commune nil acidi bibet,

#### 44 *Hippoc. Medicina*

& ob id exsiccatum ab aqueo humido, & injectum in antimonii butirum, illud non turbat.

Sal alcali exsiccatum in idem antimonii butirum jactum, non solum in momenta illud non turbat, sed planè destruit quia acidus spiritus sorbet, atque antimonium cadit in pulverem candidum.

Sal commune cum quadruplo boli mixtum ac distillatum aperto igne edit liquorem acidum.

Sal alcali cum tantundem boli mixtum, ac distillatum aperto igne edit liquorem sub amarum ratione boli insipidum, & aqueum per se vt. ostendit Hippocr. Chym. cap. 10.

Advertat hic Lector æquus, processum de sale tartari volatili reddendo deformatæ reformatæ inquam Pharmacopœiæ Augustianæ insertum fol. 247. ultimâ editione, ex supra dicto decimo capitulo Hippocratis Chym. surreptum fuisse, &

*Salis  
tartari  
volati-  
lis sal-  
tus pro-  
acutus.*

postquam illum spoliarunt de rebus sibi incognitis (vt ostendam) quid plura? Textum mutilant, calumniis illum onerant, sententias pervertunt, & crimen falsi committunt. Superitandem malè perdant hujusmodi fictos, expilatos, & deformatos labores, quibus studiosorum mentes perstringuntur, Citato decimo capitulo mechanicè demonstravi, cuncta ex igne & aqua constare, imò aquam esse basin, & radicem, non solum dulcium, insipidarumque, sed etiam ignearum virtutum, & rerum causticarum, vt aquarum fortium, alcalium, & salium, oleorum, acetorum, aquarum ardentium, & omnium; in quibus acrimonia ignis praevallet, aqua inquam horum omnium radix frigida est, natura enim in elementum humidum virtutes suarum rerum imprimit. Humor itaque est primum naturæ subiectum, in quo primus labor impenditur, vt ostend-

di hujus libelli tertio capite, & imposterum illustribus, clarisque exemplis palam fiet. In hunc finem inquam, reduxit Hippocr. Chym. citato loco quàm plurima, vt & alcali tartari per solutionem & coagulationem in aquam simplicem elementalem nullius saporis, & odoris ignis verò & Solis filius, propter quem chorea ducitur in illa operatione in patriam rediit; ideò vt homo non inveniat opus, quod fecerat Deus. Eccles. Cap. 3. v. 11. Vid. etiam Hippocr. Chym. cap. 18.

Hunc meum laborem atque sudorem non solum in sui gloriolam diligentissimè surripuerunt collectitij domini, sed in per infinitis calumniis auctorem, & veritatem suppressere tentarunt, venditant que aquam hanc elementalem simplicissimam, pro sale volatili tartari, sesquipedalibus his verbis dicentes & approbantes.

*Et hac demum ratione certior*

*esse poteris L. B. virtutes salis tartari per alembicum transiisse, teque succincto sermone accepisse secretum magnum, Tuæ & proximi salutis destinatum, quo felix vtere.*

Proh! æqui Lectores judicetis. velim an potuerit aliquid à magnificis dominis plausibilis excogitari? Auctorem nimirum spoliare, deinde calumniis illum onerare<sup>1</sup>, postea claram veritatem detractione deprimere, & ut sibi apud sui similes nomen parent, simplicissimam aquam elato supercilio pro sale volatili tartari venditare, non solum in proximi detrimentum, sed etiam in contumeliam medicinæ, quæ sane omnium artium nobilissima esset, nisi ab ejusmodi ignaris cerebellis, & alcali inanioribus tractaretur: ecce causa, quare à vulgo omnium vilissima reputatur. Quis ex hominibus candidis ingenuus lector delectari posset ejusmodi actionibus, atque promissis



48 *Hippoc. Medicinæ*

manifestis vanitatibus refertis, sub medicinæ prætextu? Olim qui falsa docebant pro nebulonibus reputabantur, vnde *Cicerone pro Roscio* inquit, à nebulone facile quis eluditur, Tantis enim absurditatibus illorum cerebrum est occupatum ut reminiscentiam perdiderint: ex-  
cidit enim ab eorum memoria quod aqua ab alcali tartari hau-  
sta sit simplissima, nec quicquam virtutum illarum in illa radicatarum contineatur, quas Raimundus, Basilius Hollan-  
dus, Helmont & alij sali tarta-  
ri volatili adscribunt. Dissoluit-  
ne aqua, quam sic ex alcali tar-  
ri distillastis metallum, vel sal-  
tem lapillos cancrorum verâ so-  
lutione? vel quatuor tantum-  
modò guttilæ hujus vestræ di-  
stillatæ aquæ augmentantne vi-  
talem spiritum incredibili vigo-  
re, si quis superest, per os as-  
sumptæ? Quibus addo: non so-  
lum ex tartaro, sed ex omnibus  
cephalicis, quæ alcali in cineri-  
bus

*Sapiens  
quærit  
alcali  
Tartari  
ignem,  
insipiens  
aquam.*

bus ( id est sine clavellatione )  
continent alcali volatile fieri  
posse. Sic amicus ex lilio con-  
vallio alcali volatile deduxit in-  
credibili restaurandi facultate  
præditum: imò ex corticibus nu-  
cum inglandium externis illud  
præparavimus non minoris ef-  
ficaciæ in solvendo. Sed Basi-  
lius, Hollandus, Helmont &c.  
extollunt alcali tartari, eò quòd  
cum suæ naturæ igne facillime  
coëat. Attamen sicut in omnes  
doctos, sic quoque in hunc vi-  
rum ingratitude debaccantur,  
falsissimè illum criminantur  
quod huius salis præparatio-  
nem non revelaverit. Sed ridi-  
culi magistri, quid indigetis  
Helmontis ope, cum certiores  
sitis *Virtutes salis tartari per  
alembicum transisse, & aper-  
tum magnum secretum habeatis*  
Quid laceratis virum? qui fi-  
deliter ostendit vobis semitam  
rectam, sicut fecit Hippocr.  
Chym. tribus in locis, vt etiam  
in hoc scripto, huius alcali præ-

parationem palam, & clarè posuimus; quam si non intelligitis, nolite maledictis insectari, sed propriam vestram inculpate ignorantiam, & postea adhibebite incurbitulas, atque acre suppositorium, ne vobis invidiosa illa rumpantur.

Sed nihil festivius quam cum eodem textu asseclarum suorum in aures sic susurrat: *idque tibi hoc ductus motivo revelo, ne ad emulationem multorum ævi nostri scriptorum invidiæ mancipium evadam.* Cui diceret Plautus non herclè aplauda est hodie, quam tu nequior. Et non minus ridiculum est, quod (supra citato folio) autumant, Doctorum scilicet virorum curiosas investigationes, pro quibus non semel sudarunt, in propatulum ostendi debere vanitatum magistris, qui aquam à sale distinguere nesciunt; quasi non sat abundè miseris ægrotantibus, quid pro quo exhibitum fuisset; sed ut ipsis Philisopho-

rum inventa ulterius adulterandi, ac infamandi anſa daretur; ignorant enim quod expreſſis verbis Hippocrates id vetet, ſed ſolum quæ plebeis nota ſint dicere debere permittat. Non enim capiunt vim, & ſenſum verborum; exemplum ſit hæc mea reductio alcali tartari in aquam, quam conſeſtim pro alcali volatili in expertis venditant, & in ſuper pro cordiali turgidis, vacuis tamen, & vanis verbis extollunt. His & ſimilibus fabulis, ſtudioſa juvenus ſub ſpecie veritatis nutritur quia tuentur, & approbantur à medicinæ magnificis decanis, & profeſſoribus: innocens inventus facillimè his nugis veritatem ſubefſe putat, quia verum à falſo diſcernere ignorat, ſicut & eorum magiſtri: Vnde qualem effectum habeant hæc & ſimilia in arte, quotidiana docet experientia, ut non ſine cauſa vulgus in proverbio habet: *mentiris ut medicus.* Quis igitur

Philosophorum erudiat indo-  
cilem hanc rixantem, & inertem  
turbam, nisi fortè qui sibi ipsi  
injuriam facere, & maculam in-  
delebilem contrahere velit?  
Missis itaque istis processistis,  
qui non absque doctorum viro-  
rum risu in scenam prodeunt,  
ad veritatis studiosos me con-  
verto, & dico: quod antiquissi-  
ma medicinæ scientia non con-  
sistit in processibus, & receptis,  
hinc indè clam surreptis male-  
que intellectis compilandis (de  
quibus in proverbio, cum carta  
cadit, tota scientia vadit) sed in  
vera scientia, id est, in rerum  
per suas causas cognitione, ut  
Aristoteles rectè docuit primo  
Physicorum: cui enim per cau-  
sas cognitio accedit, non solum  
experientiam habere dicitur,  
sed rem scire, & perfecte tene-  
re, & hoc est fundamentum  
antiquissimæ scientiæ. Et licet  
omnia recepta, cum eorum ex-  
scriptoribus, subscriptoribus,  
& approbatoribus interirent,

*Scire  
quid.*

nihilominus hæc antiquissima scientia immobilis persisteret: cujus fundamentum Hippocr. Chym. tritis & vulgatis exemplis, verbisque fideliter ostendit; at putatitij, vacuique doctores propter mentis cæcitatem hoc attingere nunquam possunt (cæcitatem dico, nam omnis cognitio lumen est; sicut ignorantia, tenebræ) eò quod à veritatis cognitione jam dudum exclusi sunt. Nunc de larvata aqua elementalifatis: alia, & infinita similium quisquiliarum genera collecta sunt in citata Pharmacopœa, quæ non solum nobilissimæ medicinæ maculam inurunt, sed etiam in proximi ruinam resultant. Male parata, quia non intellecta, sic quoque malè dilabentur, & quia proprium volumen postulant, tunc temporis parco, & vndè digressus sum redeo.

Sal commune non abluit fordes propterea non fit sapo ex eo. Hinc Nausicca Regis Alci-

§4 *Hippoc Medicinæ*

noi filia lavabat lintea ex fonte in littore maris , vt notat Homerus , odyf. lib. 6. quod Aristot. rectè ad salis perfectam mixturam refert , quia cum nihil vacui in se habeat ( sicut alcali ) fordes in se recipere non potest.

Sal alcali vacuum est , ideò fordes combibit , & ex eo fit sapo , quia absorbet occultum acidum in oleo , & pinguedine , quæ lenta concoctione vna vertuntur in saponem falsi saporis. vt habet Hippocr. Chym.

Sal commune carnem vivam fortificat , corroboratque ; scabiem pforam , ac similia cutis vitia sanat , testes mihi sunt piscatores maris , imò & ambusta sanat cum oleo mixtum.

Sal alcali mortificat , & putrefacit carnem vivam , testes sunt cauteria potentialia , & Historia , quod totum hominem vivum in momento putrefecit vt habet Hippocr. Chim. cap. 4.

Sal commune cum arena non


abit in vitrum, quia acido saturatum est; Sal alcali cum arena liquatur in vitrum, quia acido privum recipit in suum ventrem acidum silicis, & per fusionem fit petreæ indolis: vt supra dixi.

Sal commune nitrum reddit impurum; Sal alcali nitrum mundat ab omni impuritate vt docet Hippocr. Chym: cap. 8. Sic in sacris legimus, omnis victima sale salietur, non autem alcali ibidem mentio fit.

Ex ostensis igitur circumstantijs manifestum fit, quod sal cibarium, vel commune, solis filius & salium summum plurimum distet ab inani, & vacuo alcali, quæ ideo juxta seposui, vt Doctorum & curiosorum virorum choro patefiat, quod nulla mica salis in tam magnis innovatorum corporibus reperiat, qui sal alcali falsum esse contendunt, & imperitis suis focijs ignoranter persuadent. In universo itaque non sunt plura



56 *Hippoc. Medicinæ*  
falia, quàm acidum & alcali:  
acida sunt, infinita quæ omnia  
pro fundamento habent vnicum  
alcali, in quo subsistunt, & in-  
corporantur, vt cap. 6. ad ocu-  
lum demonstrabo. Adeoque ad  
acidum, & alcali omnia falia, &  
omnes res, quas mundus habet,  
referri facili methodo possunt:  
quare iucundum erit, prius-  
quam progrediar, medicina-  
lium salium præparationem hic  
subnectere.



*Salium medicinalium  
præparatio.*

CAPUT V.

**P**ostquam in superioribus co-  
stendi, in vniverso nil aliud  
esse, quàm acidum & alcali, ex  
quibus natura omnia opera  
componit, quibus tamen ter-  
tium indissolubiliter iunctum  
semper adhæret, vt paulatim

patefiet. Nunc pergam salium medicinalium propositionem confirmare, & ostendere quid sint medicinalia salia, quorum naturam hæcenus à nemine descriptam inveni: Ideo operæ præmium judicavi ex Hippocr. Chym. cap. 21. veram præparandi rationem huc transferre, quæ simul eorum essentiam ostendat.

Prudentissima natura tertio capite nobis viam monstrat, quomodo spiritus aëris coagulatur, atque fixetur per ignem nimirum, & aquam, id est, per radios solares, & per pluviam, nisi enim ambo concurrant, spiritus redit ad originem, quod experiuntur illi, qui ex aridis simplicibus salia præparare satagunt; exsiccando enim exhalat maxima pars, & quò sicciora remanent, minor salis copia acquiritur, minimum, & nihil ex putridis, quæ licet summo studio in cineres redegeris, ex illis tamen sal non elicies; è con-

*putrida  
ligna sal  
non ha-  
bent in  
cineri-  
bus.*

tra verò, quò recentiora concrematur, major salis copia habebitur.

Principale itaque studium, & labor erit pro salium præparatione, vt herbæ sint recentes (vide Cap. 3.) tunc nimirum concremando innatum acidum apprehendit alcali, & alcali absorbet acidum & fixantur ambo juxta concreti proprietatem, ex parte autem, quæ cum flammâ fugit, & ab acido non sufficienter ligata, in fuliginem abit, alcali volatile facili methodo elicies.

Exemplum sit Absinthium viride; hoc ita viride sub camino, vel loco aperto accendatur (Sed fumaría vel similis succulenta, recens, ac viridis in fornacem candentem projiciatur, & portella claudatur, ne flammam concipiat) flamma impedienda pro viribus; nam satis est in cineres licet nigros conversum esse, qui cineres ulterius calcinandi sunt in larga olla terrea, &


humili, vel super larga ferrea elatae orae lamina, accensis sub-  
tus carbonibus in fornacula  
venti, in eum finem, ut ostio-  
lum claudi vel aperiri pro exi-  
gentia possit, spatula ferrea  
semper sunt movendi cineres,  
donec optime albescant. Nota  
hunc modum suavius, atque  
benignius procedere debere,  
quam capite tertio. In alcali  
præparatione: ibidem enim ci-  
neres acri flamma agitantur,  
qui ideo clavellati dicuntur: hic  
verò ignis non debet tangere ci-  
neres, sed supra larga ferrea,  
vel terrea tabula extendi, quæ  
fornacis os non intret (vide  
Hippocr. Chymici textum ca-  
pite supra citato) cineres lineo  
sacco acuminato, vel si eorum  
habeatur paucitas, cartæ acu-  
minatæ impone, & aquam com-  
munem superfunde, quæ cum  
transcurrit sale prægnans, lixi-  
vium vocatur. Hoc percolatum  
lixivium in sartagine ferrea non  
uncta in culina celeri ebulli-

60 *Hippoc. Medicinæ.*

tionem coagula & constringe in  
massam, quam cum incipit in-  
star mellis spifcescere, assiduè  
spatulâ tunc moveto, & exsic-  
cabitur in pulverem griseum,  
quem statim ollæ non vitriatæ  
cum suo cooperculo fornaculæ  
venti clauso ostiolo impone, ac  
obruere carbonibus minutis, eo-  
rundem carbonum pulvere cõ-  
mixtis, sensim calefacito ad  
brunnitiem vsque, non autem,  
ut incandescat, vel fundatur;  
refrigeratis omnibus projice sal  
in vitreum vas, & sufficienti  
aqua dissoluito, cum bacillo li-  
gneo agitando aliquoties, do-  
nec totum sit solutum, postea  
quiescat per duos vel tres dies:  
clarum à fæcibus sine magna  
agitatione effunde, & in plum-  
beo, vel vitreo vase in arenam  
posito aquâ, exhalare sine bul-  
lis permitte, donec salina cuti-  
cula appareat; tunc removeto  
vasculum & sequenti manè col-  
lige splendentia grana salis, quæ  
aquâ limpidâ celeri motu a-

bluenda, & exsiccanda sunt. Remanens lixivium iterum arenæ impone, ut aqua exhalet sicut prius ad cuticulam. Ambo hæc salia conjunctim in vno vasculo sunt asservanda. Notandum quod salia hoc modo suaviter præparata referunt crasim sui concreti. Reliquum lixivium vrinacei saporis, & fætu-  
lenti odoris pro vitris abluendis relinquendum. Et hæc est facilis, & naturalis ratio parandi vegetabilium salia, que nunquam liquefcunt per se, neque ingrati sunt saporis, ex proprio nimirum acido & alcali per con-  
cremationem sunt composita. Libra hujus cineris fundit ferè uncias quatuor salis purissimi, sed aridarum herbarum cinerum libræ quatuor vix ~~unciam~~ *unciam* salis dabunt.





*Quod seminalis virtus omnium rerum sit acida, & quod acida ducant alcalia ad libitum, quodque omnis acidus liquor sit salis acidi solutio in aqua elementalī.*

## CAPUT VI.

**S**upra ostendi, quod aqua coagulatur vi sulphuris vegetabilis in id, cujus determinationis erat sulphur. Sulphuris proprium est, occultè acidum, & pingue esse, ut ostendi cap. 2. quod in vegetabilibus semper est volatile.

Accipe ergò vel lignum, vel farinam (cujus spiritum venditant, & approbant ridiculi magnifici Domini pro spiritu acido salis armoniaci) vel simplex, quodcumque sit, vegetabile, vel ipsa grana Kermes, ac distilla per retortam pingue acidum

*Clavis. Cap. V I. 63*

liquorem, qui sulphur granorum Kermes, vel alterius vegetabilis (quod hactenus ignorarunt) dicitur, & est huic liquori affunde alcali tartari (quod aquæ respondet igne ablato, ut docet Hippocr. Chym. cap. 10.) donec strepitus cesset; hoc compositum cola per cartam, quod paulatim exsicca in melleam consistentiam, & in frigido con- *Tartarus Kermes.*  
crescet tartarus granorum Kermes, vel sal essentielle, ut vocant alij: quod si cupis ut vertatur in purum sal, hoc in ollula non vitreata vix ad brunnitiem calefacito, ut saltem pinguedo superans deflagret, vel retortæ indito, & ex vacua cupella aleum distilla, massam griseam vel ex retorta nigram aqua communi dissoluta, solutio quiescat per tres dies, donec clarescat, quam effunde paulatim, & in vitreo vase in arenam posito, exsicca ad cuticulam, sequenti mane colliges sal ejusdem virtutis, cujus fuit acidum, quod alcali af-



fudisti. Adeoque alcali ad acidi lubitum ejusque voluntatem perducitur.

Quemadmodum acidus liquor ex granis distillatus imprægnat alcali viribus suis, quod exindè determinationem suscipit, ita vt sal granorum Kermes dicatur, & sit: sic quo què eidem alcali effunde acetum distillatum, quantum bibere possit, id est, ad saturitatem, quod cognosces, quandò strepitus cessat, & odor aceti spirat: imprægnatum alcali coagula ad siccitatem; & licet acetum fuerit distillatum, & alcali tartari purissimum, coagulum tamen valdè est impurum, sordidum, & nigrum propter aceti pinguedinem, quæ separata proinde flammam concipit. Dissolve nigram hanc massam in aqua limpida; quiescat, quod solutum est, per tres dies, tunc per cartam separa purum ab impuro, purum rursus exsicca vt priùs, & habebis tartarum regeneratum

ratum ; nunc distilla ex retorta  
sicut tartarum vini, & tibi dabit  
oleum fatidum magis , vel mi-  
nus (juxta vini qualitatem , ex  
quo acetum factum fuerat ) &  
liquorem subamarum , qualem  
dare solet tartarus communis.  
Fæces , vel caput mortuum ni-  
si per ignem vehementem in vi-  
trum abjerit , rursus dissolue in  
aqua limpida ; ac percola , &  
coagula in alcali tartari verum,  
quasi ex communi relictum es-  
set. Adeoque idem alcali tar-  
tari à granorum Kermes acido  
sulphure imprægnatum , eius  
naturam sequitur , & sit sal gra-  
norum Kermes : & idem alcali  
aceto imprægnatum sequitur  
aceti naturam , præstatque,  
quod tartarus vini : non aliter,  
quam fæmella , quæ postquam  
est juncta viro , amittit nomen  
stemmatis paterni , & viri co-  
gnomen induit : Naturam enim  
esse in omnibus similem docuit  
Pythagoras , & post eum Hip-  
pocrates, Excelsius est quod in-

*Tarta-  
rus vi-  
ni rege-  
neratus.*

*Alcali  
tartari  
sit sal  
Ker-  
mes.*

*Alcali  
tartari  
sit tar-  
tarus  
vini.*

# 66 Hippoc. Medicinæ

animo versatur; oportet autem, ut ad scopum perveniam, nonnulla Hippocr. Chymici experimenta repetere. Distilla ergo ex retorta igne aperto sal commune cum quatuor partibus boli, omnibus prius in subtilem pulverem reductis (fælicius succedit si invicem mixta & confusa sint; cum sic per cribrum facilius cadant) acidum egressum liquorum affunde alcali tartari puro, donec strepitus cesset, & alcali imprægnatum sit: mixturam hanc vitreo vase exhalato levi calore, vel etiam ad solem, usque quò cuticula desuper concrescat, & sequenti mane frigefactis omnibus habebis splendētia grana salis communis; ita ut spiritus salis in alcali tartari redierit in verum sal commune.

*Alcali tartari fit sal commune.*

*Alcali regenerat. in nitrum.*

Et quemadmodum cum sale communi fecisti, pariter fac cum nitro: cujus spiritus in alcali tartari fit nitrum verum, flammam concipiens, & anginae re-

medium. Vid. Hippocr. Chym.  
Cap. 21.

Sic quoque ex alumine acidus elicitur spiritus, quo eòusque alcali tartari imprægnetur ut suprà dixi, donec strepitus cesset, qui liquor suavi igne coagulatur in alumen; ita ut *Alcali regenerat. in alumē.* non solum omnium vegetabilium, sed etiam mediorum mineralium omnium acidus spiritus in alcali corpus reinduat, fiatque illud idem, ex quo acidus spiritus eductus fuerit: sulphuris verò acidum in alcali non fit sulphur, eò quòd terream pinguedinem per flammam amiserit, sed cum arena vel silicibus pulverizatis, in quibus reperit, cui se associet, & illud vincat, ut docet Hippocr. Chym. cap. 21. in verum sulphur sublimatur.

His experimentis elucet veritas primi capitis, quod scilicet mundi spiritus, vel solis filius sit acidus, & pinguis, & quod hæc pinguedo, vel sul-

68 *Hippoc. Medicinæ*

phur participet de tertio, quod indicavi jam dicto primo capite igni, & aquæ inseparabiliter adhære, quod jam jam in vitriolo, ejusque anatomia dilucidius demonstrabo. Vanum itaque & ignorantia plenum est, quod contra omnem veritatem scribillant: acida nempe non prævalere alcalibus, nec acida ducere alcalia ad eorum velle.

*Spiritus vitrioli.*

Distilla ergò in loquaculorum confusionem ex vitriolo exsiccatò spiritum communi modo, qui acido sulphureus est, quem ex retorta in vacua cupella possum adhuc semel rectifica, vel distilla, de quo tantum affunde alcali tartari paulatim, donec strepitus, & ebullitio cesset (nam si celeriter instilles, simul incalescent propter igneam naturam in ambobus subjectis) humorem superfluum, insipidum, & aqueum exalato, quousque videbitis cuticulæ nascentis signa (hic notandum, nisi tam alcali, quàm acidum satis

*Alcali regene-  
natur in  
vitrio-  
lum.*

prius sint diluta ante conjunctionem, in ipso coitu cadere pulverem album tartari vitriolati, neque nasci cristallina grana). tunc vasculum removeto à calido, & in locum frigidum reponito, repeties manè lucentia grana vitrioli formam laudentia, eò quòd spiritus & acidus traxerit alcali ab libitum, id est, in formam vitrioli. Hoc album vitriolum vocant Tartarum vitriolatum, nos verò vitriolum regeneratum, quicquid ignara plebecula remurmuret.

Etenim acidum silicis in alcali regeneratur in pellucidam petram frangibilem, quam deinceps neque ignis, neque ullus acidus liquor destruxit, ut suo loco de silice ostendi, & infra de coralis ostendam.

Acidum occultum olei in alcali regeneratur in pingue salsum saponem.

Acidum granorum Kermes in eodem alcali fit filius Kermes, id est sal.

70 *Hippoc. Medicinæ*

Acidum salis communis in eodem alcali fit sal ejusdem naturæ.

Acidum nitri in alcali fit nitrum verum flammam concipiens, & anginæ remedium.

Acidum aluminis in alcali fit verum alumen.

Acidum vini in alcali fit tartarus, & omnia reliqua acida, regenerantur in alcali matre; quare ergo acidum vittoli in alcali regenerati non appellari debet vitriolum regeneratum? Fortasse quia cum gallis non nigriget, sicut vitriolum ferri? Vel quod distillari non possit, sicut vitriolum commune, ut ineptè vociferant? Sed quare ex his accidentibus, quæ omni vitriolo non sunt communia vultis naturam phantastico more cogere? Verum illa sapientissima magistra floccifacit non solum contumelias venenosarum linguarum; sed insuper vocales doctores omnes, qui discere recusant, eorumque delirantes fabulas;

*Sapientia natura stultitia suam metuntur.*

Igitur aures arrigite, vt discatis: quòd sicut de acidis paulò ante demonstravi, ea scilicet ducere alcalia ad eorum velle; sic quoque hic contingere necesse est.

Nam cum acidum naturale casu roserit immaturum ferrum, tunc coagulantur ambo in vitriolum ferri, quod junctum gallarum succo, nigrum induit colorem ratione ferri, & non ratione acidi.

Atque idem acidum naturale cum casu roserit immaturum cuprum: tunc coagulantur ambo in vitriolum cupri: quod licet junctum gallarum succo non nigricet: nihilominus est, & vocatur tam à peritis quàm ab imperitis, vitriolum.

Acidum istud naturale per distillationem prolectum, cum roserit ferrum, coagulatur rursus in vitriolum ferri viridis coloris.

Acidum idem cum roserit cuprum, coagulantur ambo in vi-



triolum cælestini coloris : adeoque. Acidum idem cum roserit alcali tartari , coagulantur ambo in vitriolum albi coloris : quòd nil aliud est , quam vitriolum regeneratum , vt docuit Hippocr. Chym. cap. 17. quem vos , vt prius evoluatis hortor , priusquam adversus naturæ opera debacchemini. Quarè autem communis tartarus vester vitriolatus distillari non possit? Jam jam clara demonstratione patebit.

*Quare  
tarta-  
rus vi-  
triola-  
tus cõ-  
muni  
more  
prapa-  
ratus  
non sit  
distilla-  
bilis?*

Aciditas illa naturalis , quæ ferrum erosit , salubris , gratissima , & pretiosissima , à perquam plurimis quæritur , à paucis invenitur : hæc inquam arte , & ignis ope distillando extrahit tentatur ex corroso & immaturo metallo ; sed cum sola esse non possit ( vt Hippocr. de diætâ docuit ) suum simile , sulphur nimirum metallicum immaturum , & volatile secum facillimè rapit , quia ventus ambo portat in ventre suo fitque vulgaris

garis spiritus vitrioli, austerus,  
& corrosivus ratione admixti,  
& inseparabilis sulphuris me-  
tallici immaturi.

Hic vitrioli liquor vulgaris,  
& austerus, ut rectificatus  
metalli liquamen sulphureum  
continet, eo fundamento, quod  
solus esse non possit, ut in pro-  
gressu clarius patebit; hic spiri-  
tus seu liquor, si alcali tartari  
affundatur, donec strepitus ces-  
set, imprægnatur alcali non  
quidem acido naturali, sed a-  
cido metallico, immaturi sul-  
phuris metallici austeritate præ-  
dominante, generaturque fi-  
lius, quem parentis proprieta-  
tes, sequi necesse est, fixus in-  
quam, & constans in igne: ec-  
ce domini doctores ratio, qua-  
rè tartarus vester vitriolatus  
distillari non possit; Nam in illo  
puncto coitionis, cum poten-  
tius ab alcali amplectatur, ter-  
tium quia debile jugulatur, ut  
paulatim legendo apparebit. Il-  
lud est, quod steriles approba-

*Alcali  
fit vi-  
triolum  
regene-  
ratum.*

tores vna cum antecedente grege hæctenus ignorarunt.

Hunc sulphuris metallici filium nos cum antiquissimorum Philosophorum choro vitriolum regeneratum vocamus, quia ferrum, seu terrestre corpus deposuit, & in clariore forma regeneratus relucet.

Anima itaque imperfecti metalli in acido austero spiritu absconsa sibi corpus fixum in alcali tartari format: vnde liquido constat, spiritum esse vehiculum animæ, atque vinculum ligans animam cum corpore, quod paulatim in subsequenti- bus, clariori sermone veritatem amantibus studiosius apparebit.

Audiamus nunc Basilium Valentinum de duplici hoc spiritu vitrioli loquentem ( præter meam experientiam ) in libello quem repetitionem magni lapidis vocat, his verbis. Et ut illud cognoscas, *inquit*, Scire te oportet, quod vitriolum habet duos spiritus, album & ru-

*Spiritus  
vitrioli  
duplex.*

brum ; albus est sulphur album ;  
ruber , est sulphur rubrum , qui  
aures habet audiendi , audiat.  
Et nota diligenter , nequè obli-  
viscere , sermo enim difficilis  
est , & quodlibet verbum ma-  
ximi ponderis. Vitrioli spiritus  
albus , est acidus & amabilis ,  
stomacho gratissimus , & inti-  
mis nectar , atque vniuersali  
concoctioni proficuus. Ruber  
vero est multo acidior , & multo  
ponderosior albo , ob id lon-  
giori tempore distillando extra-  
hitur. Hactenus Basilus. Qui  
plura desiderat , videat locum  
citatum : verba ingentis sunt  
ponderis , & non frustra hinc  
apposita , & citata.

Si itaque vitrioli compositio  
est ex acido naturali amabili,  
odoris suavis , intimis nectar ,  
in quo sensibilis corrosio in lin-  
gua non percipitur , sed spiri-  
tualis & grata aciditas ( per me  
sunt testes Basilus , acidulæ , &  
experientia ) & ex immaturo  
sulphureo metallo , quæ duo ab

invicem separari per distillationem, possibile non est nam naturalis aciditas summæ volatilitatis non ascendit sine comite sulphure acido immaturi metalli, quia sola esse nequit, ut ex Hippocrate ostendi, & experientia didici: & superest ergo, ut astutis manibus capiatur, & quidem tempore opportuno, quando dormit.

Privatæ itaque viæ multæ sunt, quas arcanorum naturæ studiosi inire possunt, gratum illud atque pretiosum anxie questum acidum acquirendi: & quamvis plures sunt, ad unum tamen omnes intentum, ut Geber recte docet, conducunt; hic modus tamen contemnendus non est: licet multa nescientes contumeliosè vociferent, vomitum, & alia multa symptomata concitare consueverunt. Vah infælices ægrotantes, quos naturæ ministros nacti estis! Surdis his non loquor, quia incapaces sunt; sed veritatem

amantibus hoc munusculum offero.

Dissolve ergò vitriolum ferreum (ferreum inquam, quod cupri odorem non habeat, hoc si deest, illud præpara, sicut ipsa natura, modum ostendit in Hippocr. Chym. cap. 28. artificiale verò est distillatò acido vitrioli, & ferro, inutile hîc est: consule Hippocr. Chym. cap. 17.) Romanum optimum est, in hanc claram solutionem instilla alcali tartari purissimum, quod statim attrahit, & absumit acidum naturale. Non incalescunt in hac conjunctione acidum, & alcali, vt suprà in communi Tartari vitriolati præparatione, quia ignis, vel sulphur metalli immaturi fundum petit, & separatur à spiritu naturali pro majore parte, vt paulatim mechanicè ad oculum demonstra-  
bo. Hanc compositionem si spissior tibi videbitur, ità vt metallum immaturum cadere non possit, dilue cum aqua, &

*Tartarus vitriolatus magnarum virium.*

citius cadet. Non te tædeat saturationis punctum invenire, quod post primam filtrationem facile sequetur, vel cum alcali acidum superat, nil aliud incommodi affert, nisi ut digerendo tempus perdas, ut immaturum metallum subsidat (videatur Hippocr. Chym. cap. 10.) Liquerem clarum in vitreo vase (infundo, vel subtus acuminato, eo fine, ut si aliquid immaturi metalli adesset, in calido separari ad fundum possit) in balneo roris positum pedetentim exhalato ad cuticulam, & reperies in frigido cristallos splendentes, quæ non excalefaciunt, nequè stomachum subvertunt, & vulgaris tartarus vitriolatus austerum enim, & corrosivum sulphureum immaturi metalli liquamen non habent, & ideo in medicina sunt magnæ æstimandæ. En rudimenta ex Pythag. Hippocratica Schola, quæ ingenioso satis sunt, nec fas est omnia palam interpretari;

nostris hæc, & plura alia reservanda sunt. De viribus hujus tartari vitriolati, vide Crollium, & securus eris: plura non addo, nam ipse se potentissimum ostendet Herculem.

Verum quidem est, unciam vnam hujus tartari vitriolati requirere circiter à principio tres vncias alcali, quia primum mortificat immaturum sulphur metallicum, & postea educit acidum naturale: cujus operationis exemplum dedi capite 30. de lixivio saponariorum; ubi nimirum vegetabile ~~alcali~~ mortificat acidum filicis calcinati pro lixivio inutile, illudque in petream condensat indolem, contraria enim contrariis coagulantur: Et deinde idem alcali vegetabile elicit, ac trahit ex calcinato filice alcali potentissimum, quia simile solvitur, trahitur, & jungitur simili: in vitriolo autem hoc regenerato nostro (vel tartaro vitriolato, voca ut lubet) eadem quoque

*Contraria coagulantur contrariis.*



fit actio, hac tamen differentia, quòd alcali tartari vertitur cum immaturo metallo in sui coagulum, & deindè sorbet acidum naturale: quæ differentia est notanda, quia inutilis non existit, vide quoque Hippocr. Chym. cap. 3. & 4. vbi saponis exemplum frustra scriptum non fuit, nequè pro inutili reputandum, vt vilis & ignorata plebecula existimat.

Hic noster tartarus vitriolatus in igne constans non est, sed pro medietate volatilis, iuxta patris proprietatem, qui illum genuit: vbi è contra vulgaris in igne constans persistit, ratione sulphuris metallici, quod alcali imbiberat, & ideò volatilis, vel distillabilis non est, eò quòd animam metallicam in igne perseverantem nactus sit, vt supra quoque ostendi.

*Vitriolũ  
artifi-  
ciale  
martis  
& ve-  
neris;*

Si itaque spiritus vitrioli communis informatus est anima cupri vel ferri, mirari cessa, si perfectis his duobus metallis

affusus, ea dissolvat, atque cum illis vitrioli faciem ludat; simile enim simili facillimè associatur; ignis igni: aqua aquæ: spiritus vitrioli distillatus gaudet sulphure, & suo simili in Marte, & Venere, cum illo delectatur, penetrat eorum intima, dissolvit ambo metalla, & rursus corpus assumit, & cum illis vitrioli naturalis faciem ludit. Cum verò dominium in illa non habet, dicta metalla perficere, vel erudire non potest, quia plus non habet, quam sibi pro sustentatione satis sit: acidum enim cum rursus à metallis dictis per distillationem separabis, redibit idem spiritus vitrioli, quemadmodum illum affudisti, nequè doctior, nequè melior, & remanens caput mortuum funditur in idem cuprum, quod fuit, priusquam dissolutum esset, vel in crocum martis, si ferrum dissolverat sine alteratione vlla, nequè evadit melior neque pejor cæteris crocis quocumque

82 *Hippoc. Medicinæ*  
modo præparatis : sicut ostendi,  
& ostendam , naturam enim in  
omni re eandem docuit Pitha-  
goras , non minus quam Hip-  
pocrates.

Si itaque spiritus vitrioli sym-  
bolum fert in cuprum ratione  
sulphuris vt ostendi , atque nil  
de cupri virtute auferre potest,  
sivè per macerationem , sivè so-  
lutionem , coagulationem , &  
distillationem , multò minus re-  
liqua acida cuiuscumque ; sint  
generis. Admirandum , & ju-  
cundum erit , hanc historiam  
penitius scrutari , nam non mi-  
nus reipublicæ medicinæ , quam  
curiosorum , & nostris tempo-  
ribus floridi frequentis , & clari  
pharmacis senatus interest.

*Ærugo  
fit ex  
cupri  
laminis  
& vi-  
naceis.*

Fiat itaque *ex cupri laminis  
ærugo , vel æs viride cum vis re-  
centibus , interpositis telis raris,  
vel lineis , vel sericis , quicquid  
rudi mineræ lubet addito ace-  
to , urina ( fæminarum , aliter  
forfan veneris nomen fugeret )  
alumine & nitro.* Hanc miscel-

laneam testantur Norimber-  
gensis, & Austriaci collegij de-  
cani cum reliquis approbatori-  
bus tempore neque acescere,  
imò neque posse acidum ingre-  
dientium vaporem per raram  
telam ad cupri corpus pervade-  
re, vt illud erodat; hoc autem  
( si non dico verum, sed verifi-  
mile sapiat ) peritis iudicandum  
relinquo. Quomodò autem fiat  
ærugo, docet Dioscorides rectè,  
& sine fraude. Quinque ergò  
prædones sub pingui ignorantiae  
vexillo militantes invadunt fæ-  
minam fragilem ( advertat ju-  
ventus moralitatem, nè scilicet  
verecunda hæc nuda compareat  
in conspectum quinque mili-  
tum, rarâ telâ vestitur ) quæ in-  
trepidè diù pertulit, omne cer-  
tamen, sed cum contra duos ne  
Hercules quidem, in prædam  
se dedit pudica, & in morda-  
cem æruginem acidi naturam  
imitantem cum prædone vnico,  
id est, aceto ( vt ostendam ) con-  
versa est. Hæc materia viridis,

84 *Hippoc. Medicinæ*

æruginis à veteribus nostris, non autem vitrioli nomine, appellata fuit, quia vitrioli proprietates non habet, ideoque æruginem appellavere, ut denotarent omnes simul quinque prædones non habuisse vim, aut potentiam, cupro exiguam virtutem extrahendi, vel in minimo puncto alterandi, sed tantummodò corporeitatem erodendi, dominium enim in illud non habent, nequè ab illo eruditiores redeunt, & quanquam plurimi sint, qui de eo gloriantur, eorum tamen gloriatio falsitate non caret, eò quod supremi Conditoris decreto cautum sit, nè nobilius in ignobilius, aut præstantius in deterius degeneret, aut in servilem mancipij sortem transeat.

*Cuprum  
acidis  
liquori-  
bus vel  
vapori-  
bus non  
destrui-  
tur.*

Cuprum itaque (seu venus, quicquid lubet) jam in æs viride mordax, & scabrum conversum, & in aceto (ex quo oritur) distillato, dissolvitur, atque rursus in æruginem con-

gelatur, rejectis fœcibus &c.  
 purgata ærugo, vel æſerofum, *Veneris*  
 ex retorta loricata aperto igne *spiritus*  
 distillatur, & postea ex arena *nasci-*  
 rectificatur. En arcanorum My-*tur.*  
 stæ, hic ille est *spiritus veneris*,  
 & *menstruum secretum tan-*  
*quam Alcahest* (vide Hippocr.  
 Chym. cap. 29.) quod pro ve-  
 neris filio adorant DD. Norim-  
 bergensium & Austriæ Medici-  
 næ decani cum sociis, de quibus  
 Epictetus: multos esse ver-  
 botenus; non re ipsâ doctos.

Procacitas, & turbis licentia,  
 de qua venus multis sed inani-  
 bus clamoribus à falsis testibus  
 accusatur, quod nimirum vni-  
 co actu quinque procos admise-  
 rit, Philosophos non solum in  
 admirationem, sed ad incredi-  
 bile traxisset, nisi pariter scivis-  
 sent in jure accusationum co-  
 piam sæpenumero indicibus fa-  
 stidiosam, & suspectam existe-  
 re; præsertim cum eos non la-  
 teat, in natura amorem non  
 quinque, sed nequè tertium

86 *Hippoc. Medicina*

quidem admittere : vndè potius  
ferunt contra accusatores sen-  
tentiam , & dicunt. Quemad-  
modum venus à falsis accusatio-  
nibus , & falsis imputationibus  
post examen , vnico tantummo-  
dò masculo constans , & casta  
reperitur, fieri posse, vt ità quo-  
què aliquis à similibus accusa-  
tionibus inclarescat , vt multi  
ignoti alioquin.

Notissimum quidem est, ve-  
nerem esse lascivam, & quem-  
libet masculum ( id est acida  
omnia tam occulta , quam ma-  
nifesta, vt acetum, oleum, a-  
dipem, saccharum, mel &c. om-  
nia inquam viridescere cum cu-  
pro ) sine discrimine quidem  
amplecti, ità vt omne smasculi  
ejus amore exardescant, id est,  
viridescant : Sed teste alcali na-  
turalium rerum matre , cum  
nullo eorum omnium in deli-  
quium animi vsque oblectetur,  
nisi cum proprio fratre : Verùm  
vt discursus hîc clarior evadat,  
paulò altius doctrinam repete-

*cuprum  
virides-  
cit ab  
omni-  
bus aci-  
dis.*

re convenit: quod scilicet acidum cujusvis vegetabilis, aut per fermentationem, aut per distillationem, vel per expressionem prolectum, vel occultum, vel manifestum, affusum alcali tartari, informet idem alcali anima eius, de quo desumptum sit, fiatque eiusdem acidæ naturæ sal, ut in principio hujus capituli per Kermes grana (in quibus acidum, id est, virtutem seminalem negant decani cum socijs) & per farinam (ex qua spiritum salis armoniaci acidum stillare jactitant) ostendi. Vide quoque Hippocr. Chym. cap. 11. & finem, cap. 17.

Sic quoque acetum vini distillatum, & in alcali tartari projectum ad satietatem coagulat in tartarum, & quidem ejusdem naturæ vini, de quo acetum fuerat desumptum. Hic tartarus si cum igne fabuli, vel etiam aperto ex retorta distilletur, prodit oleum pingue, & liquor subamarus, sicut in com-

*Tartarus artificialis.*



88 *Hippoc. Medicinæ*  
munis tartari distillatione.

*Salsa  
artifi-  
cialia.*

Idem quoquè de nitro, de sa-  
le & de alumine hujus capitis  
principio ostendi, nec non de  
vitriolo; omnis nimirum acidus  
liquor alcali junctus imprægnat  
illud anima ejus corporis, ex  
quo ille eductus fuit, format-  
que sibi corpus ad lubitum, id  
est, suæ propriæ naturæ simile.

*Veneris  
spiritus  
reduci-  
tur ad  
examē.*

Videamus nunc in Nobilissi-  
mæ Medicinæ veritatem & glo-  
riam, vtrum acetum illud distil-  
latum ex ærugine, quod lucti-  
sona voce Doctorem virorum  
examine obvelare, atque celare  
student, sit legitimus veneris  
filius!

Ostendi vnicum esse mundi  
spiritum acidum, & solis filium,  
qui nudus super terra non repe-  
ritur, & cum solus esse recuset,  
accipit materiam, qua cum ha-  
bitat, crescit, regerminat, &  
multiplicatur quandòque ad  
nutum artificis ad suos fines.  
Hic cum in cupri semen (vt ita  
dicam) cadit, se cupreâ vestit  
naturâ,

naturâ longissimè laboris opere, ideò ab ipso cupro separabilis non est, nisi a totali cupri destructione, vt ostendit exemplum de sale tartari Hippocr. Chym. cap. 10. minimum enim metallicæ naturæ odorem præferens non potest ad vegetabilium naturas descendere: & idem spiritus cadens in vitis semen, se ibidem vestit in vitis indolem, & similiter non potest ad mineralium naturam ascendere, vt supra ex Lullio & experientiâ demonstravi, imò non separatur à vitis indole nisi naturâ vel arte à corpore solutus ad elementum aëris, vnde venerat, redeat: vt docet Hippocr. Chym. citato 10. & 18. cap. Idem quoquè intelligendum de sale, de vitriolo, de nitro, & de omnibus mundi rebus, ea de causa, quod ars creare semina non potest, & qui de hoc gloriatur, hunc falsarium esse, docet Cosmopolita. Adeòque omnis spiritus, vel occultè, vel

manifestè acidus, vnicam animam in ventre habet, cum qua inseparabiliter junctus formam constituit corporis ejus, in quo habitare decernit: ex quo cum extrahitur, & rursus in novum alcali stillatur & ab eo absorbetur, suscipit simile corpus, quo antea vestitus erat, vel ex quo primò extractus fuerat, in corpore tamen clariori: infallibili argumento, quòd spiritus vel occultè, vel manifestè acidus sit vehiculum animæ, & vinculum ligans animam cum corpore. Et nisi omnium rerum spiritus in universo acidus esset, animam corporis non posset invisibiliter in ventre portare, ut *Hermès*, & experientia docent.

Redeamus nunc ad puerum recens natum, quem mancipia veneris filium, vel spiritum veneris nominare & approbare noviter cæperunt, & insuper jurant, hunc ex matre, vel *cupro* *eximias virtutes traxisse*, ne-  
*purgā-* *tiñ vis* *unde?* *scientes virtutem rerum ut &*

purgantium vim consistere in eorum anima, quam esse filium solis ostendi cap. 1. inseparabiliter junctam ejus rei spiritui, quæ ambo eximiam illam virtutem, quæ cupro inest, constituunt: qui spiritus rursus in alcali se manifestare deberet, si in acida forma flueret, ut de reliquis spiritibus, & alcali tartari mechanicè ad oculum ostendi.

Procedamus ergo ad experientiam. Cum hoc acido, & rectificato spiritu veneris saturato ad sufficientiam alcali tartari, ut de sale; de aceto, & de nitro distillato docui, id est, tantum de hoc spiritu affunde alcali tartari, donec strepitus cesset (æquales partes circiter) phlegma superans exhalare permitte, vel si mavis, distilla diligenter ad siccitatem (illud phlegma ex phiola alta in balneo distilla, & prodibit aqua ardens. Vide Hippocr. Chym. cap. 18.) & invenies tartarum regenera-

*Veneris  
spiritus  
in alcali  
fit tar-  
tarus.*

92 *Hippoc. Medicina*

rum ejusdem naturæ, conditionis, & proprietatis, cujus erat ille, qui ex aceto vini supra generatus fuit, quia idem est: si enim quicquam de nitro, de alumine, vel etiam de cupro occultum haberet, ut ignoranter pejerant, in alcali tartari omnia manifestarentur, ut mechanicè supra ostendi: sed hunc spiritum, cum solum tartari corpus sibi fabricare possit, non habere alia instrumenta, quam acetum distillatum necesse est. Undè hic spiritus statim à Philosophis non veneris filius immortalis tanquam Alcahest, sed ut verus aceti vini vterinus frater cognitus fuit, & minimè spurius, qualem convitatores, atque mei calumniatores in vulgus publicaverunt; verum legitimus vitis filius, qui nefas ducit, sibi in posterum obtrectari ab imperitis magistris, quare in hac regeneratione curiosis, & veritatem amantibus rursus se manifestare voluit, pro vero aceto

*Spiritus  
veneris  
qui est  
tanquã  
Alca-  
hest co-  
gnosci-  
tur pro  
aceto.*

vinī fratre, id est, pro aceto distillato.

Sed ut huic inquisitioni nil desit, & ut omne dubium tollatur, hunc scil. spiritum quem veneris filium somniant, nil acquisivisse constantiæ, vel immortalitatis, vel eximiarum virtutum ex cupro, neque esse tantam A L C A H E S T, ut vociferant decani cum socijs: sic edisce. Accipe hunc tartarum regeneratum (ex putatio nimirum veneris spiritu, & alcali tartari) hunc distilla ex retorta, ut supra fecisti, extillabit oleum gravis odoris simul cum subamara aqua, sicut à tartaro, regenerato ex simpliciter aceto distillato paulò antè ostendi. Ex dictis, & ostensis liquet, quod quicquid distillatur ex alcali tartari aceto distillato imprægnati illud ipsum distillatur ex alcali tartari ficto veneris spiritu imprægnati, aqua nimirum subamara, aqua ardens, & oleum flammam concipiens: a-

deoque spiritus veneris, cum habeat omnes operationes aceti, nil aliud est, & nunquam aliud erit, quam acetum distillatum teste Aristotele, & Experimentiâ.

*Spiritus  
veneris  
est ace-  
tum di-  
stillatū.*

Nunc reliquenda est pusilla hæc vana, & inutilis societas, ut gaudeant cum ineptis suis de tractionibus: ad vos me converto præclara mundi lumina ut veritatem judicetis, non autem ut ululantium fictas & temere effutitas contumelias vindicetis, cum ex Plinio satis constet, ranas ultra solitum vocales signa tempestatis esse. Posito & non concesso, quod acidi gutta unica contineat solum 8200. partem eximiæ virtutis cupri, hæc inquam pars minima deberet tamen sub fermentationis calore, si non in alcali vegetabili, saltem in alcali metallico se extendere, atque regerminare, ut docet aliàs fermentationis ordo, ita ut, si non multam, tamen parvam quantita-

tem alcali metallici in cuprum  
vertere, non aliter quàm virtus  
acidorum vegetabilium, & me-  
diorum mineralium transmutat  
alcali tartari in sal suæ propriæ  
naturæ, ut dixi, & ostendi: sed  
ficut antecedens & eorum præ-  
missæ sunt salissima, & igno-  
rantia plena, ità & subsequen-  
tia.

Et rursus dato, non autem  
concesso, quod acetum eximias  
(vt inerudite, & absque veri-  
tate testantur) ex cupro secum  
auferret virtutes, nullibi tamen  
neque apud Philosophos, ne-  
que Medicos invenire potui, in-  
tra corpus assumptum fuisse;  
sed quicquid ex cupro paratur  
externè semper ad chirurgicas  
operationes adhibitum fuisse.  
Et licet ex cupro per acetum  
eximiæ virtutes trahi, ac distil-  
lari possent quod impossibile,  
ostendi: quare non trahitur  
eadem eximia virtus multo fa-  
ciliiori negotio ex cupro imma-  
turo? cum nimirum multò com-



modius sit conficere vnum;  
 quàm duo milliaria: quare re-  
 generatum vitriolum meum ex  
 crudo vitriolo martiali para-  
 tum, vomitus, & suffocationis  
 portenta edere debeat, si ex cu-  
 pro maturo cum aceto tot exi-  
 mias virtutes trahitis? Quibus  
 adjungitis hæc magnifica, fal-  
 sissima tamen uerba. *Hic lau-  
 datissimus spiritus, in medicina  
 non solum magnarum est virium,  
 cum Epilepticis, Apoplecticis,  
 Histericis, Hypochondriacis  
 summè opituletur, verum etiam  
 tanquam liquor Alcahest se ha-  
 beat, & non ut reliqui spiritus  
 acidi, qui soluendo patiuntur,  
 & destruuntur, in que aliud  
 ens convertuntur &c.* Vid. Hip-  
 pocr. Chym cap. 29.

*Fictus  
 lauda-  
 tissimus  
 spiritus  
 veneris  
 est ficta  
 panacea,  
 & Alca-  
 best.*

Veritatem amans lector nunc  
 judicet, utrum possit aliquid  
 ineptius excogitari? quod ni-  
 mirum Philosophorum vitrio-  
 lum regeneratum ex immatura  
 ferri minera eductum sit perni-  
 tiosum atque lethale; cum  
 quotannis

quotanis aliquot mijriades hominum acidulas immaturo ferro, & spiritu naturali saturatas in magna copia bibant, ingenti cum emolumento, & vtilitate; & quod imaginaria eximia virtus ex cupro maturo cum aceto extracta (si daretur) fit panacea? peraptè sanè hîc quadrat illud Plauti *dicentis*: profectò nihil est, stultitius, nequè stolidius, nequè mendaciloquius.

Supereft, vt laudatiffimus spiritus veneris, quem tanquam Alcahest se habere scribillant, soluendo corpus quoddam, examen subeat.

Circumscribitur autem ab Helmonte Alcahest, quod sit exiguus liquor *a* labore sophiæ parandus *b* qui non solùm omne corpus visibile in primam materiam resoluit *c* sed insuper vt immortalis, & incorruptibilis, *d* naturam mundat, omnesque morbos consumit. *e* Non dari autem putatitiis doctoribus, sed duplatis scienti-

Alcahest

hest

quid?

a Phara

mac. 14.

b image

fermētis

§. 8.

c verb.

e explic.

d arca

na Pa-

racelsi.

*ē pote- bus* factenus Helmont. Utrum  
*stas me- autem* loquaculorum, voca-  
*dic. §.* liumque doctorum laudatissi-  
*4.* mum acetum à cupro distilla-  
*ē arbor* tum simile sit viribus Alcahest,  
*vita in* judicent æqui animi lectores,  
*sine.* quibus si inepta hæc eorum as-  
 fertio profundius examinetur,  
 oculisque legentium subjicia-  
 tur, indignationem, & nau-  
 seam profectò movebit: pro-  
 pterea solâ experienciâ eorum  
 vanitatem ostendam.

*Spiritus* Dissolve ergò coralliorum  
*veneris* rubrorum contritorum vnicam  
*solvit* saltem drachmam in hoc ace-  
*corallia.* to, quod esse *laudatissimum*  
*spiritum* veneris vociferant: so-  
 lutum exsicca in balneo.

*Acetū* Similiter in aceto simpliciter  
*solvit* distillato dissolve aliam drach-  
*corallia.* mam coralliorum contritorum,  
 quæ pariter in balneo exsicca.

Hos pulveres accurate colli-  
 ge, atque separatim trutinâ ex-  
 pende, & videbis corallia soluta,  
 & exsiccata, ad mediam drach-  
 mam aucta fuisse, tam à *spiri-*

tu veneris, qui illis est tanquam Alcahest, quam ab aceto vulgariter distillato: adeoque tantum acidi salis imbiberunt corallia à ficto spiritu veneris, quantum ab aceto distillato; vnde patet denuò hunc se habere sicut acetum, quia est, & non sicut liquor Alcahest, quemadmodum magnifici domini rudi papello imponunt.

*Spiritus  
veneris  
est ace-  
tum, &  
non al-  
cahest.*

Rursus instant; *Spiritus laudatissimus veneris dissolvit perlas sine bullis, & cortices intuscos relinquit!* Id sanè deberet mirum videri hominibus prorsus medica in arte rudibus qui nondum in ea tirocinium posuerint, verùm decanis, reliquisque approbatoribus non nisi vulgatissimum, & veluti ex infimioris medicinæ trivio desumptum. Quis enim vel trivialis medicus ignorare potest, acetum simpliciter distillatum præstare illud idem licet morâ longiori, integris in illud perlis injectis, ideoque spiritus vester

*spiritus  
veneris  
est aci-  
dum di-  
stillatiss.*

veneris, qui se habet tamquam *Alchaest*, acetum distillatum esse non desierit.

Quare autem vnionum pelli-  
culæ ab vtroque aceto non sol-  
vantur, in causa est eorum pin-  
guedo, & vnitivum gluten, se-  
des filij solis, omnibus crusta-  
ceis, piscibus, animaliumque  
membranis proprium, & fami-  
liare; hoc gluten in lapillis can-  
crorum, percarum &c. fictus  
veneris filius numquam tangit,  
vt cumque à vanitatum appro-  
batoribus extollatur, accessum  
ad ea non habet leprosus enim  
est horum respectu, ob id non  
admittitur ad Regiam sedem  
idiotis ignotam. Quare verò a-  
cetum medullam perlarum la-  
pidum dictorum, & corallia &c.  
erodat? causa est, quòd nimi-  
rum natura rebus quam pluri-  
mis minimam acidi partem in-  
didit, vt cap. 2. ostendi, quæ  
minima pars, nisi per artem,  
vel naturam multiplicetur, fa-  
cillimè à potentiori supprimi-

tur. Dabo exemplum in supra solutis , & exsiccatis coralliis, quibus acidi naturalis minima est portiuncula , quæ à falso veneris spiritu oppressa sub illius cadit dominium ; vndè augentur pondere.

Exsiccata hæc corallia rursus dissolue in aqua quadam vel distillata , vel communi limpida ; quiescat solutum , vt turbidum deponatur , quod ineptè fæces appellant , quas nihilominus separa , & in claram solutionem stilla tantillum spiritus vitrioli , vel sulphuris , qui superans spiritum fictum veneris non quidem aciditate , sed animæ nobilitate ejicit acetum , quod spiritus veneris dicunt , de sede ; & spiritus vitrioli regionis possessionem assumit , atque cum coraliis lactis coagulati formam ludit : fictus verò spiritus veneris jam à nobiliori expulsus diluitur , & aquæ supernatanti inhæret , illique permiscetur.

Utrumque hoc coagulum

ablue , quantum permittitur ,  
atque separatim in carta empo-  
retica exsicca , & habebis ma-  
gisterium coraliorum in pon-  
dere æquale tam ex ficto spiritu  
veneris ; quam ex aceto simpli-  
citer distillato , quia idem est.

*Spiritus  
veneris  
est ace-  
tum di-  
stillatū.*

Aquam verò istam ablutam à  
coraliis , in qua esse dilutum di-  
xi spiritum , scil. fictum vene-  
ris , vel acetum simpliciter di-  
stillatum , accipe ( si alias cautè  
spiritum vitrioli affudisti , nam  
si rustico more , & sine iudicio  
plus affudisti , quàm coralia bi-  
bere possint , tunc revera su-  
pernatabit , sed suppono fuisse  
affusionem studio factam ) & in  
illam stilla alcali tartari , donec  
ebullitionis motus cesset : a-  
quam superantem exhalato in  
vitreo vase arenæ imposito , &  
invenies tartarum regenera-  
tum , sicut suprâ ex ficto veneris

*Spiritus  
veneris  
est ace-  
tum di-  
stillatū.*

spiritu vel aceto simpliciter di-  
stillato in alcali tartari combibi-  
to ostendi ; idem enim est , hoc  
infallibili argumento , quòd in

coralijs solutis , & in balneo  
exsiccatis remanserat media  
drachma salis acidi ex ficto ve-  
neris spiritu ; illud sal acidum  
per spiritum vitrioli à coralijs  
separatum solum esse non po-  
test , quare rursus in aqua ele-  
mentali , sicut matris in gremio  
se custodit , atque se in illa dif-  
fundit , fitque rursus spiritus  
fictus veneris. Et nisi aqua ele-  
mentalis occultum alcali in ven-  
tre contrineret : acidum sal in  
in illa habitare non posset , eò  
quòd solum sibi non sufficit ,  
ut Hippoc. docuit de diæta.  
Idem autem facit acetum distil-  
latum simplex : adeoque omni-  
bus etiam medicinæ ignorantibus  
nunc patet , quod laudatissi-  
mus spiritus veneris hîc & ubi-  
que , nil aliud est , & nil aliud  
sapit , quàm acetum distilla-  
tum ; qualiacunque ejus adora-  
tores terriculamenta objiciant.  
Et licet Crollius , Beguinus , &  
reliqui tyrocinij scriptores cla-  
ris verbis hoc solvens acetum

*Est ace-  
tum di-  
stillatū.*



appellent, nec non magnus ille  
 Basilius, à quo de verbo ad ver-  
 bum processus hujus aceti sur-  
 reptus est, ut ostendit Hippoc.  
 Chymicus cap. 29. nihilominus  
 illud ignorantia virus non so-  
 lum Austriam, sed ferè totam  
 superiorem Germaniam infecit,  
 ut inertes approbatores, inep-  
 taque societas cum rithmulis te-  
 stantur; mirum sanè non esset,  
 quod sicut olim Romani, sic  
 quoquè magistratus ejusmodi  
 Ambubaiarum collegia, hoc-  
 que blateronum genus, qui de  
 rebus sibi ignotis in proximi de-  
 trimentum scribillant, de civi-  
 tatibus, & Rebuspublicis ex-  
 pellerent. Germania inferior  
 ab hac contagione adhuc tuta  
 est, sicut & Italia, atque Gal-  
 lia, & in posterum hac antido-  
 to tutæ præservabuntur.

*acetum  
 ab æru-  
 gine  
 quare  
 acidius  
 simplici,*

Quod autem acetum ex æru-  
 gine prolectum in parva men-  
 sura potentiùs solvat coralia,  
 quam vulgariter distillatum  
 causam paulo ante ostendi; id

nimirum contingere; quod vulgariter acetum distillatum multâ adhuc aquâ dilutum sit: ab illo verò, quod ab ærugine distillatur, per exhalationem paulativam, elementalis aquæ evaporaverit: non secus atque si quis vitriolum viride, & humidum distillaret, tunc sanè acidum sal in longo liquore valdè debile esset: cum verò humidum (quod phlegma vocant) paulatim exhalavit antè distillationem, acidum sal in minore copia aquæ potentius, atque validius esse, necesse est, quò enim contractius lumen, eò etiam efficacius. Hic distillatus spiritus vitrioli, si rursus quicquam roserit, vel ferrum, vel cuprum, & coaguletur cum ipso, & ab illo denuò redistilletur, redit quidem ejusdem naturæ acidus liquor, sed multò subtilior, eò quod in omni coagulatione quodlibet sal, vel spiritus salinus perdit de humido suo radicali (quid illud sit po-

106 *Hippoc. Medicinæ*  
stea ostendam) unde deponere  
suam terram, necesse est (hanc  
vulgus facem appellat) & lu-  
men ferri contractius. A re-  
petita autem coagulatione, ac  
distillatione redit aquosior, tan-  
demque in elementa redit vt de  
alcali tartari (pro exemplo)  
mechanicè ostendit Hippoc.  
Chym. cap. 10.

Eodem prorsus modo, & me-  
dio fictus spiritus veneris per re-  
petitam solutionem, coagula-  
tionem, ac distillationem in ele-  
menta remeat: quotiescunque  
enim coralia, vel quicquam  
aliud soluit (cum coraliis incæ-  
pimus, cum illis finem facie-  
mus) & postea cum iisdem co-  
raliis coagulatus, & exsiccatus,  
toties deponit suam terram, vel  
alcali, & quantum terræ depo-  
nit, tantum acidi salis coralia bi-  
bunt, quia hoc solum esse non  
potest, & acetum fit tantò a-  
quosius, ac tandem repetito  
labore in elementa redit, id est  
in aquam insipidam; terra verò,

& acidum sal coraliis pondus dedere: quæ quoque ex illis per repetitam distillationem in patriam redeunt, eodem planè modo, vt de vino ostendit Hippocr. Chym. cap. 18.

Quod autem acetum vel spiritus vitrioli cupro affusa, ac redistillata redeant acida; ab alcali tartari verò insipida, & aquosa, causa est, quod alcali cum esset vacuum, se saturavit acido sale, quod in aqueo liquore habitabat, unde acidum sal convertit, & transmutat alcali in suam naturam. Cuprum autem vacuum non est, nam acidum, vel forma cupri superat ejus alcali, & ideò non absorbet acida salia; & licet agant circa illud, & erodant ejus corpus, non possunt tamen imprimere quicquam formæ, vel virium, nequè illud destruere; eò quòd cuprum animam constantem à natura acquisivit, vel cum Plauto acidum in pectore habet.

*Quare acetum redit à cupro acidum & non ab alcalibus?*

*Quare à plumbo insipidum?* Et rursus quærunt, quare à cupro acetum, sicut affunditur, redistilletur, à plumbo vero insipidum? Quamvis hanc similesque pueriles quæstiones cum erubescencia tractem, motus tamen commiseratione inrudes, atque inertes doctores, sperans hanc responsionem posse esse eisdem futuræ emendationis, lubens repeto supra ostensum responsum. Cuprum dixi habere acidum prævalens, vndè non solum aceto, & ficto veneris spiritui resistit, sed etiam acidis mineralibus omnibus: plumbum verò à natura minimam ejus aquisivit particulam, ideò omne acidum bibit sub perfectionis spe, vt ita dicam, & de alcalibus ostendi: hæc est causa, qua plumbum similitudinariè vocatur à Philosophis prima metallorum materia, vel metallorum alcali respectu aliorum metallorum, quæ magis, vel minus acido ditiora sunt. Aurum est acidissimum, & ob id

perfectissimum vt cap. 2. ostendi. Ecce quam facili negotio me ab ingentibus difficultatibus expedierim.

Mirabuntur nostrorum quam plurimi, quod in re tam clara horas consumem, Basilius enim Valentinus ante sæculum hoc acetum ex ærugine in iuventute præparare docuit: idque non spiritus veneris, sed aceti nomine appellavit cognoscebat enim hic vir (non autem decani neque socii) quod cautum erat <sup>Spiritus</sup> Conditoris Supremi decreto, <sup>veneris</sup> naturam scil. præstantiorem <sup>est ace-</sup> non degenerare in deterio-<sup>tum.</sup> rem, quod probat remanens fæx, vel caput mortuum in retorta post distillationem hujus aceti relictum; quod cum borrace, facili fusione redit in cuprum, evidenti argumento, cuprum de sua substantia, vel virtute eximia (vt dicunt) nil perdidisse, plura vid. in Hippocr. Chym. cap. 29.

Pro epilogo hujus capituli re-

peto, quod quicquid mundus  
habet, nascitur, conservatur, &  
multiplicatur per acidum spiri-  
tum, aut occultum, vel mani-  
festum id haberi, nasci conser-  
vari, & multiplicari, & in aci-  
do habitare animam, illique al-  
ligatum esse inseparabiliter, at-  
que juxta acidi spiritus proprie-  
tatem informari corpus, vel al-  
cali. Si itaque natura est in om-  
ni re similis, & ars imitatur  
eam, ut Pythagoras, Hippo-  
crates, & experientia docent,  
necesse est, ut cum acidus spi-  
ritus aceti ab æruginè distillatus  
coralia roserit, & ab illis fue-  
rit absorptus, atque cum illis  
coagulatus, tunc sanè coralia  
imbuta sint proprietatibus, &  
conditionibus aceti, non quod  
coraliorum acidum innatum,  
vel forma pereat, sed solum à  
potentiori acido supprimatur,  
ut suprà in magisterio ostendi:  
Si ergo vester laudatissimus spi-  
ritus veneris *legitimè*, ac debi-  
tè ( ut aiunt ) *exhibitus* ( licet

modum nondum docuerint) succurrit *Hippochondriacis, Epilepticis, Hystericis, &c.* magisterium coralliorum (quod turgido pectore nostrum magisterium solubile vocant) cum spiritu veneris factum multo maiora prestare necesse est, si alias spiritus animare debeat corpus, cui jungitur, ut hactenus claro sermone, & mechanicè ostendi, & in posterum ostendam: sed sicut *spiritus veneris legitime, ac debite exhibitus* optimus est ad condiendum acetarium; sic quoque, acetum vini veram naturam habebit, semperque retinebit, usque dum fiat tanquam Alcahest.

*Spiritus veneris est acetum.*

Maximum autem secretum ex liberalitatis thesauro nuper, & noviter nobis revelarunt domini decani cum reliqua turba collegij, quod in hunc usque diem in tenebris delituerat: quod nimirum eorum fictus *Spiritus veneris dentium dolori succurrat*, neque in Dioscori-

*Acetum abstergit.*




de de aceti historia nemo intelligere potuit, nisi mundo per somnium, & arcanam revelationem patefactum fuisset: Sed sicut acetum coralia soluit; sic quoque induratum mucum circum dentes abradit, atque tollit, ut gingiva rursus dentibus uniri possit: gingiva enim sana cuspidalis non admittit dolores; sed quàm primùm sordibus cogatur cedere, & dentes tantillum denudentur, statim continuo soluto sanguis acefcit, putrescit, & in faciem ibidem coagulatur duram, quam nonnulli tartarum inepto tamen nomine vocant, quæ sæx cum abraditur, vel aceto, vel spiritu salis, imò ferreo instrumento dentibus breviter auxilium datur.

Habetis veritatem amantes studiosi integram tragædiam, ortum, & interitum decantati spiritus veneris, qui *eximiis suis viribus* approbantium, & subscribentium socordiæ mederi non valet: unde

dè accidit iis quidpiam non ab-  
 simile, quod contingere solet  
 filiis eorum, qui possessiones  
 alienas conduxerunt: vt enim  
 qui pueri adhuc sunt, cum vi-  
 dent patrem colligentem fru-  
 ctus, Colonisque imperantem,  
 existimantes, fundos esse suos,  
 lætantur, at postea ubi adole-  
 verint, nihil suum esse præter  
 laborem animadvertentes, ve-  
 hementer tristantur, & dolent.  
 Huiusmodi sunt isti; sicut quo-  
 que apud Sendivogium legi-  
 tur, quicquid Alchimista ex  
 sulphure voluit, semper can-  
 delula, fuit; idem accidit de-  
 canis cum reliquis approbato-  
 ribus, quicquid *eximiarum vir-  
 tutum ex cupro* volunt, semper  
 acetum fuit.





*Quod nulla materia ita destrui  
possit, quin maneat sub  
aliqua forma.*

## C A P. VII.

**O** Stendi præcedenti capi-  
tulo, acida ducere alcalia  
ad eorum proprietates, atque  
in falsa ambo mutari. Quæ au-  
tem planè alcalia non sunt, cum  
nobilius acidum eis supervene-  
rit, pessundatur quidem inter-  
num eorum acidum, non tamen  
atteritur, vel destruitur, ut ex  
eo aliud quicquam novi rege-  
neretur.

Nunc pergam probare me-  
chanicè per sequens instrumen-  
tum, quod alcalia omnia reti-  
neant quodammodò de forma,  
quâ mixta saturata erant, prius-  
quam per ignem in alcali redu-  
cta sint. De quo vid. Hippocr.  
Chym. cap. 7.

Dissolve unciam mediam mercurij sublimati in communis aquæ distillatæ uncijs quinquaginta: vel drachmam saltem sublimati in duodecim uncijs aquæ: in particulam hujus claræ solutionis guttatim, sed celeri lapsu stilla alcali tartari fixum in liquoris forma, vel ut aiunt, oleum tartari per deliquium, quod in momento à mercurio aciditatem pro maxima parte separat & absorbet, & mercurius cadit in vasis fundum sub forma pulveris obscure rubentis. Hæc operatio vocatur in Pharmacopolijs, & ab eorum ministris, physicæque studiosis omnibus præcipitatio; hoc nomen etiam & nos nunc usurpabimus.

Ex aceti distillati fæcibus in cinerem exustis elicitur per aquam alcali tartari: & licet illud ex eadem vite cum vino productum sit, mercurium tamen ut supra solutum præcipitat rutilantem & splendentem.

Cum vero idem alcali ad rubedinem calcinatum fuerit igne humido, tunc cadit idem mercurius ut cinnabaris contrita.

Tartaro exusto si calcem superaddideris, & alcali extraxeris aqua simplici, mercurius rutilus præcipitabitur.

Calx per se mercurius sic solutum non præcipitat, cum sit ex acido; & alcali salsa; & qui contra experientiam falsedinem calcis, negant inter stultorum numerum habendi sunt. Cum vero per aliquot horas tandiu quietè gaudet liquor mercurij supra dictus, cui frustulum calcis injectum sit, quousque acidum, quod mercurium solutum continet, illud in calce suppressere possit; tunc sanè mercurius paulatim cadere cogitur, atque calci circum circa adhærere minij instar, curiosis oculis valde delectabilis.

Ex herba kali incinerata extractum alcali mercurium præcipit; multò obscuriorem prioribus.

Lixivium quod saponarij magistrum vocant, quod constat ex calce, & alcali artificiali, dat mercurium obscure flaventem.

Ex Hispania adfertur alcali, utrum simplex an compositum incertum est, mercurius tamen præcipitat fulvi coloris. Hæc exempla de fixis alcalibus (pro sapone & vitro) quæ in cineribus reverbetationem admittunt, nec facilè ab acuta flamma pereunt, sufficiant. Addam quædam medicinæ alcalia, quæ acrem reverberationem in cineribus non perferunt, nisi superioribus commisceantur, hæcque fiunt ex herbis cephalicis dictis, ut ex rosmarino, lavendula, ruta, &c. omnibus calidis atque grati odoris, hæc inquam sunt quidem alcalia, sed non fusibilia in cineribus; facilimè enim fugiunt, & ob id medicinalia. Hæc omnia quot quot sunt dejiciunt mercurium sic solutum in rubidum lucentem pulvisculum.

Sic quoquè chelidonie alcali  
 dejicit, vel præcipitat mercu-  
 rium rubicundissimũ : undè non  
 ineruditè, sed præclarè sanè, &  
 » doctrinaliter exclamat Io. Isaac  
 » Hollandus : qui salia non novit,  
 » nihil unquam in arte præstabit.

Omnia dicta alcalia, tam quæ  
 acri flammâ exusta pro sapone  
 & vitro, quam medicinalia ex  
 cephalicis diverso colore mer-  
 curium sic solutum ( ut dixi )  
 præcipitant, manifesto argu-  
 mento, quod eorum forma ab  
 igne totaliter non absumatur,  
 sed quod conservent quandam  
 sui simplicis proprietatem, ex  
 quo extracta sunt, Gebro sic at-  
 testante ; sal retinet propieta-  
 tem illius rei, à qua exortum  
 est; cui adstipulatur experientia,  
 quam ostendi. Olim existima-  
 vi colorum differentiam in mer-  
 curio sublimato, ut suprâ so-  
 luto, & per alcalia præcipitato,  
 provenisse ab igne in alcali ma-  
 gis vel minus agente; sed tan-  
 dem frequenti experienciâ er-

rorem cognovi; dies enim diem docet, & nox nocti indicat scientiam: magistri nati non sumus, neque Lullij omnes esse possumus, sed ætas, usus fræquens, & experientia veritatem manifestant: observo Hippocratem & Galenum errorem sic correxisse à veritate nimirum edoctos, undè etiam nobis qui tardi ingenij esse fatemur, turpe non esse juventutis delicta corrigere existimo; præferim cum prægressores non habuimus, ex quibus excerpere-mus, sicut illi, qui in receptulis colligendis gloriam temporis requirunt, neque ullum alium Scipionem, quam fontem omnium virtutum, unde proprio Marte è naturæ fontibus, immensâ meditatione, & non paucis expensis, atque labore veritatem eruimus. Quamobrem ad formarum constantiam demonstrandam notum sit vobis volo me illustriorem, breviorẽ, & simpliciorẽ viam



invenire non potuisse, quam per mercurij alterationes alcalium affusione demonstravi. Formas nimirum cum ostendere studeo, eodem labore, sponte se offert, & se manifestat mercurij præcipitatio: qui currens adhuc, solutus in aqua forti, alcali tartari affuso præcipitatur in colorem obscure flaventem.

Omnes supradicti præcipitati pulveres mercurij; causticæ & corrosivæ sunt proprietatis, eò quod mercurius induit ejus reinaturam, quâ cum primò commiscetur & non abluitur caustica vis ullo artificio, nisi solo igne, ut docet Hipp. Chymic.

Sic quoque mercurius in aqua forti solutus, & ad siccitatem evaporatus aucto igne, ut fundus vasis candeat, fit pulvis rubicundissimus scintillans, & vocatur in medicina præcipitatus Vigonis, eò quod Io. de Vigo Chirurgus maximæ famæ hujus

*Præcipi-  
tatus  
Vigonis.*

hujus inventor fuerit : cui rubicundo & scintillanti pulveri affunde alcali tartari, & in loco tepido per horulam relinquito, & totus pulvisculus obscure flavescet, quia alcali pro parte causticum acidum ab aqua forte relictum absumpsit.

Rubicundi, & scintillantis præcipitati virtus est, ut sordes crassiores ulcerum, callos, hyperfarcosin omnem, & condylomata, similesque excrescentias sine morfu ferè strenuè absumat, ideò sordidis, putridis, saniosis, callosis, serpentibus optimè medetur, modò solus, modò vnguentis, modò emplastris, ut necessitas flagitat, commixtus.

Idem Ioannes de Vigo composuit Emplastrum ex mercurio vivo cum plurimis alijs anodinis ingredientibus ad mitigandos artuum dolores ab inveterata lue venerea obortos, sælici successu, quod usque in hunc diem nomen ab inventore Em-

plastrum scil. Vigonis de ranis cum mercurio, retinuit.

Io. de Vigo itaque nobis tradit ex mercurio vulgi vivo duo medicamenta; vnum escaroticum, & detergens: alterum anodinum, atque dolores sedans, indicare volens ipse, & cum eo totus Chirurgiæ senatus, anodinum toto cælo escarotico esse contrarium.

Nihilominus, vel ambitione, vel ignorantia, vel utraque textum, & sententiam viri optimi evertunt (in jure crimen falsi admittendo, cujus defensionem perpetuam nunc suscipio) illumque insuper cachinnis excipiunt, eò quod mercurium oleo laurino secundum artem, & salivâ extingui jusserit; sed sicut crassa ignorantia animo non sincero fermentata, mutilarunt & infamarunt Hippoc. Chymicum; sic quoque Auctoris intentioni sensum toto cælo contrarium supposuerunt. Coquit nimirum dulce

hoc sodalitium mercurium vivum aquâ forti solutum cum axungia viperina, & oleo usque ad humidi aquei absorptionem, asserens, atque peiorans coquendo causticum hoc dulcescere, quod non solum contra experientiam, sed etiam contra claram veritatem pugnat.

*Vigonis  
Empla-  
strum  
anodi-  
num de-  
forma-  
tur in  
causti-  
cum.*

Nam dulcem si desideras, satis est, ut eum extinguas cum oleo, & saliva juxta auctoris mentem, vel accipias mercurium dulcem, ut extat in Pharmacopolis, quia uterque ab alcalibus non tangitur, eo quod nihil acuti habeant, ut mox mechanicè ostendam.

Paulò ante demonstravi argentum vivum, seu mercurium vivuum (voca ut lubet) in aqua forti solutum, cum alcali tartari præcipitatum cadere in obscure flavo calore, alcali ab eo sorbente pro majori parte causticum acidum illi ab aqua forti impressum: sed in hoc

emplastro mercurius cum aqua forti solutus cum axungia viperarum ad humidi aquei consumptionem coquitur, fitque massa grisei coloris; cui massæ si affundes alcali tartari mediæ horæ spatio videbis alcali pinguedinem penetrans acidum corrosivum ab aqua forti relictum absumere, mercuriumque obscurè flavescere simili prorsus modo, quo fit in mercurio simpliciter aquâ forti soluto, & juxta mentem Vigonis præcipitato: adeoque mercurius sic solutus, & cum axungia coctus, nullo modo dulcis evasit, ut falso testantur inepti coctores, sed remanet corrosivus per eorundem propriam confessionem: asseverant enim *mercurium aquâ forti solutum coquendo in axungia dulcem fieri*, & postea fatentur per eundem *condylomata, carnes putridas, & similia absumi*: quæ duæ assertiones inter se invicem adversis frontibus

pugnant: Illud est, quod movet Hippoc. in dulcem risum dicentem: *nesciunt quid faciunt*. Ex fructibus ergò & operibus cognoscetis eos, id est, opera ignis probant ignem verum, & mercurius condylomata absumens est verus præcipitatus, eò quòd facit operationes mercurij præcipitari, quod ostendi ex propria eorum confessione, nec non per alcali affusionem, ambo enim obscurè flavescunt, tam ruber præcipitatus Vigonis, quàm hic cum axungia coctus.

Deploranda sanè est mortaliū conditio, dum omnium artium celeberrima medicina, atque nobilissima nostris temporibus à stupida ignorantia dirigi permittitur & ob id meritò omnium artium vilissima proclamatur.

Nonnè docent clara, & luculentissima doctrinæ lumina veteres nostri ità se habere terrestrem mercurium sicut cælestis mercurius se habet? Et ea, quæ

sunt in superis, pariter hic esse in inferis? Et cui planetæ mercurius jungitur, id est cui virtuti connectitur, ejus naturam quoque suscipere? cum sit omnium rerum seminibus prægnans.

*Mercurius  
præcipi-  
tatus  
causticus.*

Ioan. de Vigo desiderabat mercurium terrestrem causticum, undè prædecessorum suasu, illum junxit cum planeta terrestri, cujus virtus erat ignea, & caustica, hujus naturam amplexus est, & causticus evasit, juxta veterum doctrinam, qui vocatur mercurius præcipitatus Vigonis.

Desiderabat etiam idem ipse de Vigo mercurium terrestrem anodinum, undè rursus veterum doctrinam secutus illum junxit cum anodinis rebus, axungijs nimirum, oleis, & ranis, quorum naturam assumpsit, atque anodinus factus est.

Adeoque mercurius accipit formam ejus rei, à qua soluitur, illique commiscetur, ut de alcalibus vegetabilium satis luci-

dè supra ostendi : qui habet aures audiendi audiat.

Hinc patet, inventorum præcipitati, vt & Emplastri anodini ( fuerit ne Vigo, an alius, meum non est hîc indagare) non solum habuisse experientiam, sed causarum quoque cognitionem, vndè sapientem fuisse necesse est : adeoque reformare scientificorum actiones, frivola, & absurda est ignorantia, inter phræneticorum deliria reputanda : quare melioris operæ prætium ex commiseratione vestra me facturum puto, si hanc sine sale disceptationem perpetuo silentio clausero, nè in pharmacopolarum tyronum, atque vulgi risum abeat, verum vt imposterum, quæ nescitis, discatis, priusquam contra veritatem, & antiquissimam Hippocraticam medicinæ scientiam vestra scurrilia effutiat, quibus fateor longè vos esse me superiores; hominum enim ineptias, tam



eruditè , & ornatè depingere ,  
& decorare nostis , ut hac in arte  
meritò vobis fasces submittan-  
tur. Nè autem perpetuus , &  
fonticus fiat vester morbus , sal-  
tem curate , vt sæpiùs ejusmodi  
vomatis.

Porro mercurius præcipita-  
tus , qui jam ab aqua forti cau-  
sticus evasit , pro carne putrida  
absumenda omnium perito-  
rum Chirurgorum assertione  
cuilibet unguento juxta exigen-  
tiam potest commisceri ; quid  
ergo anodina compositio cum  
præcipitato , præsertim in re-  
gionibus ubi axungia viperina  
auro clariùs venditur ? vndè  
non solum hæc axungia contra  
inventoris intentum præcipi-  
tato commiscetur , sed insuper  
pharmacopœis odiosa , atque  
molesta ( præsertim dum por-  
cina cum præcipitato idem  
præstet ) ægrotis verò inutilis  
evadit.

Audivistis nunc veritatem  
amantes lectores , quo funda-

mento emplastrum hoc de ranis cum mercurio reformatum sit, ad vos nunc spectat judicare, utrum ob id Ioh. de Vigo vir ingenuus ignominiâ contumeliosè affici meruit? Et vtrum sit toleranda sterilis illa, & à veritate aliena, insipidaque doctrina, quæ non solum contra naturæ ordinem, sed insuper contra prædecessorum nostrorum rectè instituta ineptissimè debacchatur, quâ studiosa juvenus à teneris annis erudiatur, cum quibus crescit imperitiæ virus, sitque vulnus incurabile. Sed hæc tandem non essent summi momenti, nisi hominum salus periclitaretur; aquam enim simplicem pro cordiali, acetum pro epileptico remedio, causticum pro anodino, toxicum cupri pro salubri medicamento ægris propinant; ab hujusmodi profecto nulla est languentibus speranda salus, sed tantummodo numerorum stulta profusio, & demum ipsius quoque vitæ jactu-

ra : ad gharamantas itaque cum eorum veneris spiritu fictisque receptulis ab orbe civili exulent, vt ibi fleant sicut fœminæ, cum non pugnaverint sicut viri.

*Mercurius sublimatus.*

Ordo postulat, vt ostendam, quid sit mercurius sublimatus, cum illum pro instrumento posuerimus in alcalium examine. Quomodo autem hic paretur, docet Hippocr. Chym. cap. 29. vbi notandum, quod vitriolum rubificatum, vel ad rubedinem calcinatum non additur, vt mercurio pondus augeat ( ut existimant magnifici domini cum sociis, alias non calcinaretur ad rubedinem summam, sed ad albedinem solum, vt in distillatione vitrioli fieri solet, cuius caput mortuum ex spiritu distillatione relictum huic negotio aptissimum est ; adeoque non indigemus ejus spiritu, vt mercurio pondus addat ) sed additur, vt nitrum sulphureum apprehendat sulphur immaturi metalli in rubificato

vitriolo delitescens, quod suprà ostendi, junctisque viribus mercurium dissolvant; hæc est ratio, quâ vitriolum rubificatum requiritur. Quantitas autem in quadruplo respectu salium additur, eò quod hæc sint facilis lusionis in igne, à qua per vitriolum rubificatum præservantur, reliqua habet Hippoc. Chymic. citato capite.

Idem mercurius semel sublimatus, non indiget cum novis speciebus rursus sublimari, ut volunt inertes approbatores, eò quod acidus spiritus semel sorptus non exuat, ut eosdem spiritus ex novis speciebus rursus reinduat: & posito, quod centies novis speciebus resublimaretur, nunquam tamen fieret purior, ut falsò testantur: ratio est, quod hac via non separatur externum sulphur, nequè suscipit magis vel minus, quanquam (*legitime* ut aiunt) millies, & centies millies resublimaretur,

verbum autem *legitimè* hoc loco nil nisi agrestem inscitiam denotat, aliamque vim non habet, nisi quod intelligentibus nauseam moveat; sed tantum recipit, quantum illi satis est pro sui saturatione: quod sciunt, qui aliquandò mercurium in aqua forti solverunt, quæ ubi satis potens non est, intactum manet granum mercurij, & vivum, quia bibere non potuit, quod non erat, & vice versâ aqua solvere non potuit, quia acidum sal illi deerat. Profectò à Pharmacopœorum tyranniculis *legitimè* ad pontem asininum cum hoc *puriori mercurio*, cæterisque falsis receptulis amandandi essent.

*Mercurij sublimati vel precipitati revisicatio.*

Cum verò mercurius sublimatus per alcali vegetabile ab acidis spiritibus liberatur, & ex retorta vivus revocatur; tunc sanè novis speciebus commisceri, ac denuò sublimari potest, quem modum hætenus ignorarunt decani cum socijs,

purior tamen & splendidior non fieret, eò quòd in prima sublimatione omne id, quod quod suæ naturæ non erat in fæcibus, & capite mortuo neglexit; minor tamen rediret in quantitate, eò quòd à frequenti sublimatione & revificatione in elementa redeat: sicut de alcali tartari, de spiritu vitrioli, & de aceto suprà ostendi. vid. Hippoc. Chym. cap. 10.

Mixturam mercurij cum vitriolo rubificato, nitro, & sale antè dictam si non paulatim, sed plus justo, & majori cum celeritate sublimaveris, concrescet in summitate capitis mortui mercurius, in cristallos lucidas & magnas, nitro æmulas, atque adamantis splendori nil cedentes, quam rem loquaculi pro magno secreto celebrant, arque *mercurium purissimum* esse affirmant, quibus quadrat sermo mercurij apud Sendivogium; sibi scilicet à natura esse ridere stultis; cui

morbo , Cardano teste leviter  
 sine baculo occurrere possunt ,  
 edendo cerebra gallinarum ,  
 testiculos palumbarum , & te-  
 studinum , bibendo aceti albi  
 modicum quotidie ; Cardanus  
 notitiam si habuisset de vene-  
 ris filio , strepidulis doctoribus  
 noviter nato , hunc fortasse  
 aceto prætulisset , cum *epile-  
 pticos & melancholicos sanat  
 debite exhibitus* , testibus medi-  
 cinæ Decanis Austriaci & No-  
 rimbergensis collegij purgen-  
 tur interim humores helleboro  
 nigro , utinam Antycira hoc  
 in casu non deficeret , bibatur  
 jus castrati , & odorentur nym-  
 phææ flores , qui grato odore  
 cordis spiritus egregiè exhila-  
 rant ; sculpe in topazio Ari-  
 stotelem in Tempe spacian-  
 tem ; hætenus Cardanus : cui  
 addo , nisi summi & nimium  
 sapientes Decani cum socijs ,  
 veneris filium approbassent ,  
 nemo profectó , vel simplicissi-  
 mus hominum hunc natum

credidisset. Sed ecce magnum, & tacitum illud artificium vobis gratis communico. Concludendo igitur dico, quod etiam mercurius sublimatus, vel præcipitatus, cum axungia viperina malè tractatus, & aquâ forti mortificatus, nec non alcalibus commixtus, & ex retorta igne nudo revivificatus, adeoque debilis & fragilis sicut alcalia, ut & nulla materia ità destrui possit, quæ non ostendat de sua forma.



*Acidum destruere, & perficere,  
& ignem, & solem, & aci-  
dum easdem habere potestates.*

## CAP. VIII.

**S** Eminibus indidisse naturam minimam acidî partem ab initio capite secundo ex auctoritate & experientia ostendi, cò quod ex se ipsis incremen-



136 *Hippoc. Medicinæ*  
tum suscipiant, & multiplicentur, ut manifestè in frumenti grano apparet, cujus acidi naturalis quantitas computatur esse 8200 pars respectu sui corporis, ut docent arcanorum Mystæ; quod si cum humore mollificante maceretur, convenienti calore adhibito, excitatur ejus acidi innata scintilla, quæ ita se distendit atque dilatat, ut de loco palàm moveri videatur, hoc autem expansionis motu comprimit, atque superat sororem quam amat, id est, tam alcali proprii corporis quàm illud, quod ex aqua hausit, illudque convertit in sui naturam, id est in acidum. Hanc motionem tam cum vulgo, quàm cum Philosophis fermentationem appellamus. Sic ex hordeo, quod frigida naturæ per Hippocr. est, non solum fit temperatus, sed etiam inebrians potus nomine cerevisiæ, ex qua per distillationis artem elicitor aqua ardens, quæ ante  
fermenta-

fermentationem hordeo non inerat, spiritui vini nil cedens, qui licet inflammabilis, acidus tamen est, ut ostendit Hippoc. Chym. cap. 18. multiplicatur autem innatum acidum vel spontè, vel arte, adjectione nimirum sui similis acidì, quod propter symbolum facillimè admittitur (similia enim similibus delectantur) quod communi nomine fermentum appellatur. Si verò minimam illam portionem acidì grano innatam excitare vellemus acido non ejusdem naturæ, sed mineralem animam habente, ut exempli gratia acido virrioli, nîtri, salis, vel similibus tunc generosius, & potentius deprimeret debilius, illudque suffocaret, quod tyrannidis impatiens jugularetur, & in nihilum converteretur.

Sic margarita possidet respectu sui corporis 8200. partem innati acidì prætiosissimi, cui superveniente acido potentiori

ex aliena familia aceto scil. ex ærugine distillato ( quod ridiculo titulo *menstruum secretum* appellant ) tyrannidēque exercente , supprimitur in perla rector , atque jugulatur lucidum illud prætiosumque lumen solis filius , qui ægrorum vitali lumen lubens succurreret , nisi ab aceto ex ærugine falso nimirum spiritu veneris iniquo dominio subigeretur. Perla itaque sic soluta prodesse non potest , nisi ægri debilis stomachus acidum illud sal ( quod suprâ ostendi in coraliorum magisterio ) ab aceto ibidem relictum subigat. Nam quemadmodum acetum ab ærugine distillatum dominatur , atque sub jugo detinet lumen vitale perlarum ; eodem modo in morbis contingit : supprimitur nimirum lumen vitale à potiori acido morboſo , teste Hippoc. de veteri medicina ; quod si combibatur , ut ab alcali acidum , vel diluatur , atque à loco affecto ſepa-

retur, facile resurgit vitale lumen, vid. Hippocr. Chymic. cap. 21. Hinc natum est illud famosum dictum, quod sicut in Theologia, sic quoque in Philosophia non minorem locum habet. *Timor scil. Domini initium sapientiæ.* Id sonat, noli contra præceptum altissimi, acida acidis destruere, sed placidè, blandeque fovere, & sapiens eris: sic docente Domino. Granum frumenti cadens in terram spongiosam, & non in calcitam illam, quæ innatum lumen quoque deprimit (ob id invertitur) ibi solvitur, & exterioram amittit formam, innatum tamen ejus lumen quicquam non patitur, sed tempore suo producit sui similes fructus, & non dissipatur, eò quod filius solis in spongiosa terra se extendit, & alcali sororem, quam amat, amplectitur, quæ prægnans trahit nutrimentum ex eo, ex quo ambo constant, producuntque unà simul sui si-

miles fructus, & hæc naturalis operatio, atque processus est timor Domini, atque sapientiæ initium.

Cum verò frumenti granum projiciatur in ignem, id est in acidum potentius naturæ suæ non conveniens, vel ex aliena familia desumptum, vel in terram sulphuream, vel in fictum spiritum veneris: tunc fit contra præceptum Altissimi, committitur inobedientiæ peccatum adversus Dominum, granumque tam in materia quam in forma corrumpitur, dissipatur, planèque inutile redditur, non solum generationi, sed etiam fermentationi, ut de perla in aceto soluta suprà ostendi; sic cessat timor Domini, & loco initij sapientiæ innascitur initium stultitiæ. Ubi notandum quod sicut acidum grano innatum fermentando agit, & se multiplicat, aut in virtute, aut in numero, sic quoque ignis, qui est acidum inflammatum,

agit sicut fermentum , & non cessat , donec reperit , in quod fermenti more agere , illudque ad ejus similitudinem æquale sibi reddere possit.

*Ignis est  
acidi  
fermen-  
ti inflā-  
matio.*

Adeoque , quicquid dissolvitur in acido extra familiam suam , vel innato potentiori , statim supprimitur ejus debile acidum , & dissolutum acidi dissolventis naturam induat , necesse est ; acidum enim cum solvit , coagulatur , & combibitur ab innato alcali rei , & ab acido solvente crescit ejusdem rei pondus , ut de ficto veneris spiritu in coralia agens suprā , & in Hippoc. Chym. de mercurio sublimato ostendi : Omnia inquam crescunt pondere ab acido externo , quod internum pro viribus supprimit , vel jugulat , & id non solum in via humida quam ostendi , sed etiam in via sicca ignea & ardente : cujus exemplum sit sequens mechanica.

*Mini)  
prapa-  
ratio.*

Plumbum ad pondus drach-

M iij

marum centum exustum reverberij flamma ex aridis lignis in pulverem qui valde ruber ( nam debile acidum plumbi ab imperiosa acida flamma accensa supprimitur ) perdit plumbi nomen , atque figuram & igneum colorem reinduit ; à lucente autem rubedine ratione domitoris acidi minium vocatur. Hoc lance expendito & invenies minium decem drachmis auctum ex flamma accensa : & quemadmodum in via humida coralia soluta in falso spiritu veneris , & coagulata augmentum suscipiunt ; sic quoque plumbum in via sicca & ignea crescit , & augmentatur ab acido in flamma , Hippoc. Chym. cap. 26. Eadem enim est ratio , quam decani cum socijs capere non possunt , dum vociferant , *pondus illud ad decem scil. drachmas in minio auctum non provenire ab acido ex flamma accensa , sed ab aere*. Ab aëre illud pondus minio ? Decani ! quo ruitis ? Ad

Anticitas cum antecedente grege fideliter hortor. Nam Philosophorum testimonio aër est naturæ cribrum, per quod virtutes & influentiæ transmittuntur, vacui impatiens, nullo modo per se condensabilis, sed immortalis & subtilissimus fumus ab igne cœlesti accensus &c. In illo habitare solis filium ostendi suprâ, qui non assumit corpus, nisi cum sorore sua, quam amat, id veterum, & neotericorum verè Philosophantium auctoritate, & experientiâ adstipulantibus. Adeoque aër cum sit subtilissimus, & de se incondensabilis non potest minio addere pondus.

Aër ipse non levitat, nec gravitat, neque propria sponte comprimitur, nisi vi quadam in sclopeti canna, ex qua rursus vi quoquè erumpit. Idem quoque apparet in organo vitreo, quod speculum vocant calendarium, aër in illo comprimitur quidem à frigore, & à calore



rursus rarefcit , & dilatatur. Si ergò aëre tempore frigido minium gravitaret , calido rursus levitaret : sed minium quocumque tempore æqualiter ponderat , adeoque aër non est , qui minio pondus addat.

Posito autem , & non concessò quod solis filius in aëre habitans in minio corpus assumeret , attamen id non fieret nisi annorum spatio , ut in nitri matrice , & vitrioli minera ostendi : sed minium jam jam ex fornace tractum , & adhuc fervens ponderat tantum , quantum post annos , adeoque nec solis filius sibi facit tabernaculum in minio , neque illi pondus dat.

Aër cum sit vacui impatiens , ut Philosophòrum auctoritate ostendi , semper repletus est aqueo humore , qui in frigido confestim in aquam concrefcit. Exemplum dabo domesticum : cum frigidum bibimus æstatis calore ex vitreo calice , quàm primùm calix frigido impletur ,  
statim

statim turbatur, quia aqueus vapor per aëra dispersus à frigido condensatur, ibidem adhæret in tanta copia, ut aliquando guttulæ decidant. Mirum quàm efferunt cristas, quam altè reboant: at at illum esse obgannient gaudentes, me vix evadere posse, vaporem aqueum, qui à minio ex aëre trahitur, eique pondus addit; sed aqueus vester vapor in frigido concrefcit, & in calido rursus rarefcit: quod probat ridicula, & puerilis vestra mechanica: *caput mortuum nimirum vitrioli* ( id est fæx vitrioli ex qua spiritus semel distillando expulsi sunt ) *aëri expositum rursus exsaturatur vitrioli spiritu, quod si distilletur, denuò spiritum edit.* En curiose, & veritatem amans lector, hæc est probatio ( quod sicut caput mortuum vitrioli rursus in aëre exsatiatur spiritu, sic quoquè minium ex fornace eductum ex aëre exsatiatur pondere ) non

non minus anilis , quàm puerilis , quam , sicut omnes reliquas falsas , & malè intellectas ostendi , sic quoque hanc falsissimam , & minimè ab integro rithmorum collegio intellectam demonstrabo.

In vitriolum enim semel tyrannidem , vivum nimirum ignem passum filius solis non agit magis , quàm in ovum coctum pro pulli exclusione : trahit autem vitriolum ustum ex aëre ratione ariditatis , quia exsuccum , non quidem acidum spiritum vitrioli , sed aqueum vaporem , qui aqueus vapor , quandò vitriolum incalescit vel à sole , vel ab igne , rursus fugit ad aëra , quemadmodum omnis aquæ proprium est. Nam istud caput mortuum , si rursus in aëre vitrioli naturam indueret , famosus ille spiritus vitrioli distillator , apud Amsterodamenses , qui non solū tertiæ ferè parti Europæ , sed etiam omnibus navibus , atque utrique Indiæ

de spiritu vitrioli providet, & quotannis consumit multa miliaria librarum; si distillatum aëri expositum rursus vitriolum fieret, Fortunati utique sacco simile esset: sed sicut falsum est, quod caput mortuum vitrioli redeat in vitriolum, sic quoque mendacium est, quod aqueus vapor minio pondus addat. Probatur experiëntiâ.

Accipiamus saltem minij unciam, sicut venditur, illud in vasculo vitreato terreo, largo, & humili furno pistoris calido per noctem imponamus, vel etiam soli merídiano exponamus, cujus calor non solum humidum minium, sed etiam paludes, lacus, & flumina exsiccat: sic quoque humidum aëris si quod minio inesset, expelleret; sed idem pondus minij, quemadmodum positum fuit, ex furno, vel solis calore retrahitur: adeoque quod minio pondus dat, non est filius solis, neque aër, neque aqua;

esse ergò præter decanotum, & approbatorum sterilem & illepidam vociferationem, aciditatem in flamma accensa, necesse est, quæ sicut falsus spiritus veneris tyrannidem exercens supra debile acidum in perlarum medulla, vel in coralijs, eisdem pondus addit; sic quoquè in flamma acidum accensum, imperio suo, & tyrannico more, debile acidum in plumbo supprimit, fixatur in alcali, eique dominatur atque pondus dat. Hippocr. Chym. cap. 26.

Unde veritatis amans lector quisquis es, animadvertè, si in dubijs infinitis quæ in arte longa quotidie occurrunt, confuges ad hos decanos reliquosque socios, quam utilitatem haurires? Id ipsi simulata, flebilique sua scientia toti mundo ostendunt; cum aquam simplicem sal tartari volatile, & cordiale incomparabile esse judicant: & quibus insuper pomposis, ampullosisque verbis, hanc

sine erubescencia non exornant;  
Et languentibus , proximoque  
egeno commendant ! ut suprà  
capite de salium differentia pro-  
prijs ibidem citatis verbis osten-  
di : acetum distillatum esse ve-  
neris filium : acidum acidum  
non esse in granis Kermes : au-  
rum non esse fixum & constans  
in igne : mercurium aqua cau-  
stica erosum fieri dulcem co-  
ctione cum viperina axungia ;  
Minium acquisivisse pondus ab  
ab aëre , & alia infinita absur-  
da, ut paulatim manifestum fiet.  
Vah his ineptijs & falsitatibus  
juventutem inquinare ? de lana  
caprina semper disputare , &  
finito certamine in nihilo con-  
tradicentem superare , nec  
quicquam aliud quàm inanem  
halitum lucrari ? Sic veritas te-  
ste Philosopho non quæsitā  
quandoque in lucem venit si li-  
cet. Sed missos facio jejunos  
hos medicinæ interpretes , qui  
transeunt ad practicam , sicut  
asinus ad fœnum , nesciens ad

quid rostrum porrigat. Quare acidum in igne probare pergam, non minus nobili quam utili & jucundo exemplo.

Suprà ostendi, quod vegetabilium salia servant eorum formas illæsas ab igne communi, illiusque violentiæ magis minusque illudere. Et si in vegetabilibus hujusmodi potentia viget; nonne mineralem familiam, magis vel minus perfectiorem gradum attingere necesse est? Ad rem nostram; in exemplo sit silex, in igne constantissimus; & coralia (rubra eligenda semper) minus constantia.

*Silex  
quantum à  
coralijs  
differt,  
inquiri-  
tur.*

Silex (candidus eligendus) nullo acido liquore, nec ab ipsa aqua forti corroditur, quia æquale suæ naturæ temperamentum acquisivit; id est, tantum acquisivit acidi, quantum ejus alcali ad justam lancem saturari potuit, nam si tantillum alcali superabundaret, externum acidum facilem ingressum haberet.

Silex itaque à nullo acido, nec à falso veneris filio dissolvi potest, propter æqualem acidi & alcali perfectam mixtionem.

Coralia verò, cum à natura non ditata sint tanto acido ad proprij alcali saturationem, ob id minus sunt constantia, undè si acidum quodcumque manifestum affuderis, statim illa corrodit, ab ijsque combibitur tanta ejusdè acidì quantitas, donec cum alcali in æquilibrio ster; & exindè coralijs solutis pondus accrescit, ut supra in magisterio communiter præparato ostendi.

Silex in igne coctus sicut acidos humidosque liquores non recipit, sic ex acida ignis flamma neque augetur, nequè pondere diminuitur, quia in illis non superabundat acidum, quod evolare possit, neque alcali sitiens, quod ex carbonum, vel aquæ fortis sal acidum bibat: Sed moritur solum gluten



illud nutritium, quod in per-  
lis, oculis cancrorum &c. pel-  
liculis simile ostendi, quæ à  
falso veneris spiritu non solvun-  
tur, quia pingues.

Coralia verò in flamma (vel  
carbonum, vel lignorum) de-  
center cocta crescunt ponde-  
re, quia alcali sitiens in eis su-  
perest, quod à proprio acido  
exsaturari non potuit; vnde ex-  
ternum, vel humidum, vel ac-  
censum in flamma facillimè sus-  
cipiunt, hujusque acidi sus-  
cepti gratia pondere crescunt;  
vt in magisterio suprà osten-  
di.

Silex in igne coctus, donec  
dehiscat, fit causticus, & car-  
nem vivam, & mortuam in pu-  
trilaginem vertit.

Coralia verò similiter in igne  
cocta, vel calcinata, donec de-  
hiscant, carnem nequè vivam,  
nequè mortuam tangunt, quia  
funt pulvis ferè insipidus.

*Silex co-*  
*ctus vo-*  
*catur*  
*ca'x.*

Silex coctus, donec gluten  
id est alimentum moriatur, vo-

catur calx, quæ adhuc recens  
aqua aspersa effervesceat, agit-  
que ejus acidum in potens &  
proprium alcali, amboque ver-  
tuntur in indolem petream, quæ  
quicquid apprehendit, secum  
coagulat.

Coralia aptè cocta per sex *Memē-*  
dies, & noctes, donec alimen- *to quod*  
tum moriatur, in flamma è li- *in fundo*  
gnis, vel carbonibus crescunt *maris*  
in pondere, aqua aspersa non *nata*  
incalescunt, quia acidi non ha- *sunt &c.*  
bent tantum, quantum pro  
mutua pugna, & actione satis  
fit, neque coagulantur in pe-  
tram.

Calcinato filice cum alcali  
vegetabili extrahitur lixivium;  
quod cum pinguedine co-  
ctum fit sapor.

Calcinatis coraliis si addatur  
alcali vegetabile, hoc ab eis  
elicit acidum ex flamma hau-  
stum, & coralia cadunt in pul-  
verem album insipidum.

Calcinato filici superfunde  
acetum distillatum, hoc solvit

154 *Hippoc. Medicinæ*  
ejus alcali cum bullis , strepitu-  
que.

Calcinatis his coraliis cum  
idem acidum affuderis , solvun-  
tur ipsa totaliter absque bullis,  
& strepitu , eo quod per sex  
dies , & noctes ab acida flam-  
ma saturata non amplius fi-  
tiant : cui solutioni affuude spi-  
ritum vitrioli verum , qui ( vt  
supra ostendi ) deprimat debilius  
acidum aceti distillati , & sibi  
associat coraliorum alcali ; ignis  
verò vel vita coraliorum vni-  
tur cum aceto , & sic tota com-  
positio rubescit. Hæc rubedo  
est coraliorum vita Paracelso  
teste , quam separare disce  
obstetriciâ manu , & habebis  
cordiale non contemnendum,  
de quo plura hoc loco dicere  
vetat Plato. vid. Hippocr.  
Chym. cap. 27.

Quemadmodum silicum vi-  
ta vel acidum est candidum vel  
obscurum , vel in viride ten-  
dens juxta innatum humidum,  
ut docet vitrificatio : sic cora-

hiorum rubrorum est rutilans: quæ colorum, & virtutum differentia provenit ab eorum primo semine, quod ars facere non potest, & si quis gloriatur, mendax est: Sed semina ad maturitatem perducere, ut eorum fructum ostendant, Philosophis, non autem idiotis concessum est.

Adeoque corallia nostra calcinata non evadunt calx, quia proprietates calcis non habent, ut ridiculi, & putiduli agni chordiniani innocenter balant: nam  
*Corallia calcinata non sunt calx.*  
 quanto apud nos pretio sunt Indice margaritæ; tanto apud indos corallia; sunt ergo corallia ipsorumque corpora, sicut omnes cæteræ gemmæ, quæ formas suas à limpidissimis cæli & solis fontibus hauriunt, ex purissimis guttulis cælestibus influentiis imprægnatis oriunda, undè plurimas sublimesque in se virtutes possident, quas eruere si propositum sit, propius accedere, ac clausas fo-

*Tintura coralliorum vis.*

res aliter aperire oportet, quam recepta hinc undè malè intellecta ostiatim emendicare, ægrotis quid pro quo porrigere, atque veritatem rabiosa, & inusitata maledicentia petulanter invadere. Ignarum autem vulgus hoc habet idioticæ proprietatis, ut iners à prima lectura, quod non intellexerit, contemnat, & fætidis calumniis aspergat: nequè tamen iudicat se ignarum ita visurum, imò plurimum sapiens; verum hoc ipso stultitiam suam verè sapientibus palàm facit, quando coram sui similibus sapere videatur; miserum enim est, quod ut sibi nomen parat, omnium intelligentium ludibrio se exponit.

*Ferrum  
quid?*

Martigeni scarabæi provocant aquilam, aspiciate fratres lucuosum certamen.

Cùm hætenus probaverimus acidum destruere, & perficere, hoc capitulo aptè quadrare videtur, ut agamus de destru-

Etione-ferri. Ferrum igitur differre ab omnibus aliis metallis, constat ex terreis principiis, unde acidum ejus sapore alcali carens habitat in terrea inconstantissima materia, qua propter sponte evanescit, vel externo acido adveniente facillimè innatum illud opprimitur, & exindè tota ferri substantia in rubiginem vertitur. Hoc volatile acidum ferri animadvertit *Crocus martis.* Hippocrates: unde in aqua extinctum acquirere robur, docuit de diætâ; eò quòd levissimum alcali in aqua sit verum confortans levissimi acidi in ferro, & fabri cultrarii alcali animalium pariter volatili illud fortificant, vt ostendit Hippocr. Chym. cap. 19. Hanc ob causam non iniquè Aristoteles 4. Meteororum: ferrum à cæteris omnibus metallis sejungere videtur. Aurum inquit: argentum, æs, stannum, plumbum, argentum vivum, ad aquam pertinent; ferrum verò ter-

158 *Hippoc. Medicinæ*  
reum est. Et Galenus in quarto  
de facultatibus simplicium me-  
dicamentorum dicit ; Ferrum  
corpus esse terreum , & cras-  
sum &c.

*Rubigo  
est cro-  
cus  
martis  
naturalis.* Degenerante itaque acido,  
vel sponte mortuo, vel à for-  
tiori superato, restat terreum  
principium (sicut de alcali tarta-  
ri docet Hippocr. Chym. cap.  
10. ) quod rubigo à veteribus,  
& medicinæ practicis teste  
Dioscoride appellatum est.

Arte quoque ex scobe, vel  
limatura martis præparatur hæc  
rubigo, cum ei acetum acerrimum  
perfunditur, & in sole ex-  
siccat, quæ rursus debet aceto  
immergi, & exsiccare : postea  
aqua communi lavari, & exsic-  
cari, quæ iterum pulverizata,  
& attenuata reservatur.

*Aurum  
vertit  
ferrum  
in crocū  
vel ru-  
biginē.* Et quemadmodum acetum,  
sic quoque omnia acida quot-  
quot sunt, ferrum in rubigi-  
nem vertunt ; imò ipsum au-  
rum occultè acidum illud con-  
festim in rubiginem vertit, ut

cap. 2. ostendi. Undè patet causa, quare aurum ferro conglutinari nequeat, priusquam cupream induat naturam, ut intrepide de clavo aureo ostendit Hippocr. Chym. cap. 28. Veritas enim non offendit nisi eos, qui eam odio habent: Dominus AUBERT Nobilis Gallus in Naturali, & morali Historia Insularum Americanarum vnicornu non animal quadrupes, sed piscem esse cujus in fronte cornu nascitur, oculari teste demonstrat: hic inquam non quidem veritatem amantes studiosos, sed eos solum, qui cornuum illorum monopolium instituerint graviter offendit. Sic nunquam legere contigit, Ethicos, & Politicos veritati invidere, ut fritinnit rauca cicada, atque cuculi cuculando subscribunt, & approbant. Omnis enim qui timeat veritatem, perfectus nondum est, eò quòd sapientem quicquam timere non decet.

*Clavus  
aureus.*

*Vni  
cornu.*



*Hippoc.* Volui ergò , vt meus Hippocr,  
*Chym.* ubique veridicus sit , neque ve-  
*veridi-* ritatem taceat : & nihil timeat ,  
*cus.* neque speret vel amicitiam , vel  
odium , neque respectum habe-  
at alicujus sectæ , nominetque  
res per proprium nomen , sine  
solicitudine offendendi , vel  
placendi , ad imitationem Thu-  
cydidis , qui videns scripta He-  
rodoti in estimatione magna:  
malo inquit , displicere verita-  
tem dicturus , quam placere  
enarrando fabulas , quia displi-  
cendo lucrum facio , & noceo  
placendo. Sed redeo, undè digres-  
sus sum. Rubiginem itaque ferri  
antiquissimam , ut oculis magis  
arrideret, cæperunt curiosi acu-  
ta flamma in levem pulvisculum  
exurare , & à pulchra rubedine  
crocum martis appellare.

*Croci  
martis  
inven-  
tio.*

Cum autem usus , ætas , &  
experientia quotidie doceant  
animadverterunt esse admo-  
dum longum & tædiosum mo-  
dum ferrum per aceti aspersio-  
nem convertendi in rubiginem,  
qua

quapropter limaturam, vel ferri scobem in acuta flamma coxerunt, cujus accensa aciditate unico die plus levissimi ac rarissimi rubicundi pulveris factum fuisse deprehenderunt, quam cum aceto in mense integro; abjecerunt ideò tædiosam, & longam, & celeriores operationem amplexi sunt. Hunc pulverem à rubediue crocum martis appellare cœperunt.

Ferri itaque limatura, vel scobs, vel rubigo naturalis, vel artificialis, vel cum aceto erofa, & post in flamma reverberata, vel sine aceto sed simplici flamma, vel cum aceto ex æruginis falso scil. spiritu veneris in pulverem rubrum, vel liquorem conversum (ad idem enim valet) habet per os assumpta facultatem roborandi, undè convenit stomacho, & hepati laxo, dysentericis, lientericis, & omnibus præhumidis malis, muliebrique fluxui, gonorrhææ, urinæ incontinentiæ & omni

*Crocus  
martis  
vario  
modo  
para-  
tus a-  
perit &  
adstrin-  
git.*

laxo morbo. Et idem ferrum etiam contrario modo se habet; lienes magnos præhumidos, & eorum obstruiones referat, mulierum menses promovet, quare & juvenculas quasdam (non omnes) pallore squallidas, & decoloratas sanitati & pulchritudini restituit. Adeoque ferrum per se aperire, & adstringere Philosophos, & practicos unanimi sententia docentes invenio, idque etiam ab experientia didici, quæ omnium magistra meritò celebratur, & haberi debet.

Itaque vel fraudis, vel ignorantia suspicione non carent, qui ab ejus præparatione singulari, ferrum vel adstringens, vel aperiens esse effeminata voce contendunt: quâ ignorantia, nisi in miserorum ægotantium interitum resultaret, lubens immerfos finerem. Discite ergo, non quidem à me, qui omnem alioquin gloriolam sprevi semper, sed à Datore omnis boni.

quà plus credendum est experientie frequentissimæ, turbæque dextrè Philosophantium, & veraciter practantium, quàm aut manipulo calumniantium, aut multitudini medicinæ instrumenta ignorantium.

Qui verò ferrum in omnibus morbis commendant, & in omni hydroppe, Hepatis scirro laborantibus, in inveterato ictero, præsertim febre præsentē, in melancholia hypochondriaca, aut stomachi vitio propinant: hi non sine ægrorum perniciē multum errant. Magnos quidem lienes humore laxatos, & tumidos ferrum egregiè emendat, sed in scirrum densatos, tantum abest ut dissolvat, quin potius confirmet, & ejus acidum fabrum absumendo in lapideam duritiem cogat. Adeoque ferrum vel limatum, vel in rubiginem quocunque modo conversum semper fuit ad lienes magnos certissimis experimentis nobilitatum, non autem

*Quibus morbis obest rubigo i. crocus martis.*

*Quibus prodest*

164 *Hippoc. Medicinæ*  
ad scirros dissolvendos.

Sic ferreæ aquæ, & acidulæ splenem quoquè tenuare valent, & omnes obstructions infimi ventris ab acido morbofo adhuc fluido prodeuntes referare, ut clarissimis experimentis docet Hippocr. Chym. cap. 16. Humorem acidum scilicet consumendo, fibras corroborando, laxasque contrahendo, ut hinc calor insitus in membro corroborato fortius assurgat, & quod reliquum est, digerat: Undè qui in sicccis, aridisque hæpatis, vel lienis malis ferrum commendant, atque aperiens inibi non sine fraude, vel ignorantia vocant, impostorum, vel ignorantum numerum non effugiunt.

Ferrum enim contra indicata ut ostendi, exhibitum tunc revera deleteria vi non caret, ut rectè Avicenna docuit: excitat enim intestinorum cruciatus, ariditatem, scabritiemque linguæ, siccitatem corporis, alvi stipti-

citates , & capitis dolores , eò quòd non solùm manifestum istud fermentum stomachi , sed & reliquorum viscerum occultum acidum absumat , & vitale semen absorbeat ; illius autem cum sit parva quantitas , nimirum 8200. pars sui corporis , mirum non est , si ab assumpto croco martis ( etiamsi aperitivus sit , ut ignoranter blaterant ) malum vehementius in ægri perniciem augeatur : tunc à tergo derogant Pharmacopœ , quod pixidem erraverit , illiusque bonis moribus detrahunt.

Quod si veterum fidelem admonitionem , nostramque experientiam non intelligunt ; sed pertinaciter consilio repugnant ; fieri poterit , ut tandem quotidiana experientia , & ægrorum interitus hujusmodi hominibus discere recusantibus veritatem persuadeant.

Sic repletur mundus hinc inde collectis , malè intellectis , falsis , & ambiguis receptis , &

vererum diligentes observationes floccipenduntur, fitque nova, iners, ambigua, anceps, sumptuosa, atque speculativa, infinita, & sine fundamento medicina, quæ ab idiotis magniloquis verbis sub altæ doctrinæ fucō fovetur, qui cum rerum vires ignorent, multis inter se iōtib⁹ digladiantur, acriterque debacchantur, non solum de aperienti vel constringenti ferro, sed de infinitis alijs quorum quædam, quantum argumenti ratio permittit, in proximi necessitatem elucidavi, sic incertis conclusionibus, atque vanis opinionibus perstringunt studiosorum ingenia, & in detrimentum proximi, atque artis infamiam, fabulis mendacibus subscribunt, & approbant, veritati è contra minime studentes magnos se jactitant doctores, qui tamen ad scientiam nunquam pervenient, quia putant jam se pervenisse, & antecedentem gregem sequuntur, ut

Seneca rectè dixit. Sed ad rem redeo.

Dioscorides ferrum duplici modo tractat, vel ex eo ferruginem parat, vel id extinguit in aqua vel vino, ambabus tamen præparati·onibus adstringentem vim adscribit, non autem unam adstringentem, alteram aperientem vocat: nam quicquid ferrum aperit, id contingit ab acido specifico in corpore degenerante, quod natura in alimentum recipere non potuit, ideòque ratione acidi saporis in ferrum ruit; sic visceribus paulatim roboratis, natura illud unà cum detento excremento per alvum deturbat. Hinc Helmont ferrum aperire *inquit* potestate specifica, & appropriata, contingere vero qualitate <sup>inquinata</sup> secunda, undè non provenit utraque virtus ferri ab ejus mercurij absentia vel præsentia, quem ab eo extrahere sine ulla veritate jactitant; sed provenit ab attractione specifici acidi in

*Mercurius ferri non reperitur nisi in cerebro humano.*



corporibus morbidis , ut ostendit Hippocr. Chym. cap. 16. & 28. quò lectorem remitto , ne fastidiosâ repetitione ibidem dicta hæc repetere necessum habeam.

Quemadmodum autem ex cupro eximias virtutes ; sic ex ferro mercurium extrahere illis concedimus : & sicut mundo & ægrotis , sic & nobis hæc vanitates nausæ sunt , & semper fuerunt : fundamentum enim in natura non habent , undè ea cum suis magistris ex foro bonorum explodimus atque ejicimus : dum è contra cum veritatis doctrina , & scientia vetustissima nobis res est , quam antiqui juxtà hominis naturam invenerunt , atque judicarunt dignam quæ Deo adscriberetur , sicut etiam in veritatis schola receptum est , ut habet Hippoc. de veterum medicina. Docet enim ibidem , quemadmodum multiplex acidum in macrocosmo : sic etiam in corpore humano.

no. Et libro de arte : quodlibet acidum suum quoque habere ventriculum, qui tamen vocali collegio noti non sunt ; ea propter addit, quos norunt illi, quibus hæc res curæ erit. Cum autem sit facilius non intellecta receptula hinc indè surripere, & approbare, sinceritatem & virtutem supprimere, atque calumnijs arrodere, quam notitiam ventriculorum corporis humani ediscere : mirum ideò non est, medicinæ instrumenta ignorare eos, qui ventriculorum curam non habent : si enim *inquit* senex, constitutionem ab initio non cognoscunt, & quod in corpore dominatur, non poterunt ea quæ homini conducunt, offerre. Ecce causa, quare cròcus martis aperitivus in manibus superficialium & ignorantum fiat constrictivus, & vice versâ, quia propria instrumenta non cognoscunt, & activa passivis in medendi methodo applicare ignorant ; quia ven-

170 *Hippoc. Medicinæ*  
tricolorum & saporum noti-  
tiam non habent , neque ex  
Hippocrate didicerunt , quorum  
detexit quamplurima Hippocr.  
Chym. Hæc est causa , quâ si-  
cut suprâ dixi , accedunt ad pra-  
cticam , sicut asinus ad fœnum ,  
nesciens ad quid rostrum porri-  
gat , nisi quantum sensus exte-  
riores , sine intellectu per vi-  
sum & gustum ad pabula dedu-  
cunt.

Sed quid Philosophorum de-  
cretis , ab ipsa natura haustis  
securi insistimus ? cum ijs nobis  
negotium est , qui de veritate,  
& artis medicæ præcellentia , ne  
per somnium quidem hætenus  
cogitarunt , exemplis igitur ex  
sapientissimæ naturæ officina  
desumptis docendi sunt.

In lienis itaque ventriculo sa-  
no habitat acidum vitale & pro-  
prium ipsi lieni , cum verò istud  
acidum degenerat in saporem  
ultra consuetum , contaminan-  
tur etiam vicinæ partes , & illi-  
cò pori contrahuntur , corpus-

que in sanitate perspirabile cessat ab actione ; hinc lien intumescit à fermenti motu ; istud autem non auscultat purgantibus medicamentis , ut probat experientia : dicto itaque fermento , & saporì præacido convenit ferrum per os assumptum , undè lien paulatim tenuabitur , vel exsiccabitur ( dic ut lubet ) non autem per vim aperitivam ferri , sed illa aciditas ibidem detenta amat specialiter ferrum , non secus quàm sitiens potum , cujus exemplum sit argentum in aqua forti solutum.

Aqua fortis habet odorem & proprietatem sulphuris ferri , quia ex nitro sulphureo , & vitriolo , vel alumine facta fuit , undè ratione symboli amat cuprum , & ferrum , ut suprà mechanicè ostendi. Sicut autem in animalium stomacho esuriens acidum exsatiari suo simili appetit : illudque simile ( cibum nimirum ) dissolvit , ac illo deletatur : eodem modo se res ha-

bet in macrocosmo, aciditas aquæ fortis sit per exemplum stomachus esuriens, qui appetit exsatiari, cui datur pro cibo argentum, illudque dissolvit, illoque delectatur: cum verò medicinam (ut ita dicam) in hanc solutionem injeceris, cuprum nimirum, quo ratione symboli plus delectatur, quàm argento, statim deserit argentum, & rursus dissolvit cuprum, totaque viridescit.

Sic etiam in corpore humano contingere necesse est; cum natura sit in omni re similis, ut docuit Pythagoras, & post eum Hippocrates.

Et rursus aquæ forti, quæ hîc ventriculi vicem gerit, gravatæ à cupro si injeceris ferrum, quod est facilioris solutionis vel concoctionis cupro, aqua statim negligit cuprum, ferrumque solvit.

Et licet aqua fortis argentum, & cuprum jam deposuerit: nihilominus aquæ fortis

aciditas, atque proprietas illis dominatur, donec perfusionis ignem liberentur, quod notandum à nostris; alibi enim maximi argumenti erit.

Hunc naturæ communem, & antiquissimum ordinem, & consensum scioli, & Hippocraticæ veritatis destructores cum ignorent, obijciunt, *me falcem in messem alienam mittere*, quasi sit turpe me scire, quod omnibus in arte scire convenit, vel ipsi clari nominis philosophi essent, qui recepta malè intellecta hinc indè surripiunt sine causarum cognitione.

Et quemadmodum argentum, & cuprum molesta erant aquæ fortis stomacho, qui ferro sanatus meliùs se habet; sic quoque morbofo hoc peregrino fermento, vel humore (voca ut lubet) per ferrum absumpto, lienis ventriculus, & vicinæ partes meliùs se habent. Sume ergo per os stomoma, vel ero-  
*Horatio*  
*sterilis*  
*rubigo.*  
cum ejus, vel astringentem, vel

aperientem, quo cum acidum istud fermentum majorem habet convenientiam, quàm cum liene; præcipitanter ideò ruit pervadendo poros, ex lienis ventriculo ad stomachum universalem, ut se cum ferro assumpto associet, quod ab acido illo fermento peregrino solvitur in nigram, vel viridem faciem juxta acidi proprietatem, quod alvi excrementa testantur: & si unica vice acidum hoc totaliter à ferro non absumitur, repetitur toties, donec lien exsiccationis suæ signa ostendat. Sic anima unius entis intrat: id est, fermentum morbi intrat in ferrum, & anima alterius exit, quia acidum ferri, vel anima ferri, quæ ferrum constituerat, exivit (hinc crocus martis ab Horatio sterilis rubigo vocatur) ut morbi aciditas rursus intrare posset, Pythagoricorum decreto. Natura enim in microcosmo agit per eadem instrumenta, sicut in macrocosmo, ubique

*Clavis Cap. VIII.* 175  
enim similem esse docuerunt  
antiqui.

Osgannient hîc Hippocrati-  
cæ medicinæ destructores , &  
idiotæ , quod in lienis ventricu-  
lo morbum constituam , & per  
os ferrum exhibeam , & quo-  
modò morbidum acidum ex lie-  
ne ad ferrum pertingere possit ?  
sicut de cornu cervi usto scrip-  
sere. Quæ quidem objectio res-  
ponsione digna non est, eò quòd  
unus stultus plures valet quæ-  
siones movere , quàm quibus  
centum sapientes respondere  
possint : attamen cum ignavi  
Doctores ex Hippocratis libro  
sexto de popularibus morbis  
hoc nunquam intellexerint , lu-  
bens ex commiseratione locum  
ostendam ; inquit enim ibidem:  
corpus totum , quamdiù vivi-  
tur , perspirabile , & permea-  
bile est. Vid. Hippocr. Chym.  
cap. 16.


Cum verò lien , vel hepar in  
scirrum abjerint , tunc sanè sto-  
moma , fabrum absumendo ,



176 *Hippoc. Medicinæ*  
visceta plus induraret licet om-  
nium subscribentium , atque  
vociferantium crocus martis  
apertius per os assumeretur.  
Plura desiderans de ferro legat  
Hippocr. Chym. citato capite.  
Adeoque plurimum differt aci-  
dum illud , quod ferrum in cor-  
pore humano absument à falsissi-  
mo spiritu veneris , atque ab  
alijs omnibus acidis in vniver-  
so, quia specificum est , & nullo  
alio loco reperibile. Si enim  
ferrum ab illo in corpore planè  
non dissolvitur , excrementa  
alvi in nigrum, vel viridem co-  
lorem non tinguntur, tunc reve-  
ra astringit ferrum , utcumque  
novatorum aperiens crocus pro-  
pinaretur : ut ostendit Hippocr.  
Chym. mechanicè citato cap.  
sicut & illud acidum specificum  
est, quod cornu cervi ustum  
in nonnullis febribus combibit,  
quod scilicet ignari subscripto-  
res judicant debere *intestina ad*  
*locum affectum* , & *febris sedem*  
pertransire ; si alias acidum ini-

bi generatum, atque detentum  
absumere deberet: non intelli-  
gentes Hippocratem suprà ci-  
tato loco docentem, totum cor-  
pus esse permeabile in vivis,  
morbiq; causam esse spiritum  
acidum, vel acidiorē, vel aci-  
dissimum &c. atque fermenta-  
bilem, & ideo tam per poros  
fluere ad extra per diaphæresin,  
ut in crisi patet, quàm ad in-  
testina in cornu cervi ruere, ut  
de stomoma ostendi, dummo-  
dò acidum conveniens, & spe-  
cificum in corpore reperiatur. A-  
grestitis sanè est, & digna appro-  
batoribus doctrina: si enim me-  
dicamenta ex stomacho ad se-  
dem morbi per poros deberent  
transire, sudor & urina à croco  
martis (præsertim eorum aperiti-  
vo scilicet) rubescerent. Be-  
zaar in animi deliquio per mem-  
branas stomachi ad cor non  
transit, neque indè redit (ut in  
comœdia) acidum lypothimi-  
cum absumendo. Nequè ostio-  
colla ad os fractum ambulat, ut

acidum inibi specificum vel prohibeat, vel absorbeat. Nec lapillus cancri ad vulnus. Sic nec opij granum in capitis dolore per os assumptum ad caput ascendit. Ignorant, quod iudex rerum argutus, & æquus æstimator qui non solum medicamentorum, sed & omnium rerum feminalem virtutem distinctè cognoscat, discernat, vel amplectatur, aut segreget, aut nepligat, in stomacho habitet, ut sequenti capitulo experientia, Auctoritate, & ratione ostendamus. Quare indecens illud inscitiae genus ab Hippocratica schola, & vita communi explo-  
dimus: nam bardos erudire, ut inquit Lucianus, secretum esset grandius & nobilius ipsâ Philosophorum petrâ: esset enim transformare intellectum, stupidos reddere habiles.



*Quod Acidum & Alkali in animalibus sit calidum innatum, & humidum radicale.*

C A P. I X.

**P**ostquam proprietates, rerum essentias, seminum ortum, progressum, & interitum per duo naturæ, instrumenta, per acidum nimirum, & alcali, theoricè & practicè ostendi, argumenti ratio postulat, ut quædam de animalium natura huic operi necessaria, illustribus exemplis in lucem producam: & sicut ab initio veteres pro magistris elegi, sic quoquè, & in posterum Numinum instar erunt mihi semper colendi, & neque vi, neque metu latum vnguem à veritate cedere intendo, sed inter eos præsertim Hippocratem in omnibus imitari. Qui

180 *Hippoc. Medicinæ*  
de animalibus differturus Ho-  
minem elegit, tanquam om-  
nium nobilissimum, inquiring  
de diætâ *animæ hominis*, in  
*homine augetur*; in alio verò  
nullo, & aliorum magnorum  
*animalium similiter &c.* Cu-  
jus divinam constructionem  
docta profundaue interpre-  
tatione persecutus est in cita-  
to libello de diætâ, ubi quo-  
que proposuit generalem ge-  
nerationem omnium & semi-  
num naturam, quam Hippocr.  
Chym. ad mentem ejus expo-  
suit: omnia, inquit ibidem, *tum*  
*animantia*, *tam homo ipse ex*  
*duobus facultate quidem diver-*  
*sis*, usu vero consentientibus  
constant, igne inquam & aquâ.  
*Hæc ambo simul sufficientia sunt,*  
*tum aliis omnibus*, *tum mutuo*  
*sibi ipsis*, utrumvis vero seor-  
sum nequè sibi, nequè ulli alte-  
ri sufficiens est. Et paulò post  
eodem libro. *De aliis anima-*  
*libus prætermittam*, *de homine*  
*vero declarabo.* Irrepat itaque

*in hominem anima, I G N I S* Ignis  
 & *A Q V A* temperamen- ornat.  
*tum habens, & I G N I S* om-  
*nia quæ in corpore sunt, exor-*  
*nat, & omnia movere potest:*  
*A Q V A* vero omnia, & per  
 omnia nutrit; quia <sup>aqua</sup> alcali pro <sup>Aqua</sup>  
 indigentia scatet, ut supra vi- nutrit.  
 vis exemplis demonstravimus,  
 ex qua contra vociferantium  
 opinionem solida substantia  
 inspissando concoquitur. Est  
 autem I G N I S, de quo Se-  
 nex hoc loco agit, non culina-  
 rius, ut eodem libello inquit:  
*Homo frumentum tundit, lavat,*  
*molit, & ubi igne coxit, utitur,*  
*& forti quidem igne in corpore*  
*non conflatur, verum molli ac*  
*lento.* Mollis itaque ignis est,  
 qui omnia exornat, & movet,  
 quem acidum esse pluribus  
 exmplis capite secundo, &  
 sparsim per totum hunc li-  
 brum ostendi, & in posterum  
 ostendam.

Ignis Itaque, & aqua, vel  
 acidum & alcali (voca ut lu-

bet) est balsamum illud, quod pro sale corpori datum est, ne putrescat, & in rei veritate sal est, ut ostendit Hippoc. Chym. à 12. usque ad 16. cap. & in progressu hujus clariùs patebit. Hoc est illud innatum calidum, quod in crescentibus plurimum esse pronuntiavit Senex Aphor. 14. sect. 1. quia fermentabile, & expirabile, & ab assumpto suo simili alimento indefinenter regerminat; igitur alimento plurimum indigere ratio suadet, quo Aphorismo indicare voluit; nisi calidum innatum, id est ignis & aqua in animalibus, & maximè in crescentibus valdè volatile suo simili restitueretur, corporis robur confestim deficeret; hinc illud; ubi fames, laborandum non est. Simile autem sui non est istud externum corpus carnis, vel panis quod tangimus, quandoquidem non ex solo visibili pane vivit homo, sed ex alimentorum calido innato, quod quam primùm à sto-

macho amplectitur, priusquam  
incalescat, illicò vires corporis  
reficiuntur. Hoc calidum inna-  
tum ipsi etiam lactucae inest.  
Acidum itaque stomachi, post-  
quam ab alimento absumptum  
est, & in humidum radicale  
transivit, stomachus ipse statim  
se contrahit, & totum corpus  
languescit propter ejus defe-  
ctum, hinc oritur fames, atque  
cibi appetitus. Esuriens itaque,  
licet debilis existat, aut à lon-  
ga inedia aut labore, cibum &  
potum assumens, confestim ab  
unico etiam vini scipho, se viri-  
bus refectum esse fatebitur; &  
id, priusquam cibus chilificari  
incipiat, eò quod acidum defi-  
ciens restituatur ab illo, quod  
cibo & potui, vel pani ac vino  
sensibus externis, impercepti-  
biliter inest: Undè Hippoc. ait:  
*Alimentum, est quod in spiritua-*  
*les vapores conversum est, à tali-*  
*bus nutriuntur spiritus vitales*  
*activorum authores.* Nam sicut  
ostendi suprà, quod acidus spi-



ritus quilibet animam inseparabiliter in ventre suo portet, atque in illud corpus cui infunditur, dominium suscipiat, illudque confestim juxta sui naturam formet, ut exempla dedi capite 6. de spiritu salis, qui in alcali tartari fusus, statim sibi format corpus salinum propriæ naturæ consentaneum, & fit sal: & aceti spiritus vel acetum distillatum in eodem alcali tartari sibi format corpus adæquatum suæ propriæ naturæ, & fit tartarus vini, & sic de vitriolo & reliquis acidis; ita quoque acidum stomachi humani, cum apprehendit panem, vel quicquam alibile, in quod dominari possit, illud convertit & transmutat in chylum, & exindè in carnem humanam: & eundem panem acidum stomachi canini convertit, & transmutat in carnem caninam, ut de reliquis viventibus quotidie docemur, eò quod natura in omnibus iisdem instrumentis

mentis operatur, ut in principio  
hujus capitis ex Hippocrate his  
sequentibus verbis ostendi:  
*Anima hominis in nullo alio,  
quam in homine augetur &c.*  
& ex iisdem, ex quibus constat:  
& quamvis panis sit fermenta-  
tus & acidus, sicut & plura ali-  
menta, magis & minus; nihilo-  
minus acidum in humano sto-  
macho, licet de seipso fragile,  
junctam tamen habet vitalitatē,  
undē potest iisdem dominari,  
quemadmodum acetum domi-  
natur, ac supprimit acidum perle  
innatum, & aqua fortis suppri-  
mit illud in argento: sic quoque  
acidum vitale stomachi suppri-  
mit acidum fermentum panis,  
& reliquorum alimentorum,  
atque dominium itā suscipit su-  
per illa, ut ea in sui naturam  
convertat & transmutet: v. gr.  
cum homo caponem comedit,  
ejus acidum stomachi supprimit  
humidum radicale caponis, il-  
lique prædominatur, inque sui  
naturam transmutat: è contra.

cum capo (vel etiam piscis) manducat hominem, ejus vitale acidum in stomacho supprimit, & jugulat humidum radicale post mortem in carne humana relictum, quod fit caro caponis.

Quod autem in cadavere superfit humidum radicale & vitale, ostendunt vermes, qui infallibiliter exindè nascuntur, & pariter ungues, & capilli crescentes; & id non solum Paracelsus, sed naturalium rerum curiosi quam plurimi notarunt: & nisi humidum radicale in carnibus & alimentis omnibus superesset, utile & sufficiens nutrimentum viventibus non supeditaretur, & præsertim ijs qui crescunt; testimonium sunt carnes & pisces salita, atque fumo exsiccata, quibus minor inest humidi radicalis copia, quàm recentibus: per sal enim plurimum absumptum est (ut docet Hippocr. Chym. cap. 14.) ob id minus nutriunt,

quàm recentia. *Acidum itaque vel ignis* mollis est tam in vegetabili & minerali, quam in animali familia, estque illud, quod omnia quæ in mundo sunt exornat: sic ut & aqua, quæ omnia nutrit, ut rectè Hippocr. sentit. Hujus inquam ignis & aquæ præsentia, quæ ambo humidum radicale constituunt ( ut ostendam ) illicò antè chilificationem acidum stomachi illuminatur, atque reficitur: quippè quod omnibus alimentis ( ut & alijs rebus ) plus vel minus inest ut experientia docet, plus enim inest unico ovo recenti, quàm ollæ refertæ brassica; plus unico vini scypho, quàm aquæ fistulæ. Acidum itaque in stomacho deficiens, quod ad oculum ostendit Hipp. Chym. paulò ante citatis locis, restituitur humido radicali alimentorum; sed maximè cibo illo cælesti in aëre habitante: est enim id vitæ semen, sine quo neque homo, neque ullum animal, neque ve-

getabile aliquod generatione ;  
aut vita potitur ; tantum enim  
conducit ad animalium vitam  
illud spirituale pabulum , sive  
aëris externi attractio , qui fre-  
quenti inspiratione hauritur , ut  
non solum philosophos , sed &  
ipso plebeos in admirationem  
cōpulerit. Neque folles suos in  
cordis vicinia ad ejus refrigeriū  
tantū affabrè natura constru-  
xit , ut vulgo placet , verum e-  
tiam ut frequenti suā ventilatio-  
ne auram ætheream inspirent ,  
cujus afflatu acidum dictum re-  
paratur , atque indefinenter re-  
germinat. Nam quemadmo-  
dum suprà cap. 3. ingeniosus  
» Cosmopolita docet , quod plu-  
» via accipit illam vim vitæ , at-  
» que illam conjungit alcali terræ  
» per radios solares : sic quoque  
eadem vis vitæ in microcosmum  
attrahitur per inspirationem ,  
atque fixatur per radios solares  
cordis in alcali animalium , vel  
humidum radicale , quod pau-  
lò post mechanicè ostendam.

Hæc est antiquorum vera scho-  
la, & Hippocratica doctrina de  
igne molli corpus ornante nun-  
quam peritura in despectum ra-  
biosæ maledicentiæ, ut testatur  
libro de carnibus cum Cosmo-  
polita in eundem sensum, in-  
quiens: *Meam quoque senten-* *Acid.*  
*tiam proferam; quod calidum*  
*vocamus, id mihi immortale esse*  
*videtur, cunctaque intelligere,*  
*ornare, videre, & audire, sen-*  
*tireque omnia, tum præsentia,*  
*cum futura, cujus pars maxima,*  
*cum omnia perturbata essent, in*  
*supremum ambitum secessit, quod*  
*mihi videntur veteres Æthera*  
*appellasse. Altera pars locum* *Alcali.*  
*infimum sortita, terra quidem*  
*appellatur frigida & sicca, mul-*  
*tasque mutationes habens, & in*  
*qua multum sanè calidi inest.*  
Quid clarius dici potest pro hu-  
mido radicali rerum? Nam quæ  
in macrocosmo ostendit Cos-  
mopolita ( vide cap. 3. ) eadem  
in microcosmo intelligenda esse  
jabet Hippocr. Corpus enim.

190 *Hippoc. Medicinæ*  
humanum , nisi ab immortali  
illo tam per alimenta quàm per  
inspirationem reficeretur , fri-  
gidum sanè & siccum multas  
mutationes subiret ; ac tandem  
coram oculis nostris in nihilum  
redigeretur ; eodem modo sicut  
candelæ flammæ cereo absum-  
pto , aut vento urgente extincto  
accidit : non tamen perit , ut  
vulgo videtur , sed pabulo suo  
destituta ab eo avellitur , spargi-  
tur , & evanescit in aërem , qui  
abyssus est , & receptaculum  
universale luminum & spiritua-  
lium naturarum mundi mate-  
rialis Raimundo teste. Et pau-  
lo ante Hippocr. textus libro  
de carnibus explicat. Omnibus  
itaque tribus regnis ex aëre sup-  
peditatur præcipuus vitæ fomes  
& pabulum : hinc antiqui dixe-  
runt : Jovis omnia plena , &  
Cosmopolita , in aëre occultum  
vitæ cibum pronunciavit , quem  
ostendi corpus induere in sibi  
conveniente radice.

Calidum itaque innatum , &

humidum radicale , plurimum  
distant ab invicem , illud totum  
solare & occultè acidum , atque  
oleosum , istud verò magis cor-  
poreum constans atque sali-  
num : illud ex ordine superio-  
rum , istud magis inferiorum ,  
in quo est illa regio , ubi vir  
suam sibi perduxit uxorem , ut  
ait Cosmopolita , tract. de Sul-  
fure : estque infernus , quo à  
Plutone rapta Prosepina duci-  
tur , pro qua Cereri ejusdem  
Proserpinæ matri Jovis auxi-  
lium imploranti responsum est ,  
futurum esse ut posset ipsa re-  
verti , si tamen apud inferos ni-  
hil gustasset , id est nisi spiritus  
illic cælestis solis filius ab alcali  
absorptus , sed adhuc liber in  
aëre habitaret , tunc reverti fa-  
cile posset : illa autem punici  
mali in Elysio ( sic in voluptate )  
grana gustaverat , undè ad su-  
peros remeare non potuit , nisi  
sex mensibus elapsis ; id est quo  
usque punica mala consume-  
rentur , & tunc Proserpina re-



dit ad matrem, sicut lumen candela in patriam, ut ante dixi.

Falluntur itaque qui calorem innatum, & humidum radicale confundunt in omni familia: non minus enim inter se discrepant, quam aqua caustica & mercurio, in quo eadem corpus assumit, ut apparet in falsificato emplastro Iohanni de Vigo imperitè adscripto: In mixtis si quidem humor radicalis est sedes, & pabulum ignis cælestis, & vinculum ejus cum elementalī corpore: at vis illa ignea est forma, & anima mixtorum. Clariùs. Spiritus vel occultè, vel manifestè acidus, est sedes & vinculum quod ligat animam cum corpore: faciamus ergò sicut natura, quam ars imitari in omnibus debet, si aliàs perfecti naturæ ministri fieri velimus.

Sit aqua elementalis, quæ solis filio calido nempè cælesti imbuta, atque prægnans sit, hæc cadit in humidum radicale

le

level alcali vitis, ab illo com-  
bibitur, & fit idem, ut cap. 2.  
& 3. Ostendi. Dabo exem-  
plum de ficto veneris spiritu,  
qui à principio aqua simplex  
fuit, quæ imprægnata calido  
cælesti cecidit in humidum ra-  
dicale vitis; hoc, multas sub-  
eundo mutationes ratione ca-  
lidi dicti à natura habentis mul-  
tiplicandi vim in se ipso, perfi-  
citur ad maturitatem, & fit vua,  
cujus aquosus succus, cum sit  
prægnans calido cælesti, & hu-  
mido radicali, hæcque dum a-  
gere patique incipiunt in invi-  
cem, fit ut ab eorum actione,  
& reactione ferveat (vid. Hip-  
pocr. Chym. cap. 18.) undè fer-  
mentari dicitur, & fit vinum, in  
quo calidum cæleste superat  
humidum radicale, & si tan-  
dem acquirit vires, fit acetum:  
aceto hoc, vel vinaceis jam  
acescentibus eroditur cuprum  
quod (ut rectè Dioscorides do-  
cet) erosum fit ærugo, ex hac  
per distillationem redit ace-

194 *Hippoc. Medicinæ*  
tum , quod inepti falso titulo  
veneris spiritum dictitant , ut  
suo loco ad amissum ostendi:  
hoc acetum , nil aliud est ,  
quam aqua imprægnata acido  
sale à vitis principio , estque se-  
des , & humidum radicale ejus  
innati ignis cælestis jam speci-  
ficati à vite ( purum enim , ut  
à vulgi & ignorantium illotis  
manibus tractetur , se non ex-  
ponit ) vocaturque communi  
nomine acetum. Et quemad-  
modum calidum cæleste à pri-  
mis initijs sedem fixit in alcali  
aquæ , & postea in vite multi-  
plicatum fuit , exindè etiam  
ortus sui nomen retinuit , quod  
in cupro quoquè conservavit  
illæsum in Norimbergensium  
& Veniennensium decano-  
rum sociorumque erubescen-  
tiam.

Acetum itaque nobis nunc  
rursus exemplum erit calidi cæ-  
lestis : hoc inquam exfatietur  
alcali tartari , donec strepitus,  
& ebullitio cesset , in illa ebul-

litione spiritus ligat ignem cælestem cum corpore terrestri, id est cum alcali: alcali hoc loco repræsentat humidum radicale, in quo calidum cæleste ligatur: & postquam alcali, idest matrix debitam portionem accepit, cæterum ejicit foras, vt Cosmopolitæ verbis utar.

Si vis, vt Proserpina redeat ad matrem hunc tartarum distilla, & exhibit oleum, & aqua quæ ab oleo amarescit, oleum est pingue illud, per quod erat acetum: hoc oleum & aquam rursus imbibe in alcali, & distilla ut prius, & loco olei redit aqua insipida elementalis: & sic aqua in principio imprægnatur calido cælesti postea per fermentationem mutantur in vuas, deinde in vinum, deniquè in acetum, tandem fit sal in matre alcali, quod vertitur in oleum, & ultimò redit, sicut de lumine candelæ & de Proserpina ostendi, ad matrem, ad Æthera dixit Hippocr. paulò antè, adeò ut ra-

dix rei in aquam elementalem revertitur, in id scil. quod fuit, antequam à filio solis fœcunda fieret indole vitis: Sic quoque caput mortuum relietum, nil aliud est, quàm alcali tartari, in quo idem spiritus habitat, quem in aceto ostendi, sed constantiori modo, quare illum hoc loco humidum, radicale appellari licet; quod etiam per repetitas distillationes redit in terram inanem, & aquam simplicem elementalem, ut docet Hippoc. Chymic. cap. 10. Sic ad impletur Hermetis, & aliorum, dictum, nil scil. in mundo mori &c.

Hanc simplicem elementalem aquam venditat ineptum Collegium ( quod ex socio facillimè cognoscitur ) desolatis ægris pro cordiali, ut supra cap. 4. ostendi, qua utilitate & medicinæ gloria judicent honesti viri: Virtus itaque illa ignea, & oleosa est calidi, & humidi materia in rebus mixtis à superioribus naturis in hæc inferiora de-

fluxa, sine qua terra iterum inanis, & vacua fieret: aqueus autem humor, est immediatè custos, & capsula spiritus illius ignei in semine incarcerati, qui eo usque ibidem moratur, donec calore adventitio in matrice apta ad generationem promoveatur: & sicut in alcali cum acido ostendi, sic quoque humidum radicale in quolibet mixto est officina Vulcani, & focus in quem fluit & custoditur ignis ille immortalis, qui primus motor est omnium individui facultatum, & quia solis filius & vicarius est: ea omnia agere, in quolibet mundo minore, quæ sol in maiore concludo cum Raimundo, & auctoritate Hippoc. de carnibus.

His præmissis, videamus nunc ubi sit reposita sedes humidi radicalis in homine, quod solis filium, vel Proserpinam sine intermissione rapit & absorbet. Ex situ & efficaci solis virtute licet inferre eum cordis

*Sedes  
humidi  
radicalis.*

*Increa-  
ta lux,*

vice in universo fungi, à sole enim vita in omnes partes defluit: lux quippè vitæ vehiculum est, imò fons, & causa proxima, quæ vitam rebus inspirat, sola hominis animâ excepta, quæ lucis supercælestis increatæ radius est. Et quemadmodum sol in macrocosmo cordis vicem gerit, & vitam rebus inspirat: sic quoque cor in microcosmo solis vicem gerere debet, si alias vera sint, ut sunt verissima & sine mendacio, quæ Hermes in tabula nobis reliquit; quod nimirum superiora sint sicut inferiora, & vice versâ: oportet itaque ut spiritus vitalis, vel calidum cæleste per pulmonem attractum, & quasi per cribrum purgatum rectâ ad cor tendat, ubi Proserpina ab humido radicali amplectitur, detinetur, & corpus acquirit, ut suprâ ex Hippoc. de carnibus, ut & de aqua caustica cum mercurio: & de aceto cum alcali tartari notavi: & sicut phlegma vel aqua

elementalis, quæ radix est aquæ fortis & aceti, non coagulatur cum mercurio, neque cum alcali, sed exhalat à calore, & redit in aquam elementalem, ut ostendi: sic quoque phlegma, & elementalem aqueum vaporem, quæ cum calido cælesti solis filio inspiramus, haurimusque, rursus expirando in aquam redire, quilibet etiam plebeus agnoscit & fateri compellitur. Salina autem natura aquæ fortis cum mercurio fixatur, sicut salina natura aceti in alcali vel coralijs: sic quoque Proserpina, vel filius solis inspiratione attractus per pulmonem ad humidum radicale, quod in corde sedet, detinetur ibidem, & à radijs & cordis calore elaboratur & fixatur (suo modo) in alcali, vel humidum radicale: quod deindè per eundem calorem & pulsum diffunditur per totum, & rebus membrisque vitam, actiones & facultates inspirat (cuncta enim intellige-



re, videre, ornare, audire, sentire, dixit Hippocr. suprâ citato loco de carnibus : vide etiam finem antecedentis capituli) & ut diversas edit actiones, ita diversa quoque sortitur nomina, nam in oculis videt, in lingua gustat, in digitis tangit &c. Et quemadmodum ostendi, quod acidum & alcali fermenta constituent : sic quoque humidum radicale, & calidum innatum tam in frumenti grano quam in corpore humano vitales actiones edunt, & non ineptè vitale fermentum vocari licet, nam exindè in universa corporis membra fluit & diffunditur. Et sicut vitalis ille spiritus vel solis filius est sui ipsius, ut ità dicam, multiplicativus in stomacho grani frumenti (qui est 8200. pars sui corporis, ut notarunt arcanorum mystæ) ~~762~~ ex superabundantibus divitiarum donis acescat, fiatque aqua ardens & inflammabilis : ita quoque hic in stomacho huma-

*Fer-  
men-  
tum vi-  
tale.*

no regerminat, multiplicatur, fermenti more acescit, & instar aquæ ardentis totum humanum corpus vivido colore & calore illuminat, hinc ( quia habet operationes ignis ) ideò ab Hippocrate ignis mollis in stomacho sedens appellatus fuit. *Quare ignis mollis vocatur.* Nam sicut sol cor mundi indefinenter ad æthera mittit hunc spiritum, qui omnia quæ mundus habet in se continet, ne machina mundi deficiat: sic quoq; cor ad æthera microcosmi, id est, ad stomachum indefinenter mittit hunc spiritum, qui continet in ventre suo omnia quæ microcosmus habet, ob id Arcanorum mystæ hunc multiventrem spiritum mercurij nomine dotarunt. Et quia omnibus vitæ diebus fluit, & evanescit propter volatilitatem, & fragilitatem animalium naturis propriam Hippocr. Chym. demonstrante cap. 12. præsertim in crescentibus, necesse est, ut reparetur cibus congruis ( ijsq;

vitalitatis

Ejusdem speciei

dem enim nutrimur, quibus constamus) qui in stomacho acquirunt <sup>ita</sup> ~~vel~~ vitalitatis initium à dicto spiritu ipsius animalis, cujus ~~speciei~~ spiritus ille à principio fuit (sic cibus in stomacho fermentum suscipit intrò, ut Raimundus in Theoria) Undè necessariò panis, & aqua in stomacho humano fiunt alimentum humanum, & idem panis, & aqua in stomacho canino fiunt alimentum caninum &c. quia acidum vitale animalium, & acidum occultum in alimentis vel per coctionem in humidum radicale conversum, hæc omnia ex solis filio originem traxerunt: superatur autem specifica vis acida in alimentis à vitali acido in stomacho animalium sedente; sicut acidum sedens in perlâ ab aceto, cuique dominatur. Alimentum autem è stomacho sano non decedit, donec fermenti finem non adeptum fuerit, ut cap. 6. ostendi exemplis quam plurimis; na-

tura enim similis in omnibus est, (Hippocr. & Antiquorum auctoritate, & experienciâ id probantibus) id est, donec vitalitatis ac volatilitatis fundamentum non acquisiverit: nam cum humidum radicale omnium animalium volatile sit, ut & ipsa Vulcani officina: res postulat, ut quicquid ibidem elaboratur, fragile & volatile evadat; hinc omnium animalium carnes, sanguis, urina, sudor, petrae calculi, sabulum, tophi, scirrhi, & quicquid animal generare potest, non resistunt, sed per ignem à statu pristino destruuntur, & annihilantur, vel rediguntur in insipidam, ut ossa, vel in mordicantem calcem, ut ovorum & ostrearum, similiumque cortices &c. omnia autem dicta, priusquam exurantur, occultè falsa esse, non solum persuadet ratio supradicta, & Hippoc. auctoritas, sed insuper etiam experientia frequentissima magistra, & nè semel dicta

fastidiosè repetam, videatur de hac re Hippoc. Chym. à cap. 12. ad 16. quicquid enim ex animali distillatur ignis ope, egreditur ex illo liquor, oleum pingue, & alcali fugax: acidum verò quod alcali coligaverat, in hac tyrannica operatione redit cum Proserpina ad matrem, quem exindè arte, astutisque manibus repetere licet; ut paulò post ostendam: caput mortuum verò; etiam ex durioribus ossibus, vacuum & inane relinquitur; sanguine excepto, quidum leni igne paulatim in retorta in carbonem reducitur, tunc ex illo, aquâ communi, salis portio elicitur, major tamen pars vertitur in alcali fugax, non vehementer fætens; evidenti argumento, quòd in sanguine sit occulti acidi pars major, quàm in ossibus & reliquis partibus, alcali ligantis, ne levi igne fugitivum fiat. Hippoc. Chym. cap. 12.

*Sal sanguinis.*

Quod autem sit sal ( id est

compositum ex acido & alcali) probat solutio mercurij sublimati, in hanc enim dejectum illum non præcipitat, sicut alcali, ut supra cap. 7. Pars verò *Alcali* quæ ex retorta distillatur, est *Sanguinis.* alcali fugax, & mercurium præcipitat candidi coloris, & in levem spongiosum pulvisculum. Urinæ paulatim coagulatae in mellis consistentiam adde alcali fixum, ut combibat acidum sal, quod homo comedit, quæ sic per alembicum emittet alcali fugax urinæ fætorem referens à fermento putredinis. Fermentum istud putredinis non acquiritur in putrefactione artificiali, ut existimant decani cum rabiosulis socijs, sed in ipso puncto, quando serum per renes quasi per siringam transit; etymi autem defectu voco fermentum putredinis, ad distinctionem reliquorum: nam alcali sudoris non fætet, sicut illud urinæ: ut nec cornuum, & ossium, sed eorum odor est recen-

*Fermentum putredinis quid?*

tinus quod ambitiosuli artifices  
hactenus ignorarunt, docente  
id Hippoc. Chym. quem ta-  
men nunquam intellexerunt: il-  
le enim, sicut alcalium fixorum  
differentiam, & formarum con-  
stantiam per mercurij sublima-  
ti soluti præcipationem: sic  
formarum permanentiam alcali-  
um volatilium, per fermenta  
in natali loco acquisita distinxit,  
eò quod ad ignem eadem forma  
cum ipsis usque ad elementa pa-  
ri passu ambulet, ejusdem scil.  
rei ex qua desumpta sunt, Ge-  
bro sic attestante, & experien-  
tiâ, ut suprâ satis lucidè notavi.  
Hinc elucet ratio, quare alcali,  
& viperinum humidum radica-  
le apud antiquos in majore fuit  
veneratione, quàm humidum  
radicale, vel alcali reliquorum  
animalium: quod nimirum, ut  
dixi, per ignem actuale tran-  
siens, retineat formam inde-  
structam animalis, de quo de-  
sumptum fuit. Quemadmodum  
autem metallorum alcali, sive

mater, vel prima eorum materia ( quam suprà ostendi ) variè ab imperita turba agitur in acidis & causticis , rerumque calcibus ejus naturæ non convenientibus , cum quibus opprimunt , ac destruunt ejus internam formam , & luminis acidi metallici scintillam , ita ut augeri & multiplicari ( sicut in grano ostendi ) non possit : sic quoquè alcali viperarum primam fæmineam materiam à ciniflonum & imperitorum turba miserè agitatam & deturpatam legimus , modò cum calce , modò cum acidissimo salis spiritu ( vid. Hippoc. Chym. cap. 3. & 11 ) ejus naturæ contrarijs rebus , ita ut scintillula veri luminis , seu interna viperea forma , quæ blandâ fermentatione augeri , & multiplicari debebat , ab illis naturæ violatoribus totaliter ferè destructa sit , & annihilata , non secus quàm lumen perlæ ab eorum laudatissimo veneris spiritu , oppressa &



jugulata remanet. Et quemadmodum peritus naturâ duce potest multiplicare formam in matre metallorum: sic quoque peritus eadem duce, poterit multiplicare formam in matre vel alcali viperino.

Ostendi quomodò sagax natura elaborando perficit humidum radicale pro vëgetabilium familia, cui superstruxit antiq̃uitas artificiale fælici successe. Ostendi quoque ex Hippoc. de carnibus, modum quo natura utitur in præparatione humidæ radicalis in animali familia: ad cujus imitationem construxi artificiale, nequè latum unguem à naturali operatione recedens.

Hinc manifestum fiet omnibus & singulis præsentibus & futuris præter opinionem, calumniantium, quod præter hoc nostrum inventum non solùm sal viperinum, sed insuper humidum radicale per artem verè, & sine fraude dici possit: constat

*Sal viperinũ  
Auctoris est  
humidum radicale  
per artem,*

stat enim ex alcali viperino  
( quod sicut in mineralibus &  
vegetabilibus fæminam agere ,  
sic quoque in hac animalium  
classe totum esse fæmineæ na-  
turæ , formamque viperinam  
occultam in se habere experien-  
tiâ , & Gebri auctoritate paulò  
ante evici ) & ex solis filio , vel  
calido cælesti nundum corrup-  
to , qui cum solus esse non pos-  
sit , in aquæ alcali recipitur &  
detinetur , donec in falsum , id  
est , in perfectionis suæ naturæ  
gradum fermentetur. Dixi. Pro  
hujus salis exemplo dedit Hip-  
poc. Chym. cap. 10. modum ,  
quo cum alcali tartari fiat tarta-  
rus vitriolatus ex cruda vitrioli  
martis minera , & ostendit insu-  
per naturam in omnibus simi-  
lem esse , & sanè magnum quid  
detexit : ambegni autem steri-  
les & medicinæ scientiæ infæ-  
cundi propter mentis cæcitatem  
claræ veritatis capaces non  
sunt , imò vix cognoscunt quæ  
ante oculos habent : quippè in

acidis fontibus non vident filium solis à provida natura in aqua dilutum , qui nunquam deficit , & præterfluendo immaturam ferri venam suavissima aciditate lambit ; & postquam paululum defluxit , flavescit : ut docet Hippocrates Chym. cap. 16. evidenti argumento , quod cælestis ille spiritus actione fatiscat deficiente semine , non secus ac Proserpina peracta voluptate ad matrem revertitur ; ab illotis tamen manibus capi se non finit , scientibus autem subter somnum , & dum dormit , se se manifestat. Plures idcirco sunt viæ ad hunc intentum , quæ obtrectatoribus admodum salebrose , atque obscurissimæ tenebræ sunt ; sed quis ingeniosus cum vitriolo martis crudo naturali idem non tentaret ? nisi timeret fortasse frequentem solutionem , longam digestionem , & judiciosam coagulationem..

En candidi physicae lucis assertores alcali viperini fæminea prima materia, victorioso & solemni connubio cum solis filio in salis naturam exaltata, quorum nuptiæ in domo naturæ celebratæ sunt, ut habent verba Cosmopolitæ) Adversus quas per viginti integros annos (in hac Regia me commorante) canes ulularunt, corvi crocitarunt, strepitusque inconditi auditi sunt. Quæ dum contempsit, vivit, triumphat, & apolactizat inimicos suos, si periisset! non defuissent, qui hæc inter certa prodigia mortis numerassent. Proh, quantum caratæ hanc ob rem non macularunt didascalici grammaticales, quas obrectationes, quot infamationum libellos, quot denique calumnias & sordes in proprium sinum non evomuerunt illepidi vociferatores, operumque naturæ violatores, accinisiones? Eò quod veritatem pro fidissima tutrice habuimus,

quæ licet quandoque à gravissimis ponderibus, mortalibus tamen inutilibus prematur, & exerceatur; expugnari tamen, vel opprimi illam impossibile est, cum adeo potens, inexpugnabilis, ac triumphans supra res totius mundi omnes sit, ut ostendit ex sacris Hippoc. Chymic. in præfatione: ea propter plebeorum contemptus cum voluptate accepimus: tantum enim fætida pultis vix est repibile, quantum proterva eorum maledicentiæ rostra obturare possit; didici enim cum imperitis certare de rebus quas non intelligunt, eosque docendo, gloriolam captare, insipientis esse: sed contra sapere; oculere, temporumque, loci, consuetudinis imperantium hominum, cum quibus versaris rationem habere: confidere etiam in justis actionibus, & & tunc quod æquissimum est hilari animo expectare, nunquam incommodi, sed ingentis

gloriæ atque lucri esse. Pro exemplo satis recenti sit Helwig Didrich (sit hoc absque contumelia dictum, nam mortuis & absentibus non nisi benè dicendum) quid non tentabat olim unà cum suis conspiratoribus contra experimentalem veritatem sibi omnibus incognitam atque ignotam? Quid non de moribus (qui sunt extra metam rei) in vulgus effrenata voce dederunt: Attamen camellorum saltantium actiones omnes derisimus, cum sciverimus vanis atque vefanis cerebellis familiare esse refugium, ubi rationes veritatem oppugnantes defecerint, moribus maledicendi ansam arripere, ut testimonium esse potest responsum illud nostrum 1656. sub ECHI *ECHO*  
nomine divulgatum. Idem facinus & hodie tentarunt decani *ad vindicias*  
fat rabiosi cum collecticijs & *Chiroscophi.*  
turpiloquis socijs, atque antecedente grege, omnes inquam iudices, turpissimâ ignorantia:

*Timidi  
canes  
vehe-  
men-  
tius la-  
sant.*

contaminati, testesque iniqui, in lege falsarii, ut hæcenus palam ostendi: quorum omnium scripta, tam præterita quàm præsentia, licet sint in magnum volumen stolidâ diligentia coæcervata, ad opprimendum tamen Tachenium à veritate pro-rectum non sufficiunt: sed in his occupationibus, ociosuli aureum, & irreparabile tempus solummodò contriverunt, mendacem genium exercentes, ac frustra laborando cartam macularunt, ut & in posterum frustra laborabunt, si &c. Caballus quippe generosus non curat insequentium catellorum latratus: tanti enim facimus præsen-tes ac futuros obtrectatores nostros omnes & singulos, quanti &c. me intelligitis, eò quod justis in actionibus vivimus, atque confidimus. Quid plura?

In vitriolo est acidum naturæ humanæ gratissimum, jucundis-  
simum, atque optatissimum,  
Paracelso teste, & experientiâ:

hoc acidum, quia solum esse non potest, se associat immaturo metallo, atque cum illo in salinum corpus abit, libera illud, & operis non penitebit: delitescit enim in illo Epilepsiae arcanum, de quo ingenuus Crolius. Multas Paracelsus virtutes tribuit in curanda Epilepsia volatilitati spiritus vitrioli; at illius apud nullum adhuc data mihi fuit videndi facultas, nec ullus mihi affirmare potuit, quod confirmatam epilepsiam solo vulgari & simpliciter preparato vitrioli spiritu tollere potuerit: haecenus ille. Per distillationem itaque propter rationes indigitatas elici non potest, ut omnes candidi artifices testantur: & haec est causa, quare aliam viam tentarunt Arcanorum naturae scrutatores, quam lubens clarius hinc apposuissem, sed expertus sum insipientis esse ignorantibus; & vulgo se exponere: quicquid enim laudat, vituperio est dignum, quicquid

*Basilij  
Valen-  
tini spi-  
ritus  
vitrioli-  
aibus  
quid?*



cogitat, vanum : quicquid loquitur, falsum : quod improbat, bonum, & quod approbat, malum, & quicquid extollit, infame est, ut hætenus claris exemplis demonstravi. Non solum autem epilepsiæ latet arcenum in dicta volatilitate, sed suffocationis etiam matricis, cordis pariter palpitationum, corroborationis spirituum, cerebri, cordis, & totius individui, cum sit filius solis, & vitalis nostri spiritus uterinus frater. Nunc satis dixi.

Redeo ad alcali viperinum vacuum, à ciniflonum turba malè tractatum. Quemadmodum esurientibus & panem perentibus, non scorpionem, neque lignum porrigimus : neque sitientibus oleum felle mixtum, sed consentanea & similia alimenta ex eadem familia ex qua constat esuriens, illi exhibemus, docente id Hippoc. sic quoquæ alcali viperinum vacuum esuriens ac sitiens, non calce,

calce non spiritu salis, ut imperitorum scripta sonant, sed eodē debet exsatiari, ex quo constat, cum natura ubique similis sit, ut cap. 3. hujus tractatus ostendi itā facere naturam: quam si tu veritatis amans studiosus in tuis exercitijs fueris imitatus, in nullo puncto errabis, ut mox clariori exemplo patebit. Hīc verò lectores omnes advertant velim, quod sicut omnia quæ ab animalibus proficiscuntur, infirmiora dant remedia pro humano usu, quàm quæ ex mineralibus: sic quoquē hīc intelligere debeant, quod licet alcali viperinum specificam formam possideat, & naturali acido superveniente imprægnetur, subque conveniente digestionis calore in unum corpus excellens maturetur: resurgat quidem idem alcali efficacius ratione masculi adjuncti: ultra tamen terminum suprā ex Raimundo allegatum non ascendant. Adeoque ex minerali fa-

miliâ desumpta multò perfectiora in Epilepsia, Asthmate, calculo, plurimisque coagulatis morbis (Hippoc. Chym. cap. 14.) reperiuntur, quatenus eorum humidum radicale constantius experientiâ deprehendatur.

*Coagu-*  
*lati*  
*morbi.*

Coagulati autem morbi generaliter dicuntur ij, qui ex acido immaturo ex stomacho ad alienas digestionum officinas fluant & coagulantur: aut si in ipsis officinis per degeneracionem occasionalis causæ acidum potentius evadat, tunc innatum suppressit, & illicò contrahuntur pori, atque cum alcali loci, coagulum suscipit juxta membri proprietatem, ut suprâ ex Hippoc. ostendi. Et quemadmodum in macrocosmo habitat in aëre occultus vitæ cibus, qui omnia in se continendo quæcunque mundus habet, ob id multiventris spiritus appellatur: sic quoquè in microcosmo intelligendum est, in humani itaque stomachi aëre habitat

multiventris spiritus, qui in se  
continet quicquid homo potest  
& habet, ut ex Hippoc. lib. de  
carnibus ostendi. Si ergò quid-  
quam hujus spiritus in stoma-  
cho habitantis acidiorē au-  
ram peregrini saporis, vel odo-  
ris non convenientis suæ pro-  
priæ naturæ hauserit, quæ non  
planè in maturum vel falsum  
mutari potuerit, & in alienam  
digestionis officinam ceciderit,  
ubi concoctio & alteratio dul-  
ciore actione, quàm in stoma-  
cho procedit, tunc statim po-  
tentius supprimit debilius, &  
coagulantur ambo in alienam  
indolem, undè incola spiritus in-  
dignatur, membrum incalescit,  
proprium alimentum non con-  
coquit, atque exhinc morbus  
palam producitur: non secus ac  
cum acetum perlæ rectorem in-  
colam supprimit, eumque ita  
debilitat, ut perlæ faciem amit-  
tat, sicut alibi satis lucidè  
ostendi.

Acidum ergò vividum & ma-

nifestum si per errorem ex stomacho labatur, atque penetret ad intestinorum œconomiam, statim ut peregrinum & potentius debiliorem operatorem loci supprimit, sibi que provinciam appropriat, colicosque dolores suscitatur, vel alvum fluxam reddit vel obduratam, & similia intestinorum vitia producit, de quibus tamen hoc loco ad evitandam prolixitatem non agere satius ducio: cum proprium tractatum requirant: sed necessaria solum argumenta pro hac re exinde trahere conatus sum, ut inscitiam demonstrem eorum, qui nil aliud quam sibi ignotam infamare veritatem, eamque convicijs onerare didicerunt. Acidum autem illud vividum & manifestum (de quo hîc sermo est) non intelligi debet ut fluidus quidam liquor, qui ut vulgus loquitur, instar rapidi torrentis descendat: sed acidum vitale, quod est per Hipp. aura levis:

*Aura  
vitalis.*

per Virg. igneus vigor : & per Horat. divina aura , per se corpore carens : quæ cum *sola esse non possit* ( ut Hippocr. de diætâ ) cibis potibusque se incorporat , eaque informat in alimentum vitale illius corporis hujusmodi cibum assumentis : undè rursus Hippoc. primo de diætâ *anima hominis in homine augetur , in alio vero nullo , & aliorum magnorum animalium similiter*. Hæc autem aura solâ *Aura* irradiatione suum perficit opus ; *morbi* peregrina verò huic permixta , *causa.* ut aqua aquæ , ignis igni , sola pro morborum causa sufficit , ut docet Magister de veterum medicina , eò quòd insitum operatorem ( omnis enim musculus suum ventriculum habet ) alterare facillimè possit , quo alterato è vestigio loci digestio *Cryptographia* turbatur , & ipsum alimentum *modus.* aliàs vividum pervertitur in mucosam indolem juxtà membri afflicti proprietatem : non secus ac occultus odor sulphu-

reus auripigmenti inficit & denigrat sal saturni etiam à se longè distans , hoc modo : scribito cum saccharo saturni in aqua soluto , quæ scriptura iu carta à nemine visu percipitur ; cartam scriptam colloca in cuiusdam libri frontispicio ; deinde habeas humido sulphureum odorem ex calce viva , & auripigmento , ambobus prius separatim contritis , & postea simul commixtis , cui pulvisculo affunde aquam , & fac lixivium , quo eum alia carta madefiat , quam ad finem libri colloca ; claude librum , & sequentis mane diei scripturam obscure nigram apparentem invenies ; eò quòd sulphureus odor auripigmenti excitatus ab alcali calcis penetraverit totum libri corpus usque ad subiectum suum.

*Art  
imita-  
tur na-  
turam,  
& hac  
artem.*

*Simili prorsus modo (inquit Hippoc. de diæta) operatur Hominis natura , cum qua omnes artes , omniaque artificia communicant. Nam si faber sy-*

noviæ in articulo ( verbi gratiâ )  
pedis ita fit dispositus ad reci-  
piendam inquinatam stomachi  
auram, sicut sal saturni ad reci-  
piendam auram inquinatam  
odore sulphuris auripigmenti,  
tunc sanè stomachi aura peregri-  
no odore tincta synoviam quo-  
que in digiti pedis articulo in-  
quinabit, & hoc solo fit odore  
ut ità dicam, ex quo nascitur  
dolor in pedis articulo, qui à  
loco podagra nominatur, &  
confestim alimentum aliàs vivi-  
dum pervertitur in mucosam  
indolem &c. ut paulo ante dixi.

Hoc genus in universum Hip-  
pocrates ueterum more divi-  
num appellavit, jussitque unū-  
quemque animadvertere, &  
obseruare, ut si quid in morbis  
divinum adsit, illius providentia  
habeatur, ut & bonum, & ad-  
mirabilem medicum se præstet.

Divinum igitur Hippocra-  
tis. est occultum, arduum,  
obscurum, abditum, crypti-  
cum & admirabile fermentum

*Divinū  
Hippoc.  
quid?*



in omnibus tam Macro , quàm Microcosmi ventriculis , quod neque oculis videri , neque ullo sensu , sed solummodo ab effectu , multo labore & non modico tempore cognosci potest , illudque cap. 2. filium solis ostendi. Quæcumque enim oculorum conspectum effugiunt, ea mentis oculis obtinentur & superantur , ut habet præceptionum libello.

*Vien-  
nensium  
profes-  
sorum  
contu-  
meliosa  
crassaq;  
senten-  
tia de  
anti-  
quissi-  
ma me-  
dicina  
funda-  
mento.*

Hoc arduum , atque obscurum fermentum *solida & in arte fundata* decanorum sociorumque *fortissima* cerebella ita *obstupefecit* , ut divinum istud tam in morbis , quàm in remedijs tanquam nefandum quoddam in Hippoc. Chymico celebratum improbarent , atque novissima à prioribus discernere ignorarent , quod præ stupore se admirari fatetur quartus nimirum in ordine Vien. professor : scurrilis dicacitatis fautor & adjutor , hocque ut manifestè falsum & stultum à viris

doctis tractetur, sed vigilans  
stertit.

Galenus autem noster jam senex eorum vesaniam deridens, illud cum infinitis præstantissimis viris in maxima veneratione habuit, & in affectione quadam secreta statui, ipsisque partibus inhærere cum Hippocrate fatetur 20 de febrium differentia cap. 27. de febribus intermittentibus ita sentiens: *Harum circuitus repetere minime desinit, quoad DISPOSITIO in parte generante servetur.* Undè liquet quod eo loco paulò altiùs quàm libris methodi, & primo artis ad Glauconem febrium curationem instituerit, dicens: *præcipuum sanationis scopum esse DISPOSITIONIS hujus correctionem &c.* Et eodem libro. *Vbi vero calor superat materiam, appellatur incrementum;* nil aliud vult, quàm quod Hippocr. Chym. in studiosorum gratiam dilucidius aperuit, fermentum nimirum id est A C I-

D U M, vel occultum vel manifestum, quod dum plebeis loquitur calorem vocat, & A L C A L I materiam, nam si calor superat, materiæ vel alcali dominetur necesse est, ut ubique in omnibus macro & microcosmi exemplis ad nauseam usque ostendi, & tunc (ait Galenus) augetur calor, non solum in febribus, sed etiam in reliquis omnibus morbis & materijs, ut in hordeo Macrocosmi semine manifestissimè suprâ ostendi, & nunc porrò in paronychia Microcosmi semine similiter ad oculum ostendam. Est autem paronychia dolorum ferè omnium regina, igneus tumor, sic dictus ab acutissimo dolore, cujus similem vix habet humana familia: exoritur in radice unguium, id est in eorum ventriculo, quando per errorem occultum fermentum ibidem fit manifestum, & acefcit, eo momento pervertitur vividum alimentum, turbantur vi-

cina quæque, imò nonnunquã ipsa ossa eroduntur. Corrigitur autem hæc **DISPOSITIO** à potentiori acido, descendente ex perfectiori familia, quod Microcosmi accensum fermentum superare possit: nam priusquam tumor aperiatur; obliniri illum oportet, ut & totum unguem acido sulphuris, sicut ex campana colligitur, quod propter ejus spissitudinem oleum vocant, hæc unctio quando leviter mordet, ipso momento dispositionem corruptivam correctam notabis, quia potentior anima dominatur debiliori, non secus quam fictus spiritus veneris occulto acido in perlâ. Ablue digitum aqua repida, & satis est.

Horum quàm plurima in proximi necessitatem imò & ipsius luis venetæ festinam, tutam, atque jucundam extinctionem lubens exclusissem, nisi ubique temporis prævenisset me Vienneſium medicorum alta sapientia.

Non paucos observo doctissimos viros, qui longo usu & exercitatione, quædam dispositiones eradicantia adnotarunt, propter ignorantum autem multitudinem, hoc nostro calamitoso sæculo omnium unà, & catervatim frementium (miserabile dictu) in publicam utilitatem edere timent, eò quod gregariorum loquaculorumque medicorum captum superent.

Sic vulgus proprijs antidotis, id est, quæ specificè DISPOSITIONES quasdam destruunt, vel acidum & loci fermentum cohibent, absorbent, vel superant, non solum febres, sed per plurimos morbos abigit nulla purgatione præmissa, quibus aniculæ nonnunquam consummatissimis medicis calumniam texunt, artemque illorum insimulant: docente id Hippocr. libro de affectionibus: *Si pharmaco non videbitur opus habere, inquit, medicamenta in potu exhibeto, quibus febris aut transmutetur aut deficiat.*

Hujusmodi dispositionum correctionis cum Galeno, vel cum Hippocrate transmutationum exempla quam plurima notat Hippoc. chym. quæ cum cryptica, eorumque *labella compescentia*, magneticaque naturæ opera, & prædecessorum nostrorum Medicinæ fundamenta sint, ideò *ab ingeniosissimis* decanis eorumque socijs *perlecta* quidem fuerunt ut testantur, sed cum Prisciani *regulas grammaticales* superant, minimè ab illis intelligi poterunt, ut contumelioso cantu farentur, & ideò calumnijs illa asperferunt, eò quod *ex manifestis obscura considerare non didicerunt*, ut Hippocr. de illis ridet: primo de diætâ.

*Cujusdam isisfuga. Et nominbergensis decani verba, in sterili eorū cantu, contra antique Hippoc. medicinam.*

Sed si spiritualis hæc operatio est deridenda, tota sanè natura, profundissimaque veræ medicinæ scientia debebunt ridicula haberi, quidquid enim tam in macro quam microcosmo operatur natura, incipit ac finit

*Magnificata sunt opera tua Domine? Nimis profun-*

*de facta* semper spirituali modo, cum  
*sunt co-* alia instrumenta à suo condito-  
*gitatio-* re fortita non sit. Ex parvo se-  
*nestua,* mine lini planta surgit, quæ  
*virinci-* plurima priùs passâ mutatio-  
*piens* num tormenta, tandem carba-  
*non co-* sa prodit, quorum ope, & flan-  
*gnoscer,* tibus ventis, ultrâ citràque per  
*& stul-* orbem feruntur homines: hæc  
*tus non* actio à principio ad finem uf-  
*intelli-* què ex spiritualibus procedit,  
*get hac* cryptographiæ similis, ut osten-  
*psal. 91.* dit Hippocr. Chym. loco suprâ  
citato. Et ipsa natura humana  
ex solo pane, & aqua simplici  
non solùm fabricat corpus  
quod tangimus, sed & ipsum  
spiritum opticum incompre-  
hensibilis tenuitatis: hanc na-  
turæ operationem nullis alijs  
quàm clarissimis Norimber-  
gensis scil. Reipublicæ, ut &  
Austriæ medicinæ decanis, unâ  
cum reliquis socijs adjunctis,  
ineptam, circumforaneam, &  
ciarlatanam (ut loquuntur) ap-  
pellare concessum esse existi-  
mo. Sic pro ipsa medicinæ

*panis*  
*&*  
*aqua*  
*fiunt*  
*spiri-*  
*tus.*

scientia, neque rabarbarum,  
neque fena, neque agaricum  
&c. innato spiritu ablato pos-  
sunt amplius corpus humanum  
turbare: neque ea integris vi-  
ribus cadaveri humano (spiritu  
scilicet ablato) propinata illud  
purgarent: à deoque quicquid  
fit in medicina præter decano-  
rum sociorumque vociferatio-  
nem instar cryptographiæ, spi-  
ritualiter scil. procedit. *Ex in-  
sensibililibus namque omnia con-  
fiteare principiis* constare, canit  
Lucret. lib. 2. Porro gallarum  
pondus vnum, & hujus ponde-  
ris quarta pars vitrioli (neutro  
horum nigro) conjuncta tamen  
cum aqueo liquore ratione in-  
fusi spiritus nigrescunt, eò quòd  
alcali gallarum sorbeat spiritum  
acidum vitrioli, & ferrum im-  
maturum diluitur in atramen-  
tum, quod Reges, literati, illi-  
terati, plebei in frequenti usu  
habent, hi tamen omnes cum  
crypticum hunc, abditumque  
colorem in lucem productum

*Atra-  
mentum  
ex ab-  
ditis  
produ-  
citur.*



tractent, circumforaneorum nomine à magnificis nostris decanis, eorumque socijs & lucifugis taxantur; qui lingue quidem ineptè, attramento verò ineptissime utuntur. Sed ut his finem faciam, concludo cum Lucretio quòd tam doctus, quam indoctus fateri compellitur, quicquid nimirum mundus habet, ex crypticis abditisque productum esse: soli autem loquaculi, qui dum vana & vacua corpora sine spiritu toti mundo se palam ostendunt, hæc naturæ opera vna cum suis instrumentis ludibrio exponunt, leves, ingratae, ac ludicrae aves, quas suis esurientibus comedendas, ac deridendas nunc propino: Et undè digressus sum, redeo. Aura itaque stomachi peregrino odore imbuta ad articulos pedis perreptare potest ( sicut aura sulphurei realgaris ad sal saturni, quamquàm longè distans, ut mechanice ostendi ) atque habitatorem spiritum  
tum

rum ita turbare, ut alimentum  
 loci acescat, & dolor exoriat,ur,  
 qui à loco podagricus vocatur.  
 Cujus autem speciei sit hæc a-  
 ciditas peregrina ab aura sic  
 tincta, humanâ mente assequi  
 nequimus, undè Hippocr. præ-  
 cept. libello: *propter attributa  
 varia, id est, acida varia diu-  
 turniore quandoque morâ affe-  
 ctus assident.* Pro particulari  
 itaque, medela; latet in specifi-  
 co alcali, tale acidum sitiente,  
 horum dolorum contrarietas,  
 sicut de ferro ad splenem & de  
 ostiocola &c. ostendi (vid. *Aqua  
 Hippocr. Chym. cap. 28.*) Pro *sperma-*  
 externo autem remedio vidi *tis ra-*  
 aliquoties vehementissimum *narum*  
 dolorem aquâ spermatis rana- *alcali*  
 rum tepidâ alcali volatilis divi- *dives,*  
 te fuisse mitigatum, ut habet *inflam-*  
 Hippocr. Chym. cap. 19. Idem *matio-*  
 quoque habet Tenzelius in Exe- *nes sol-*  
 gesi: addito tamen alumine. *lit po-*  
 Hæc aura, si ad renes perre- *dagri-*  
 ptat, & præsidem ibidem spiri- *cas.*  
 tum suppressit, quicquid ap-

*Calculi  
origo.*

prehendit, coagulat cum alcali urinæ in calculi speciem; idem quoque in vesica, in jecore vena porta, in pulmone, in bilis vesicula, & in omnibus digestionum officinis, in quibus fluida materia reperitur, contingit. De modo videatur Hippocr. Chym. cap. 14.

Eodem modo generantur lapides præter-naturam non solum in hominibus, sed etiam in quibusdam animalibus, eorumque partibus, & idem acidum, quod illos coagulaverat, mutato ordine rursus dissolvit, ut ostendit magistra natura in cancrorum lapidibus, qui tamen ipsis cancris non sunt morbofi, sed ab eorum primis constitutivis oriundi: Conserve quoque apud me lapides in caponum renibus, & in boum felle repertos, sunt qui etiam ex eorum vesica, & renibus ostendunt.

Sic quoque nascitur præternaturam, & reperitur lapis in

felle hiftricis, vel porci spinofi, <sup>Lapis</sup> quem magnis laudibus extol-<sup>hiftri-</sup> lunt fabulatores, rerum caufas <sup>cis.</sup> ignorantes, & præfertim qui medici Canonici à mulierculis & ignara plebecula audiri volunt; Docti enim norunt unicam effe medicinam Hippocraticam, quam folum in externam, & internam diftinguere neceffe eft: propter ignorantiam autem in diverfam fecuerunt, ut habet Hippocr. Chym. in præfatione.

Redeo ad lapidem in felle hiftricis obortum, cui adfcribunt multas imaginarias vires, & ex mera fimplicitate (quæ fanè in medicina toleranda non eft) afleverant, debili tamen argumento, hunc effe fingularis virtutis fupra omnes animalium lapides, eò quod guftum amaricet, nescientes ex felle faporem amarum contraxiffe, cujus pars cum acido & alcali coagulationem inivit: eodem modo

236 *Hippoc. Medicinæ*

ut calculus renum plerumque  
 rutilat à sanguine ; ita & vesi-  
 cæ albicat propter mucilagi-  
 nem sibi admixtam , quam ve-  
 fica plorat. Quicquid enim aci-  
 dum coagulans , & alcali ap-  
 prehendunt in festina coagula-  
 tione à vitali regimine exclu-  
 sum , & non procul recedens  
 à natura amborum , in socie-  
 tatem suscipiunt : non aliter,  
 quàm calx cum aqua liquefacta  
 rursus coagulum petreum fit  
 cum rebus sibi commixtis , ut  
 ostendit quotidiana experien-  
 tia. Unde lamentatur Hip-  
 pocr. de diæta , *quod Homines*  
*ex manifestis obscura cognosce-*  
*re ignorent.* Sed quare lapis  
 in felle bovis inventus non re-  
 putatur ejusdem virtutis cum  
 histrice ? cum aliàs à bove nil  
 proficiscatur , quod humano  
 usui non conducatur ? Dicam ;  
 quia frequentior est. Decani  
 vero cum sociis commendant  
 hunc lapidem hac non minus  
 sagacissimâ quam potentissimâ

*Lapis  
 in felle  
 bovis.*

ratione : *nisi enim magnæ esset virtutis , Magnates cum magno non coemerunt pretio.* Proh ! magnifici Domini , quomodo vulgo plebique ita vos ridiculos approbavistis ? Magnates , suntne hujus sæculi medicinæ arbitri ? & si essent , novum tamen non est , acetum distillatum pro filio veneris , aquam elementalem pro cordiali approbare , & ex mera ignorantia iisdem pro magno medicinæ thesauro commendare atque dedicare , & insuper pejerando in proximi interitum defendere , non quia vera , sed ut talia appareant : Verum multitudo imitantium non parat mendacijs patrocinium , Sed infelix mortalitas togatæ ignaviæ morem gerit , eique obtemperat.

Sed quæso , Magnates undè noverunt hujus lapidis virtutes adeo præcellentes ? quæ non nisi per causarum cognitio-

238 *Hippoc. Medicinæ*  
nes, aut multiplices experientias addisci queunt, teste Hippocr. de lege. Illi autem cum neutri studeant, aut vix ex milibus unus, non ab alijs hanc notitiam hausisse possunt, quàm à vanitatum fabulatoribus, quibus subscribunt; & qui sesquipedali, vacuo tamen sermone medicinæ scientiam jactitant, acetum autem à sale discernere ignorant, ut solis luce clarius ostendi.

Apage ergo cum his nugis, quæ in nobilissimæ artis medicinæ detrimentum, proximique calamitatem, & dispendium conspirant; est enim tot vanitatibus commaculata, ut patet in reformata & à vulgo approbata & acclamata Pharmacopœa Augustana: quod medici nomen jam in plebis ludibrium, in comicorum facetiam abierit, & nisi fordida inertia, atque miserabilis ignorantia deponatur, timeo ne sit ventura dies, quo paulatim rustica ara-

tra subeat : ad quod eruditum  
sanè principium non parùm  
contribuet antiquissimæ Hip-  
pocraticæ medicinæ supplantatio,  
& prædecessorum nostrorum  
memorandæ doctrinæ de-  
formatio. Deo sic permittente.

Tandem lapidi aquam super-  
fundunt, quæ tandiù relinqui-  
tur, donec amarescat : quod fit  
brevissimo temporis spatio,  
præsertim quando lapis recens  
est, nam si aliquoties antea  
fuerit ablutus, tunc longiore  
tempore in aqua macerari de-  
bet, quam ablutionem postea  
ægrotis propinant; cujus sapor  
est amarus, & virtus calfa-  
ciens.

Hinc joco ridens Zacutus : *Zacuti*  
intensis febribus *inquit* dari *jocur.*  
consultum non est, nam impen-  
sè calefacit, inflammat, sitim  
provocat, etiamsi cardiacis fri-  
gidis permisceatur, provocat  
tandem sudorem ( post multas  
nimirum angustias ) & deob-  
struit ob amarorem, hætenus



Zacutus. Id sonat, anguem in herba latere, nam impense calfacere, inflammare, sitim provocare, sunt accidentia propria in malignis ( ità dictis ) quæ si proveniunt à potata ablutione lapidis, ut testatur Zacutus, longè abest ut ea tollat, sicut promittunt domini Decani cum eorum collegis.

Sed videamus Dioscoridem, qui easdem vires animalium felli adscribit, quas summi nostri Doctores sui lapidis ablutioni, inquit enim fel esse amarum, acre, & calfaciens: adeoque ablutio lapidis amarescit ex felle, quia cum felle easdem habet vires, Dioscoride teste. Sed Magnatibus propinare hanc ablutionem volumus in malignis & periculosis morbis, aiunt domini Decani cum socijs: quare? Quia magno emittur pretio: Ergò &c. Vah delirans societas magnatumque detrimentum! Quod autem à felle amarescat, probat festina ablutio

ablutio ut supra dixi : ideòque si propter simplicem amaritudinem lapis hic aperitivus foret, concedendum pariter necessariò esset, plus deobstruere posse vnicam guttulam ex felle vilissimi pisciculi desumptam quam lapilli hujus decem ablutiones; eò quòd omnium fel acre, & calfaciens existat, Dioscoride teste. Vid. etiam Hippocr. Chim. cap. 14.

Dementiæ autem simile est opinari hunc lapidem in felle talem nasci, & non ab illo sapore amarum contraxisse. Sapo coquitur ex alcali, & oleo, fitque corpus salsi saporis, & albicans, quia peregrini nil intrat: cui si addatur inter coquendum succus betæ, colorem acquirit viridem, cui succo si pariter adderetur fel, saponem quoque ammare scire, necesse esset.

Sic lapides renum ruffi sunt coloris propter sanguinem, qui ex venis ratione acidi morbofi

paulatim eò transfudat, & coagulum intrans lapides tingit: Lapis visicæ albicat propter mucilaginem in vesica repertam. Et lapis histricis in felle natus non debet amarum sortiri à felle saporem? Nequè vim calefacientem ab illo trahere? Quid tandem? Trahitne morbi causam, ut magnes ferrum solo odore? Videamus igitur quomodò id contingat.

*Magnes  
lapis.*

Magnetem trahere ferrum solo odore fatendum est, quod probat distantia, per quam trahit. Ferri humidum radicale, vel acidum naturale cum valdè fragile sit, spontè exhalat, ut ex Hippocr. ostendit Hippocr. Chym. cap. 19. Nisi enim ferri acidum hujusmodi esset, ab animalium stomacho jugulari non posset, & per consequens ejus limatura per os assumpta nil prodesset. Mater ferri est magnes, quæ filij odorem percipit, quia amat; cujus odore cum sufficienter saturata non sit, ea

de causa ferrum trahit, & allit;  
cit; sicut de alcalibus, & ma-  
tribus rerum supra ostendi. Ru- <sup>Rubigo</sup>  
bigo autem vel crocus martis, <sup>sterilis;</sup>  
licet etiam sit filius magnetis,  
ab illo tamen negligitur, quia  
ab eo anima, vel acidum expi-  
ravit, & ob id ejus odorem ma-  
ter non percipit: hinc ab Ho-  
ratio sterilis rubigo appellatur.  
Quò autem junior magnes, eo  
fortius & alacrius trahit, non  
tamen idem facit ejus ablutio.  
Quemadmodum autem magne-  
tis ablutio non trahit ferum: sic  
quoquè hystricis lapidis ablutio  
non trahit morbi causam, licet  
etiam cujusdam innominatæ ha-  
ctenus morbificæ causæ mater  
esset.

Quicquid è longinquo trahit,  
ut magnes ferrum, trahit amo-  
ris gratià, & semper sibi simile  
trahit; & sicut alcali vegetabile  
rapit alcali calcis pro sapone  
conficiendo (hæc enim est vera,  
& sui similis tractio), sic vidimus  
trahi aurum atque planè dissol-

vi, ac mori, (mori inquam quia  
 cadaver olebat) à matre alcali,  
 quæ est Alberti Magni magnes  
 aurum trahens (quæ verba Do-  
 ctus quidam stultus literari sen-  
 su accepit, atque in dicendi lo-  
 cum vertit) sic enim loquitur  
 Bernardus quartâ parte sui li-  
 belli: fons est illi sicut mater,  
 illa trahit Regem, & non Rex  
 ipsam. Hoc voluit Paracelsus,  
 quando dixit, magnetem in o-  
 leo martis (id est, aurum in al-  
 cali metallico fortissimo, & po-  
 tentissimo suo simili resolvi,  
 tuncque acquirere decuplo ma-  
 jorem virtutem) extinctum vir-  
 tute in decuplo augeri. Nisi e-  
 nim rerum consensus & amor  
 naturalis rebus inesset, natura  
 subsistere non posset, vel si ali-  
 quandiù cessaret, universa na-  
 tura brevi temporis intervallo  
 omnimodam pateretur ruinam:  
 solis enim filius in parva quan-  
 titate relinqueretur, neque cres-  
 ceret, neque multiplicaretur.  
 Non ergo in natura discordia

*Oleum  
 martis  
 quid sit.*

viget, aut lis, ut quam plurimi sunt arbitrati, sed quidquid fit, amore fit: natura enim ex suo instituto maximè desiderat, appetitque esse in profundo corporis elementati, in quo operatur, illius calorem naturalem, vimque sementificam confirmando, quia est pervia omnibus corporibus, ut docet excelsi ingenij Raimundus: quam doctrinam, & naturalem amoris tractionem sequenti mechanicâ in metallico exemplo (cum in metallis versemur) ostendam, ut pateat naturam in omni re similem esse.

Sit uncia argenti soluti ab aqua forti, hanc solutionem coagula in salinum pulverem, quem super plumbum liquefactum in igne quidem, & non admodum calens, neque planè frigefactum projice: & spatio octavæ partis horæ acidum sal aquæ fortis deferit argentum, & rodit tantam quantitatem plumbi, quantam argenti perdidit id est

unciam : reliqua plumbi pars, quia alcali metallici vices gerit in artificialibus, trahit, & exsatiatur argento, quod probatoria cupella in lucem redit. Hanc mechanicam quam plurimi viri docti admirati sunt : nam ex plumbo traxerunt unciam argenti, & pulverem invenerunt eadem forma, & pondere sicut projecere : undè hæserunt in opinione, esse illum eundem pulverem argenti, quem projecerunt, ex quo lucrarentur plurimum, dummodò pulveris in corpus refundendi modus inveniri posset. Sed sicut magnes trahit ferrum, sic quoque saturnus (alcali in artificialibus) trahit lunam : & cum sitiens sal aquæ fortis aqueo humido carens solum esse non possit, trahit tantum plumbi, quantum argenti perdidit. Hæ & similes tractiones, quas tam in Hippocrate Chymico quam hoc in libello illustribus exemplis prosecutus sum, fuerunt forsan

dudum explosæ, quia non intellectæ Pythagoreum metampsychoses.

Hoc ex fundamento quoque *Metaphysico* trahit lapillus ille noviter detectus serpentis capillati, quem *sis*, Kircherus describit in libello, cujus titulus: Regnum naturæ magneticum, Cujus lapilli copiam nos quoque habemus, & applicavimus rabidi canis morsui, cui fortiter adhæsit per 18. horas circiter; & alij puellæ à rabido vulneratæ per 7. dies & noctes; non autem hujus lapilli ablutio id præstitisset: quantumlibet agni chordiani hæsitantèr balent. Sed sicut magnes ex omnibus mundi rebus, & metallis nil aliud trahit, quam ferrum: ejusque spiritu delectatur (rubiginem negligit) & petræ serpentis capillati gaudet, & trahit veneni odorem inflictum à venenoso morfu, non autem arsenicum, nappellum, neque aliud virus; sic quoque jaspis trahit spiritum exoticum, qui



*Jaspis.*

impetum facit in humano sanguine : vidimus aliquoties oculos sanguine suffusos jaspide cervici alligato sequenti mane pristino splendori restitutos. Sed sicut ablutio magnetis non trahit ferrum : neque ablutio lapilli serpentis venenum : neque ablutio jaspidis ex sanguine impetum facientem spiritum, sic neque lapidis histricis ablutio trahet quicquam maligni ex humanis corporibus, Docente id Galeno, primo de naturalibus facultatibus cap. 14. Quæcunque, *inquit*, vel serpentum venena vel tela educunt; hæc quoque eandem, quam magnes lapis, facultatem ostendere, sed magnetis ablutio hujusmodi facultatem non ostendit : neque igitur ablutio lapidis histricis. Somnia ergo sunt & aniles fabulæ, quas somniatores magnatibus imponere satagunt quibus multo magis, ut & medicæ facultati expediret, ut hi ligone potius philosopharentur sicuti

de quodam, qui agrum erat fos-  
surus, Lucianus ridet.

Dixi magnetem ferrum è dis-  
sito loco sentire, & solo odore  
trahere, dummodò ex natali lo-  
co erutus sit; aliàs nimirum ubi  
nascitur, nil trahit, quia odor  
ferri ibi in loco natali non deest.  
Elba insula magnetis lapidis fe-  
rax, nunquam tamen auditum,  
nec visum est, quod naves tran-  
seuntes incommodet, ne acui  
quidem nauticam, eò quod ma-  
ter magnes ibidem spiritu ferri  
saturata sit: Sic quoque lapis *Lapis*  
serpentis capillati saturatus odo *serpen-*  
re veneni, quod traxit ex rabi- *tis.*  
do morfu, ultra mensuram non  
capit, reliquum negligit, spon-  
teque à vulnere cadit. Habet  
ergò hic lapis juxta mentem Ga-  
leni cum magnete trahendi fa-  
cultatem: sed ejusmodi in lapi-  
de porcino non reperitur adeò-  
que, inquit Galenus, excludi-  
tur à magnetica virtute. Patet  
ergò, quicquid de hujus petrae  
ablutione contra Magnatum pe-

riculosos morbos excogitatur, extra cerebrum loquaculorum cadere in merum nihil, & tenebrosam ignorantiaë chimeram.

Cùm verò pulvere tenuis propinaretur, tunc procul dubio aliorum lapidum instar traheret acidum quoddam suæ naturæ proprium; sicut oculi cancerum trahunt acidum illud, quod vulnus putrefacit: lapis spongiæ acidum, quod strumas coagulat: lapis percarum acidum urinæ in stranguria: lapis Bezaar acidum lypothimicum circa cor obortum: lapis ostiocolæ acidum, quod ossis conglutinationem impedit &c. Omnia dicta specificè morbosa acida bibunt; sic quoque lapis histricis suum quoque specificum acidum combiberet per os assumptus: quod tamen hætenus à nemine approbatorum descriptum fuit.

*Morbo-  
rum  
causa  
acida,*

Quid autem sit specificum istud morborum acidum de quo dixi, verbis explicari nequit,

ut testatur Doctor meus de veteri medicina, qui postquam morborum causam acidam, acidissimam demonstravit, pergit in hæc verba. Nullum autem est quod oculis conspicienti videre, ac cognoscere contingit; quapropter etiam obscura mihi appellata sunt, non tamen quod obscura permaneant & nos vincant: sed cum multo labore, & non modico tempore præ oculis videntur, & cognoscuntur. Quæcunque enim oculorum conspectum effugiunt, ea mentis oculis (scil. nostrorum) obtinentur, & superantur. Hætenus Hippocr. Id sonat, ut à notis ad ignota paulatim ascendere debeamus, ut Hippoc. Chym. docet, qui ab artificialibus ad naturæ humanæ fabricam gradatim procedit: nam sicut ostendi, quod acidum ferri quam sensu vix percipiatur, & istud acidum nullibi reperiatur, quàm in ferro, quia est singu-

laris speciei ; magnes tamen sentit, illudque trahit etiam à longè distans : sic quoque sunt in corpore humano plurima, & infinita acida, quorum quædam fiunt per degenerationem morbosæ causæ, quæ non ab alijs nisi suis, & proprijs magnetibus percipiuntur & attrahuntur : ut acidum morbosum in splene à nulla alia re attrahitur, quàm à ferri rubigine : acidum morbosum generans strumas à nullo alio ( quod sciam ) quàm à spongiarum lapide sentitur, & attrahitur &c. possuntque vocari magnetes, quia dictos spiritus sentiunt, & ad se trahunt, sicut magnes ferrum ; & nisi dicti acidi spiritus in promptu, & suis magnetibus odori essent, ab his non traherentur neque absorberentur. Sic Aurum nostris sensibus inodorum est, à suo magnete tamen vel matre percipitur à longè ; illa enim trahit Regem, teste Bernardo, & non rex ipsam.

Ooccasione occultorum odo- *Rerum*  
rum opportunè hîc mihi fiunt *odor.*  
obvij odores rerum manifesti;  
& sicut priores ab acido osten-  
di, sic quoque hos ab acido,  
vel calido cælesti provenire,  
mechanicè demonstrabo; qui-  
escunt itaque odores nisi mo-  
veantur : moventur autem,  
quàm primum in odoram rem  
agit humidum radicale pro-  
prium vel consentaneum, &  
odor illicò longè latèque spar-  
gitur magis, vel minus teter vel  
suavis juxta calidi innati semi-  
nalem virtutem. Quod parado-  
xon priusquam progrediar, vi-  
vis exemplis ex naturæ officii-  
nis desumptis ostendam.

Calx per se inodora est, sed  
cum dissolvitur in aqua simpli-  
ci, murique construuntur, a-  
git acidum in alcali, & vice ver-  
sa; hæc commotio, & actio  
spargit odorem humanæ na-  
turæ inimicum, & ideo prius-  
quam habitari possit domus no-  
viter constructa, oportet ad

minus prætereat integer annus, quo tempore elapso cessat actio humidi in acidum.

Hordeum quoque per se odoris ferè nullius, cum verò ejus farina excocta fermentatur pro cerevisia, id est quando constitutiva incipiunt agere in invicem, spirat odorem inebriantem, qui licet non sit gravis, mentem tamen ità perturbat, vt reminiscentiam pervertat.

Vna parum habet odoris, sed succus expressus sub actione fermentationis odorem longè spirat, vt & panis sub fermentationis actione, id est, quando humidum agit in calidum, vel acidum in alcali.

Ipsi acidularum fontes, cum adhuc ebulliunt, spirant odorem gratissimum in natali loco, quia ipsum agens, est acidum cælestæ naturæ humanæ amicum.

Sic quoque acetum cum rodit quicquam, v. gr. coralia, po-

rentius olet, quàm cum inquie-  
te stat, &c.

Ambra pinguis, & ignavissi- *Ambra*  
mi odoris, vix dicere audes quid  
verè spiret, quia calidum, id  
est, ejus acidum, est minima  
pars respectu radicalis humidi  
vel alcali: cum verò pinguedi-  
ne odorata, & conveniente,  
verbi gratiâ Zibeto ( quod quò  
purius & sincerius, eò quoque  
acutior, & ingratiorem spi-  
rat odorem ) per solutianem  
justâ proportionē acuitur, tunc  
ignavum ambrae calidum à Zi- *Zibetis.*  
beto excitatum incipit agere in  
humidum, & excitatur ab illa  
actione odor suavissimus: ut  
per exemplum. Ambrae grana  
decem, Zibeti grana tria in  
mortariolo contere, & ambra  
statim colliquifcit, cui instilla  
pro augendo acido guttulam  
vnam vel alteram succi limo-  
niorum, & sanè unguentum  
condies admirabilis suavitatis,  
quod pellibus affricatum incre-  
dibilem spirat odorem.



*Mos-  
chum.*

Sic moschum quò purius & simplicius, vehementer quidem, sed malè, aut certè non benè suaviterque olet; cum verò dissolvitur cum nonnullis guttis spiritus rosarum ardentis, quem acidum ostendi, mirum tibi dabit fragrantem odorem: cujus moschi sic soluti tria grana si supra dictæ solutioni ambraë Zibetique junxeris, suavius odoramentum agrè reperiēs: & sicut ostendimus gravem odorem calcis, cerevisiæ &c. multis hominibus esse nocuum: sic quoque suavem hunc quàm plurimis tam viris quàm fæminis pariter dicimus esse inimicum, illumque planè perferre non posse præsertim uterinis motibus, pulmonumque affectibus laborantes, quos omnes morbos ex acido provenire docuit Hippoc. de veteri medicina: cum ergò odor licet suavis per nares ad uterum pertingat, illicò excitatur dormiens illud acidum morbosum

bosum in utero ratione fermenti, simile enim in simile facilem habet ingressum, ut ignis in ignem: sicut videre licet in exsufflata candela, cujus fumus pinguis facile flammam concipit, cum nil aliud sit, quam fumus accensus: sic quoque morbi uterini facillimè ab odoribus, qui fermentabiles sunt, excitantur & accenduntur, quæ fermentatio in vtero ab odoribus, qui excitatis prævaleant, rursus superari potest. Quemadmodum magna flamma superat minorem, illamque extinguit, vel lux minor à majore superatur, sicut de acidis mineralibus, quæ vegetabilium superant, & hæc rursus animalium supprimunt, supra illustribus exemplis demonstravi: sic quoque morbi uterini ab odore suaveolente excitati fermentari ebullireque incipiunt magno impetu, qui à graveolente rursus supprimuntur, & planè jugulantur. In praxi medicâ nota-

*Morbi  
uterini*

tur, quod matrix ex sua natura ad suaveolentia sursum convellatur, vel deorsum si idem suaveolens subtus indatur. Si ergò sursum elevetur, atque ejus capacitas flatulentis vaporibus in ea excitatis infletur & distendatur, tunc diaphragma coarctatur quod à multo flatu compressum, respirationem vocemque inrercipit, ità ut miserâ morte videatur perempta, tunc promedela ex cubiculo omnia suaviter spirantia efferuntur (ne scil. eorum odor ad nares ægrotae deferatur) & vulvæ matricis admoventur, vt suavitate odoris matrix deorsum redeat (mirum enim est, quantum vterus oblectetur, & quam avidè se convertat ad suaveolentia) & naribus applicantur odoramenta, quæ suavem attractum superare, vel prorsus jugulare vehementia possint (sicut de acidis liquoribus paulò antè ostendi) vt assa fætida, castoreum, oppoponax, sagape-

num, oleum petrae, tartari distillatum, & similia. Vel quæ naribus hausta intus suave fermentans acidum suo contrario mortificare possint, & hæc sunt *Alcalia* *volatilia* suau-acidos uterinos odores absorbentia, ut verbi gratiâ fumus accensarum rerum ex animalium familia, quæ accensæ nil nisi alcali volatile acidorum consumptivum, & destructivum spirant: eligunt autem mulieres magis superstitione, quam ratione ductæ pennas perdicum, & cornua caprina (fortassis quia desumpta ex salacioribus) pilos, corium calceamentorum veterum, vel matulae corruptæ urinam, omnia alcali volatile spirantia, quæ ostendi acidis fermentationibus esse contraria, & destructiva, quorum odorum minimâ parte naribus attracta, statim ægra respirat, melius se protinus habet, quia uterinum fermentum cohibetur suo contrario: fermentabi-

lis enim odor sicuti suo simili facillime commiscetur, & ebullit, ita dissimili ab ebullitione cessat: id voluit tuuc Hippocrates de diæta cum ex Pythagorica schola, *inquit*; si quis non credit animam animæ admisceri demens est.

Rosæ odor multis gratissimus, multis quoque perniciosus, hinc rosa à Plinio vocatur angusti odoris libr. 21. cap. 41. Novi honestum civem hujus Regiæ, cui quotiescunque rosarum sentit vel è longinquo odorem, non solum pectus constringitur, sed per multos dies coryza vexatur.

*Syrupus* Rosaceus syrupus solutivus  
*Rosatus* inconsideratè per os assumptus.  
*Sus.* quoties suscitavit syncopes, & animi deliquia? præsertim in mulieribus ijs, quarum nares odores facilè ferunt, sed earum intus contremiscunt viscera, ut notarunt practici.

Sunt qui selenum non digerunt, sunt quoque qui aromata

concoquere nequeunt, sed continuâ eructatione concoctioni reluctantur : quæ omnia Doctor meus sapientissimus animadvertens , admonet illos, qui medicinam tractant Aphorif. 28. sect 5. hoc modo : *suffitus Aromatum muliebria ducit, sapius verò & ad alia utilis esset, nisi capitis faceret gravitatem* : vbi notandum ex Columella lib. 12. cap. 20. 4. Odores & aromata pro eodem accepisse. Quare Lucretius de se ipso ; varios, inquit, rerum sentimus odores , nec tamen ad nares venientes cernimus unquam libr. 1. 60. Hæc omnia comprehendens lib. de victus ratione emunctissimæ naris Galenus noster ita concludit : *odores profunt , & obsunt* : quam Galeni sententiam in vterinis affectibus paulò antè ad amissim ostendi non veram tantum, imò verissimam esse testante fæmineo sexu. Odor enim fermentabilis , quem omnia aro-

262 *Hippoc. Medicinæ*  
mata spirant, & qui fermenta-  
tione multiplicatur, pluribus  
obest: & contra odor alcaliza-  
tus, & qui ex accensis anima-  
lium partibus excitatur, quia  
fermentorum destructivus plu-  
ribus, prodest, ut quotidianus  
usus & experientia docent.  
Adeoque odor quilibet distin-  
guendus est, & in suas classes  
redigendus. Hoc est, quod vo-  
luit Hippoc. de virginum mor-  
bis. Non enim possibile est, *in-*  
*quit*, morborum naturam co-  
gnoscere ( si quidem artis est  
invenire ) nisi quis noverit na-  
turam in indivisibili, ex qua in  
principio discreti sunt.

*Syrus-  
pus de  
absin-  
thio.*

His omnibus consideratis pa-  
tet. quarè veneranda antiquitas  
nobis præscripsit pro debili, &  
languido ventriculo composi-  
tum illud medicamentum ino-  
dorum, ut omni individuo usui  
esse posset, cujus titulus, syru-  
pus de absinthio. Hic quia ex  
simplicibus ut absinthio ponti-  
co saporis aromatici, & ad-

stringentis, rosa, spica indica, odoratissimis, vino veteri, succo cydoniorum pariter adstringente, & sacharo conflatur, jusserunt ideo coqui hæc omnia in fictili vase aperto, ut vini veteris spiritus volatilis secum auferat odores aromaticos, tam spicæ, quàm absinthii, rosarumque, & sic odores per quam plurimis (verba Hippoc. Chym. cap. 30. aut non intellecta, aut ex malignitate mutata) se perferre non sufficientibus Galeni suasu minimè nocumento sint, & syrupus eorum debili stomacho non odorato spiritu vini, sed modeste adstringenti facultate succurrat, hæcque est causa quare juvenis fuerit (ut testatur textus) hujusmodi syrupus. Undè elucet ratio, & prædecessorum observatio diligens in medicamentis componendis, quare scil. hunc syrupum inodorum esse instituerint. Videantur hac de re Quercetani Tetras, & præ-



ctici omnes, & apparebit rei-  
veritas, quæ quanto magis ab  
osoribus præmitur, tantò glo-  
riosior triumphat, & mendacia  
pedibus conculcat. Non enim  
sufficit veterum memorandas  
observationes longo studio mul-  
tis vigiliis lucubrationibusque  
fideliter adnotatas, nobisque  
relictas ex mera inscitia con-  
demnare, & inusitatâ vocife-  
ratione sine fundamento, &  
causa incognita reformare, &  
insuper per eorum vestigia in-  
cedentes dicteriiis, atque ca-  
lumniis infamare; sed oportet  
si non auctoritate, & experien-  
tiâ, saltem ratione contrarium  
demonstrare, aliàs omnes ridi-  
culæ & ineptissimæ approbatio-  
nes, unâ cum absoniis clamo-  
ribus à sapientibus atque in-  
telligentibus non solum, ut fal-  
sæ vanæque agnoscuntur, & ad  
earum originem velocissimè re-  
mittuntur; sed insuper à vulgo  
inter futilia, sordidaque com-  
menta, summasque livitates  
numera-

numerabuntur , vt sunt ; nulli-  
bi enim legitur nequè in vete-  
rum nequè in novorum naturæ  
interpretum scriptis , eos do-  
cuisse acetum distillatum , esse  
laudatissimum veneris spiritum ,  
& tanquam alkahest : toxicum  
cupri aceto extractum , esse epi-  
lepticum , vel hystericum re-  
medium : aquam elementalem ,  
esse sal tartari volatile , & pro-  
stratis ægris panaceam : aut co-  
ralia , quæ tam à sapientibus  
quàm idiotis inter gemmas re-  
censentur & habentur , corrosi-  
væ communi calci æquiparasse ,  
atque inutilia proclamasse : aut  
acetum ex farina distillatum ,  
pro spiritu salis armoniaci acido  
venditasse : vel minium posse  
aërem in ponderosum corpus  
condensare , aliasque sexcentas  
hujusmodi falsitates generi hu-  
mano exitiosas phræneticorum  
deliriis absurdiores , quæ sine  
tædio citra bonorum morum  
corruptionem vix leguntur : hæc  
inquam & his similia veteres

nostri non docuerunt, & tamen, quanquam falsissima experientiâ, ratione, & auctoritate deprehendantur in medicinæ & generis humani detrimentum, à dictis nostris magnificis approbantur, atque acclamantur. Undè excandescens Aristoteles: Calamum in mente priusquam in atramento tingere sciolos jubet, nè dato uno inconvenienti sequantur innumerabiles falsæ conclusiones; sicut maximo cum damno experiuntur non solum antiquissimæ veritatis studiosi, sed insuper ipsa medicina: & quod magis dolendum, ipsi ægri, ut manifestè apparet in syrupo de Absinthio, quem veteres sine odore, & adstringentem pro omni nimirum individuo instituerunt, ut ex rationibus paulò ante dictis, atque experientiâ ostensis liquidò constat: hunc tamen contra instituta, & medendi præcepta, imò contra naturæ ordinem cum spiritu vi-

ni aromatizato, odoratissimo-  
que commiscent, atque propi-  
nant, hac nimirum falsâ vanâ-  
que opinione; quod nimirum  
*odores, omnibus tam viris, quam*  
*fæminis indifferenter conve-*  
*niant.* Sed qua utilitate, & fru-  
ctu docent practici, & judica-  
bunt ij, qui humanum habent in  
pectore spiritum, fæmininum-  
que sexum vterinis motibus af-  
fectum aliquandò conspexe-  
rint. In scriptore quidem &  
mancipiorum negotiatore, fa-  
teor hunc errorem tolerabi-  
lem esse, simplicique correctio-  
ne opus fuisse; sed in homini-  
bus nimis alta sapientibus, ut  
sunt decani electi cum sociis,  
qui artem alios docere osten-  
tant, communem verò & Ga-  
leni tritam medendi methodum  
non intelligunt ut ostendi, de-  
plorabile facinus est, minime-  
que connivendum: si enim ve-  
teres (quos insultant) Absinti-  
ten, & cydoniten invenire po-  
tuerunt, ut apud Dioscoridem,

quæ difficultas illis fuisset, addere spicam odoratissimam, atque rosam, si odor & vinosus spiritus in hoc composito utilia fuissent? Apparet exindè quod optimè noverint quantum distent aëra à lupinis, quæque oleant allium haram, suam capramque commixtam. Admiratus aliquandò sum non tantum Hippocratem, qui ea solummodò, quæ plebeis nota essent, dicere decrevit: sed Arnaldum, Hollandum, & alios quam plurimos, quod antiquissima artis fundamenta adeò strictè occuluerint, imò olim solummodò inter Æsculapij familiam exercebatur: verum cessat admiratio, dum videam nunc, veritatem ab ijs, qui illam in proximi salutem extollere tenerentur, non delectu doctrinæ, aut scientiæ, sed impetu stolidæque temeritate priusquam rei causâ intelligatur, judicari, damnari, & abjici, ut toto hoc scripto à capite ad calcem usque

diffusè admodum , non opinione tantum hariolorum more, sed clarissimis rationibus , auctoritate , opere , & experientiâ demonstravi. Proindè hujusmodi putatitii, insipidique doctores ex theatro sapientiæ sibilo perquam maximo una cum eorum emendicatis ineptissimisque receptulis malè intellectis falsissimè approbatis, ad ignavos suos socios ejiciendi , & quam primum explodendi sunt , vt antiquissima Hippocratica vera medicina omnium artium nobilissima , è vulgi contemptu exire, & paulatim in prætio haberi atque resurgere possit.

Accipite ergo curiosi lectores, *Concluden-*  
antiquam veritatem amantes, *sio.*

CLAVEM , quâ vetustissimam Hippocraticæ Medicinæ arculam aptissimè aperire , & explicare potestis , quam vobis nunc animo æquo , atque fidei offero. Ignavi autem doctores qui ulcerosâ , & reformatâ suâ doctrinâ naturæ ordinem evertere,

& Hippocraticæ Medicinæ progressum in proximi detrimentum impedire tentant, procul à veritatis luce in dēssimis tenebris versantur; qui cum propriis viribus emergere nequeant, prædecessorum famam, & ipsa naturæ opera contumeliosè dilacerare, & contemnere student, ut apud sui similes nomen & gloriolam temporis captent. Mirū dictu ! vsquē adeo percrebuisse vesanam hanc maledicendi libidinem (cujus occasione majori lumine fulget inconcussa antiquorum sapientia, & nobilissimæ Hippocr. Medicinæ fundamentalis veritas & excellentia) ut postposito decore temerè auferint contra mentem Hippocr. & Galeni imò contra ipsam veritatem, experientiam, atque jus gentiū petulanter insurgere, & apertè in perpetuum crimen miserrimas fatuitates, falsaque recepta in posteritatis & proximi detrimentum extollere, subscribere, & approbare.

Ponderet itaquè incontaminatus lector æquâ lance, & moderato animo, antiquissimam hanc veritatis doctrinam, & veterum nostrorum firmissima fundamenta, quæ in Hippocr. Chym. & in hoc commentariolo, juxta eorum sententiam jacta & stabilita sunt, & justam quin ferat sententiam, non dubito: ex iisdem enim fontibus omnia experimenta deprompta intelliget, ex quibus veneranda antiquitas, & recentiores abditorum naturæ interpretes ea deduxerunt, minimeque fallacia esse deprehendet: imò reperiet causarum inter se necessarias connexiones, alias ex alijs, ultima à primis, infima à supremis, majora à minoribus, minora à majoribus, debilia à potentibus doctissimo naturæ ordine invicem dependentia, & mutuâ commutatione, digestionem, & fermentationem augeri, conservari, interire, & rursus coram oculis nostris in entia nova re-



*Her-  
mes in  
scedula.*

furgere, ut Hippocr. de diætâ.  
Et sicut in macrocosmo talia in-  
fallibiliter esse mechanicè of-  
tendi: sic quoque in microcos-  
mo ejusmodi esse debere omni-  
bus experimentorum indiciis,  
justa ratione ex veterum senten-  
tia conclusi. Ideoque hac me-  
thodo fieri morbos, & eadem  
methodo depelli, cum ars imi-  
tetur naturam, & hæc rursus ar-  
tem Hippocr. nos docuit: cujus  
antiquissimâ doctrinam IGNE  
& AQUA firmissimis princi-  
piis suffultam contra omnem  
iniquam invasionem, dum spi-  
ro, solus defendere confido, eò  
quod pro hac re obtinenda non  
indigeo, sicut Nobilissimæ Me-  
dicinæ destructores meretricum  
more, multis blandientibus pro-  
cis. Styli autem inelegantiam si  
quis accuset, bilem neutiquam  
movebit. Itaque permitto uni-  
cuique ignoranti, ut ganniat,  
oblatret, vociferetque; non e-  
nim formido crabronum stre-  
pitus, qui magnitudine, & mul-

titudine quidem horribiles sunt, aculeis tamen destituuntur, & pro viribus, quantum velint & queant, nitantur, victoriam nunquam assequuntur. Cæterum *Cicero.* illud te Attratine admonitum volo primum qualis es, talem te esse existimes, ut quantum à rerum turpitudine abes, tantum te à verborum libertate sejungas, deindè vt ea in alterum ne dicas, quæ cum à te falsò responsa sint, erubescas. Novi *Horat.* quidem clypeum ( sine jaçtancia dico ) dextrâ, levâque movere, immò novi probè & ipse, & petere probris inimicaque dicere dicta. His placidi animi lector concludimus, cum liber suo jure longior esse nequeat, sed in posterum graviori sono tibi musa nostra loquetur.

F I N I S.

*Ostende meliora si potes, &  
tunc carpe mea, tibi que  
gratias habebo.*

---

# I N D E X

Capitulum hac in Clave  
contentorum.

**A**cidum, & Alkali anti-  
quissima rerum principia,  
quid sint. Cap. 1. Pag. 1.

Acidum antiquissimum princi-  
pium, ut spirituale, sen-  
suum censuræ non submitti-  
tur. cap. 2. pag. 4

Alkali quid sit, & quomodo  
fiat tam à natura, quam ab  
arte, & unde ejus nomen.  
cap. 3. pag. 16

Sal cibarium quantum distet ab  
alkali vitrificante, & sapo-  
nario, cap. 4. pag. 40

Salium medicinalium prepa-  
ratio, cap. 5. pag. 56

Quod seminalis virtus omnium  
rerum sit acida, & quod aci-  
da ducant alcalia ad lubitum,

# INDEX



*quodque omnis acidus liquor  
sit salis acidi solutio in aqua  
elementali, cap. 6. pag. 62*

*Quod nulla materia destrui pos-  
sit, ut non maneat sub aliqua  
forma, cap. 7. pag. 114*

*Acidum destruere, & perficere,  
& ignem, & solem, acidum  
easdem habere potestates.  
cap. 8. pag. 135*

*Quod acidum & alcali in ani-  
malibus sit calidum innatum,  
& humidum radicale, cap. 9.  
pag. 179.*



---

### Errata sic corrige.

*Pag. 13. versu 1. lege, intenduntur. p. 24.  
v. 6. l. haëenus. p. 26. v. 6. l. imprægnat.  
p. 34. v. 14. l. natura. p. 46. v. 20. l.  
insuper. p. 49. v. 7. l. juglandium. p. 50.  
v. 6. l. cucurbitulas. p. 63. v. 12. l. dis-  
solvit. p. 68. v. 4. l. adhærere. p. 78. v. 11.  
l. in fundo. p. 87. v. 15. l. armoniaci.  
p. 108. v. 16. l. mineralibus. p. 173. v. 2.  
l. per fusionis, p. 47. v. 4. l. ex.*









